

Jurnal 1925-yildan chiqa boshlagan

Muassis:

O'zbekiston Respublikasi
Madaniyat va sport
ishlari vazirligi

Bosh muharrir:

Minhojiddin MIRZO

Tahririyat:

Bosh muharrir o'rribosari:

Jalolbek YO'LUDOSHBEKOV

mas'ul kotib:

Komil JONTOYEV

fotomuxbir:

Mashrab NURINBOYEV

sahifalash va dizayn:

Bahrom BOBOJONOV

navbatchi muharrir:

Manzura SHAMS

Jamoatchilik kengashi:

Muhammad ALI

O'zbekiston Yozuvchilar
uyushmasi raisi

Fotih JALOLOV

O'zbekiston Respublikasi
Madaniyat va sport ishlari
vazirining birinchi o'rribosari

Suvon NAJBIDDINOV

«Matbuot tarqatuvchi»
AK Bosh direktori

Abduvahob NURMATOV

Andijon viloyati hokimligi
mas'ul xodimi

Baxtiyor SAYFULLAYEV

O'zbekiston davlat san'at va
madaniyat instituti rektori

Norbek TOYLOQOV

Pedagogika fanlari doktori,
professor

Rustam QOSIMOV

«O'zbekiston pochtasi»
OAK Bosh direktori

E-mail:gulistonjurnali@inbox.uz
guliston_j@exat.uz

Муқовада:
1-бет. Аҳмад ТЎРА олган фотолавҳа.

USHBU SONDA:

Manzura SHAMS

E'zoz bilan ko'ngil yasharar

Abdurahmon PIRIMQULOV

Biz bilmagan g'azallar

Shermurod SUBHON

*Yoshlar ma'naviyatini
yuksaltirishda muzeylarning
tutgan o'rni*

Muhtarama ULUG'OVA

*Mehr va hurmatning
go'zal ifodasi*

Rasul KAMOL

Farishtali yurt

Nilufar HAYITOVA

*«Men jilg'amani, daryo bo'lib
toshgim keladi...»*

Jurnal O'zbekiston Matbuot va axborot agentligi tomonidan 0517 raqamli guvohnoma bilan 18.03.2008-yilda ro'yxatga olingan.

Jurnal ikki oyda bir marta (bir yilda oltita) chop etiladi.

Mualliflar va tahririyat fikrlari farqli bo'lishi mumkin.

«Guliston» jurnalidan olingan materiallarda manba ko'rsatilishi shart.
Tahririyat barcha ijodiy ishlarni tahrir etishga haqli.

Bichimi 60x841/8. Buyurtma № 78. Adadi: 1115 nusxa. Hajmi 6 bosma taboq.
Bosmaxonaga 01.06.2015-yilda topshirildi. Bosishga 01.06.2015-yilda
ruxsat etildi. Tahririyat manzili: Toshkent — 100000, Buyuk Turon ko'chasi,
41-uy. Tel.: 233-25-66, 233-27-94.

Jurnal «Mezon Print» XK bosmaxonasida chop etildi.

Manzil: Toshkent shahri, Kichikbeshyog'och ko'chasi, 130-uy.

YORUG' KUNLAR SAODATI

Инсон доимо бахтга, саодатга интилиб яшайди. Бахтиёрлик ҳақида қанчадан-қанча фикрлар айтилмаган. Ҳеч ким отиона, турмуш ўртоғи, фарзандлари, қариндош-уруғлари, дўстларисиз ўз баҳтини тўкис тасаввур қилолмайди. Унинг севгиси, хурмати, эҳтироми ва садоқати мана шу азиз, юрагига яқин инсонлар ўртасида тақсимланади. Инсон чинакам баҳтиёр бўлиши учун яна бир энг улуғ, энг муқаддас тушунча борки, у буларнинг ҳаммасини бирлаштириб туради. Бу Ватандир! «Кимки ўз юртини севмаса у ҳеч қачон, ҳеч нимани севолмайди, Ватандан ташқарида баҳт йўқ!»

Мустақиллик йилларида муҳтарам Юртбошимиз раҳбарлигига мамлакатимизда тинчлик ва осойишталиқ, ҳамжиҳатликни мустаҳкамлаш, ҳалқимиз фаровонлигини ҳар томонлама ошириш, ёшларни баркамол қилиб тарбиялаш, ёши улуғ, кекса авлод вакилларини эъзозлаш, ҳаёт даражаси ва сифатини яхшилаш, жамиятнинг ҳар бир аъзоси қалбидагатталарага хурмат, кичикларга иззат, меҳр-оқибат, бағрикенглик, ўзаро хурмат туйгуларини мустаҳкам қарор топтириш, бунёдкорлик, изланиш, ташаббус қўрсатиб, она ватанимизни обод қилиш борасида кенг кўламли ишлар амалга оширилди. Кўнгиллардаги ободлик бутун мамлакатга кўчди.

Юртбошимиз 9 май — Хотира ва қадрлаш кунида оммавий ахборот воситалари вакиллари билан бўлган сұхбатда Иккинчи жаҳон уруши оқибатлари, уруш фахрийлари ва кексаларни эъзозлаш, хотира ва қадр моҳияти, дунёда кечаётган мураккаб жараёнлар, мамлакатимизда тинчлик ва барқарорликни мустаҳкамлаш борасида қилинаётган ишлар юртимизда амалга оширилган кенг кўламли ислоҳотлар натижаси тўғрисида фикр билдирилар экан, Бирлашган Миллатлар Ташкилоти кўмагида АҚШнинг Колумбия университети томонидан «Дунёнинг энг баҳти мамлакатлари» деган мавзуда ўтказилган тадқиқот натижаларига ҳам тўхталиб ўтди:

«Ана шу тадқиқотга кўра, Ўзбекистонимиз мазкур рейтингда 158 мамлакат орасида 44-уринни, Мустақил Давлатлар Ҳамдўстлиги мамлакатлари ўртасида эса биринчи уринни эгаллаган.

Бу ниманинг далолати, бу ниманинг исботи?

Бу авваламбор мустақиллик даврида биз эришган улкан мэрраларни, иқтисодиётимиз барқарор суръатлар билан ривожланайтгани, одамларимизнинг ҳаёт даражаси ва сифати ошиб бораётгани ва бу ютуқларни дунё ҳамжамияти яна бир бор тан олаётганини кўрсатади.»

Давлатимиз раҳбари буларнинг барчаси кўпни кўрган, эртанги кунга катта ишонч билан яшаётган, иродаси бақувват, иймони бутун халқимизнинг меҳнати, мардлиги ва матонатининг натижаси эканлигини алоҳида таъкидлади.

Бу баҳтиёр кунларга осонлик билан эришилгани йўқ. Қанча қийинчиликлар, заҳматлар йўли босиб ўтилди. Хушёrlик ва огоҳлик билан қанча мураккаб жараёнларнинг олди олинди.

Ўтган йиллар давомида давлатимизнинг иқтисодий ва маънавий пойдевори мустаҳкамланди. Ҳа, жаҳон молиявий-иқтисодий инқирози туфайли кўп давлатларда «йўғонлар чўзилиб, ингичкалар узилди». Ижтимоий бўхронлар юзага келди. Бир қарашда мустаҳкамдай туюлган кўп иқтисодий тизимлар, моделлар заифлиги, синовларга бардошли эмаслиги намоён бўлди. Лекин Ўзбекистон танлаб олган тараққиёт йўли ҳаёт синовларидан муваффақиятли ўтиб, ҳар томонлама ҳаётӣ, узоқни кўзлаб ишлаб чиқилганини бутун дунёга намоён этди. «Ўзбек модели» асосини ташкил қиласидиган беш тамоилил, давлат ва жамият барқарорлигини таъминлайдиган, халқнинг фаровонлигини оширадиган бешта таянч, муҳим асос сифатида ўзини кўрсатди.

Ватанимиз ўтган йилар давомида қанчалар ўзгариб кетди. Бугун нафақат Тошкент шаҳрини, диёrimизнинг барча вилоятлари, шаҳарлари, туман ва қишлоқлари, олис овулларини кезган, кўрган, одамлар билан сұхбатлашган борки, аввало бир муҳим ва қимматли жиҳатни илфайди. Бу одамлар онги ва қалбида, тафаккуридаги ўзгаришлардир. Бу ёшлар қалбидаги катта-катта мақсадлар сари дадил интилиш, ўзига ишонч туйғусидир. Бу озод ва обод Ватандан, уни мустақилликка олиб чиқсан буюк инсондан, тинч ва фаровон ҳаётдан ризолик, эртанги кундан янада катта умидворлик туйғусидир!

«Истиқолол даврида туғилиб вояга етган, мустақил ва янгича фикрлайдиган, буюк мақсадлар сари интилаётган фарзандларимиз отабоболаридан мерос бўлиб қолган ўз юртини, туғилган тупроғини муқаддас деб билиши, унинг эртанги ёруғ куни учун бутун борлигини бағишлишга, керак бўлса, жонини фидо қилишга тайёр бўлиши — буларнинг барчаси бугун ҳал қилувчи кучга айланиб бораётган ёшларимиз ҳаётининг узвий бир қисмига айлангани ҳаммамизга ишонч ва куч-куvvват бағишлияди».

Ҳа, таъкидлаб ўтилганидек, мамлакатимиз ёшлари бугун барча соҳаларда қатъий мақсад йўлидаги изланишлари, кўлга киритаётган ютуқлари билан жаҳонда ҳеч кимдан кам эмасликларини кўрсатмоқдалар.

Албатта, тинчлик, ҳамжиҳатлик, фаровонлик, мамлакатда ҳукм суроётган маънавий муҳит биринчи навбатда одамларнинг ҳаётида ўз аксини кўрсатади. Мамлакатимизда халқимизнинг ўртача умр кўриш даражаси 67 ёшдан 73,5 ёшга кўтарилди. Бу шунчаки гап эмас. Ахир, қачон инсоннинг умрига умр қўшилади, қачон ёшига ёш қўшилади? Қачонки, юрти тинч ва обод, ҳаёти фаровон бўлса, фарзандларининг тақдиридан, келажагидан кўнгли тўқ бўлса, эътибору эъзоздан мамнун бўлса!

Албатта, мазкур сұхбатда таъкидланганидек, «Биз бугун, ҳақиқатдан ҳам қандай гўзал ва бетакрор заминда яшаемиз. Шу маънода, «Биз кече ким эдигу бугун ким бўлдик?» деган савонни олдимизга қўйиб, ҳозирги ҳаётимиз билан солиширадиган, қиёслайдиган бўлсак, ўйлайманки, орамизда Ватанимизнинг бугунги тараққиёти билан фахрланмайдиган, буни қадрламайдиган одамнинг ўзи йўқ, десам, адашмаган бўламан».

Бугун Ўзбекистонни, дунё аҳли бунёдкор ва яратувчи давлат, аҳолисини эса фаровон ва баҳтиёр халқ сифатида эътироф этмоқда. Пухта ўйланган ислоҳотлар йўли қанчадан-қанча муаммоларга ечим бўлиб, она юртимиз тараққиёти пиллапояларидан соат сайин юқорилаб бормоқда.

Лекин бугунги кунда дунёда, ён-атрофимизда бўлаётган воқеа ва ҳодисалар барчамиздан доимий равишда бепарво ва лоқайд бўлмасдан, ҳар соатда хушёр ва сезир бўлишимишни талаб қилмоқда. «Жаҳоннинг турли минтақа ва ҳудудларида қарама-қаршилик ва зиддиятлар, қонли можаролар, халқаро терроризм, экстремизм, наркотрафик каби хавф-хатарлар тобора кучайиб бормоқда, фашизм деган бало бош кўтармоқда, миллатчилик, шовинизм сингари оғатлар майдонга чиқмоқда».

Бахтили яшаш, аввало, яратганинг хоҳиши, қолаверса, ҳар бир ҳалқнинг ўз қўлида, деб алломалар бежиз айтмаганлар. Бахтили ҳаётни яратиш қанчалар катта меҳнат ва масъулиятни талаб этса, бахтили ҳаётни асраш, уни бардавом бўлишини таъминлаш ундан-да кўп меҳнат, хушёrlик, сезигрлик, ҳамжиҳатликни талаб қиласиди. Мана шу муқаддас Ватанимиз меҳридан доимо баҳраманд бўлиб, уни янада обод қилиш азми шижаати, саодати билан интилиш, уни ҳамиша кўз қорачиғидай асрашдек улуғ ниятлар билан яшаш ҳар биримизга ёр бўлсин!

Тахририят

E'zoz bilan КО'NGIL YASHARAR

Яқинда Ўзбекистон Республикаси Маданият ва спорт ишлари вазирлиги ташаббуси билан «Кексаларни эъзозлаш йили» Давлат дастури доирасида санъат ва спорт фахрийлари иштирокида пойтахтимиздаги «Наврӯз» кошонасида маънавий-маърифий анжуман ўтказилди. Бир пиёла чой устида бўлиб ўтган ушбу тадбир чинакам маънода миллий маданиятимиз, спортимиз ривожига муносиб ҳисса кўшиб, бугунги кунда кексалик гаштини суриб, эъзозу иззат-икромда яшаётган устозларимизнинг ўзига хос дийдорлашув кечасига айланиб кетди.

Яира АБДУЛЛАЕВА, Ўзбекистон халқ артисти:

— Мен ўзбек халқининг эрка қизи бўлдим. Доим халқимнинг ардоғи ва меҳрини ҳис қилиб яшадим. Мана, бугун кексалик нашидасини ҳам шу меҳр оғушида ўтказаяпман. Санъатим туфайли кўп юртларга бордим. Ҳамма жойда ўзбек деган ном билан саҳнага чиқдим. Табиатан кузатувчан бўлганим боис, одамларнинг характеристига алоҳида эътибор бераман. Ўзбекона фазилатларни, бафрикенглик, хушфөълликни бошқа жойларда кўрмайсиз. Мана, куни кеча талабалар йўқлаб келишиди. Маҳалладан, ташкилотлардан, театрдан келиб табриклаб кетишади. Шогирдингизман, деб келаётган ёшларни кўриб, қувониб кетаман.

Ўйлайманки, бу эъзоз, бу қадрни юртимиздаги ҳар бир кекса авлод вакили ўз мисолида ҳис қилмоқда. «Кексаларни эъзозлаш йили» деб Юртбошимиз бошлаб берган ташаббус ўйлайманки, ҳали узоқ вакт давом этади.



**Гулшод ОТАБОЕВА,
Ўзбекистонда хизмат кўрсатган
артист, Қорақалпогистон халқ артисти:**

— Инсон қачон ўзини тўқис бахтли ҳис қилади? Ўз меҳнатларининг самарасини, фарзандлари, шогирдларининг камолини кўрганида. Мен шундай бахтли санъаткорман. Устозим Лизахоним Петросова қорақалпок рақсларининг асосчиси эди. Менга ҳам овозинг, ҳам рақсга иқтидоринг бор экан, деб лапар йўналишини танлашимни маслаҳат берган. Муҳиддин Кори Ёкубов ҳамда Тамараҳонимнинг айтишиувларини, Назира Аҳмедова, Лутфихоним ая, Райхон Тўраева ва ҳамма раққоса сифатида танийдиган Муқарамахоним Турғунбоева ижро этган лапарларни ўрганар, ўзим ҳам уларга тақлидан рақс тушиб, қўшиқ куйлардим. Мана, бугун бу санъатни



Тошкент Маданият коллежи ўқувчилариға ўргатяпман. Сўзимни баҳт тушунчасидан бошлаганимнинг боиси ҳам мен ўз кўзлаган мақсадимларимни шогирдларим камолида кўряпман. Нафақага чиққанимга йигирма йил бўлган бўлса, ҳамон шогирдларим бағридаман, уларга санъат сехрини, саҳнани ҳис қилиш маданиятини ўргатяпман. Республикализнинг тури бурчакларида шогирдларим бор.

Мен бу баҳти шу йил мисолида кўпроқ ҳис қиляпман. Инсон эъзоз кўрган жойда азиз. Мен ўзбек лапарчилик анъаналари авлодлардан авлодларга ўтиб, яшаб қолишига ишонаман. Бу йўлда қилаётган меҳнатларимни юртимиз равнақига оз бўлса-да қушаётган ҳиссам деб ҳисоблайман.



Бахтиёр ИХТИЁРОВ, Ўзбекистон халқ артисти:

— Мен Иккинчи жаҳон урушида бедарак кетгандик икки нафар фарзандини кута-кута оламдан ўтган бувимни эслайман. Ўша давр одамларининг кўзида сабрқаноат, бардош кўрар-

дим. Бугунги кун одамларининг кўзида шукроалик, саодат, қувонч, мамнунлик бор. Саҳар пайти кўчага чиқсангиз, сув сепиб супурилган, дарвозалари очиб қўйилган ҳовлиларга кўзингиз тушади. Онахонлар чаккаларигарайхон тақиб, отахонлар елкасига дуррача ташлаб олиб, фарзандларига, невараларига бош бўлиб юрганлари қадрият эмасми? Яқинда чет элдан келган танишларимни ош маросимиға олиб бордим. Улар одамларимиздаги кайфият, бирбирларига эҳтиром, кексаларга бўлган эъзоз, ҳар бир ишни, уларнинг дуоси билан бошлаш сингари одатларимизни кўриб, ҳайратга тушишди. Ўзингиз айтинг, бундай одамлар, бундай юрт яна қайда бор?

Мен кўпни кўрган, тажрибали актёр, фуқаро сифатида бугунги эъзоздан, ардоқдан фаҳр ҳиссими туйдим.



Толиб КАРИМОВ, Ўзбекистон халқ артисти:

— Қани энди ёш бўлиб қолсаму барча файратим, кучимни шу бугунги кунларда сарф қилсам. Лекин беҳисоб шукрки, элимизнинг ардоғидаман. Театрга, адабий кечаларга чақи-

ришяпти. «Кексаларни эъзозлаш йили» муносабати билан Маданият ва спорт ишлари вазирлиги бизни йўқлаб, барча фахрийларни дийдор кўришитирди. Эҳхе, қанча қадрдонлар билан учрашдик. Совғасаломлар олдик. Эътибор ва эъзоз инсон кўнглини яшартирас экан. Мен ўзимда бир йигитнинг шижоатини ҳис қиляпман.

Бугун болалар баҳтли, кексалар эъзозда, одамларнинг кайфиятига қаранг, ҳамманинг бугунги кунидан, келажагидан кўнгли тўқ. Мен ҳам кексалар қаторида тонгда туриб, юртимизга тинчлик, ҳалқимизга фаронвонлик тилайман. Бизни шунчалар эъзозлаётган Ватанимиздан, Юртбошимиздан миннатдормиз!

Манзура ШАМС тайёrlади





Ўзоз ва санъаткорларинин кечаси



Маданият ва спорт ишлари вазирлиги ҳамда Ўзбекистон Бадиий жамоалар ижодий бирлашмаси томонидан “Кексаларни эъзозлаш йили” давлат дастури доирасида пойтахтимиздаги “Туркистон” саройида “Ўзбек миллий мумтоз ашула ва рақс ансамбли” ва “Навбаҳор” ансамблининг концерти намойиш этилди.

Ёши улуғ нуроний отахон ва онахонларимизга хуш кайфият улашиш, шу билан бирга уларнинг мазмунли дам олишини таъминлаш мақсадида ўтказилган ушбу тадбирда Ўзбекистон халқ ҳофизлари Ўлмас Сайджонов, Сойибjon Ниёзов, Ўзбекистон халқ артисти Матлуба Дадабоева, “Ниҳол” мукофоти совриндори Гулноза Худойназарова сингари санъаткорлар иштирок этди.

— Ўзбекистон бадиий жамоалари ижодий бирлашмаси таркибида Юнус Ражабий номидаги “Мақом”, “Дуторчи қизлар”, “Ўзбекистон”, “Наврӯз”, “Навбаҳор”, “Лазги”, Ўзбек миллий мумтоз ашула ва рақс ансамблари фаолият олиб боради, — дейди Ўзбекистон халқ ҳофизи, Ўзбекистон



**бадиий жамоалари ижодий бирлашмаси бош директори
Ўлмас Сайджонов.** – Ушбу жамоаларнинг барчаси “Туркистон” ва
“Истиқлол” санъат саройида ўз концерт чиқишлигини намойиш этади.

– Эъзоз ва эҳтиромга сазовор бўлиб яшётган биз қариялар учун бу тадбир нур устига нур бўлди, – дейди меҳнат фахрийси Шоира Мақсадова. – Президентимиз томонидан 2015 йил “Кексаларни эъзозлаш йили” деб эълон қилингани бизни бир неча ўн йилларга ёшартирди. Шу кунгача жуда кўп тадбирларда қатнашдик. Мана бугун таникли санъат усталари ижросидаги ажойиб концертни томоша қилдик. Бугунги концерт бизни ёшлика қайтарди.

“Кексаларни эъзозлаш йили” Давлат дастури доирасида Маданият ва спорт ишлари вазирлиги томонидан худудлар бўйлаб мингдан ортиқ ана шундай маданий тадбирлар ташкил этилиб, унга 180 мингдан ортиқ ёши улуф юртдошларимиз таклиф этилди.

«...MEN SHARQ GAVHARI SAMARQANDDA, AFSONAVTY REGISTON MAYDONIDA QO'SHIQ KUYLAGANIMDAN FAXRLANAMAN!»



Бу йил Самарқанд шаҳрида мұхтарам Президенттімиз ташаббуслари билан ташкил этилган «Шарқ тароналари» мусиқий фестивали ўнинчи маротаба бўлиб ўтади. Шу кунгача мазкур фестивалда дунёнинг юздан ортиқ давлатиларидан ташриф буюрган таниқли санъаткорлар иштирок этди. Кўйида улардан айримларининг ушбу анжуман ва юртимиз тўғрисидаги таассуротлари билан танишасиз.

Ал Бано КАРРИЗИ, Италия:

— Ўзбекистон менда худди ўз ватанимдек таассурот қолдирди. Одамларингиз санъатсевар эканлиги кўриниб турибди. Уларнинг орасида иқтидорли йигит-қизларнинг кўплиги бошқалар қатори мени ҳам қувонтириди. «Шарқ тароналари» фестивали дунё халқлари маданиятини бир жойга тўплагани менга ёқди. Фестивалнинг асосий мақсади турли халқлар мусиқа санъатини асл ҳолида саклаш, замонавий кўринишда намойиш этиш экани ҳам буни яққол кўрсатиб турибди.

Буюк ипак йўли ҳақида китобларда ўқиганман

Самарқанд, Бухоро каби тарихий шаҳарларингиз ҳақида кўп эшигтанман. Нихоят уларни кўриш насиб этди. Инсон анча вақт кутган орзуси амалга ошганида ўз хурсандчилигини нима биландир ифода этади. Мен Самарқанднинг муқаддас заминини кўзимга суртдим. «Шарқ тароналари» фестивали бутун жозиба-

си билан дунё халқарини бирлаштиришга катта ҳисса қўшиши шубҳасиз.

Рашми АГАРВАЛ, Ҳиндистон:

— Агар сиз кучли ижодкорлар орасига тушиб қолсангиз, ўзингизнинг энг яхши жиҳатларингизни кўрсатишга ҳаракат қиласиз. Менда ҳам худди шундай бўлди. «Шарқ тароналари»да дунёнинг энг кучли санъаткорлари йигилади. Ана шундай ҳолатда мендан ўзимнинг бор имкониятларимни намойиш этиш талаб этиларди. Мен буни уддалай олдим, деб ўйлайман. Гран-При соҳиби бўлган пайтимдаги қувончимнинг чеки йўқ эди.


Регистон майдонида бундай совринни қўлга киритиш ҳамма санъаткорга ҳам насиб этавермайди. Бундай нуфузли фестивалда қатнашишни ўзим учун фаҳр деб биламан! Самарқандда қўшиқ куйлаганимдан гуурланаман. Мен Ўзбекистон Президенти Ислом Каримовга алоҳида миннатдорлик билдираман. Айнан у киши «Шарқ тароналари»дек ажойиб фестивални ташкил этиб, бутун дунё санъаткорларини бир жойга жамлади.

Назакет ТЕЙМУРОВА, Озарбайжон:

— «Шарқ тароналари» фестивали ўтказила бошлангандан буён бу нуфузли санъат анжуманида иштирок этиш ишқида ёнардим. Лекин қандайдир сабаблар билан бу ниятим ортга сурилаверди ва нихоят орзуларим ушалди. Бундан хурсандман.

Ўзбекистон чиндан ҳам таърифланганидек, жаннатмакон юрт экан. Халқингизнинг самимий муносабати мени лол қилди. Аслида ўзбек ва озарбайжон халқлари нафақат тили ва дини, балки бошка кўплаб жиҳатлар орқали ҳам бир-бираига яқин. Айниқса, адабиётларимиз ўртасидаги узвийликни алоҳида таъкидлаган бўлардим. Сизлар Фузулий ва Низомий Ганжавийни қанчалик севиб мутолаа қиласангиз, биз Навоийни шунчалик севиб ўқиймиз. Ўз-ўзимизнинг шоиримиз сифатида ардоклаймиз.

Самарқандни кезар эканман, ўзбек уста-меъморларига тан бердим. Айниқса, Регистон майдонининг маҳобати ва чиройи ҳар қандай одамни лол қиласи, ажаб ҳислар оғушида қоласиз. Шундай майдонда туриб қўшиқ куйлаш ҳар қандай санъаткор учун катта орзу. Бундай баҳтни англамоқ учун эса фақат ва яна





фақат «Шарқ тароналари»да иштирок этиш ва Регистонда қўшиқ айтиш керак.

Соломон ГОГАШВИЛИ, Грузия:

— Бу ажойиб фестивалда нафақат Шарқ мамлакатларининг вакиллари, балки жаҳоннинг турли бурчакларидан келган маданият намояндлари иштирок этмоқда. Самарқандда фақат «Шарқ тароналари» эмас, дунё тароналари янграйди. Биз дунё санъаткорларининг чиқишларини катта қизиқиш билан томоша қилдик. Самарқанд қадим-қадимдан турли маданиятлар туташган манзил ҳисобланган.


«Шарқ тароналари» бизга жаҳоннинг турли бурчакларидан келган маданият вакиллари билан сухбатлашиш, фикр алмашиш имконини берди. Уларнинг баъзилари билан ижодий алоқалар ўрнатдик. Бу ҳамкорлик ҳамон давом этмоқда. Интернет орқали мунтазам гаплашиб турибмиз. «Айсва» гурухи билан бирга қўшиқ куйладик, ҳамкорликда альбом тайёрлаш режамиз ҳам бор. Демак, «Шарқ тароналари» маданиятлар, миллатлар яқинлашувига, санъатлар, мусиқалар уйғунлашувига, халқлар, давлатлар ўртасида дўстлик ришталарини мустаҳкамлашга хизмат қилмоқда.

Раймондас НИКОЛАЙТИС, Литва:

— Фестивал бизга аввало ўзбек маданияти, қолаверса, Шарқ мумтоз мусиқаси дурдоналари билан яқиндан танишиш имконини берди. Шу жумладан, бошқа халқлар санъати ва маданияти ҳакида ҳам кўп нарса билиб олдик. Улар билан ижодий фаолият борасида фикр алмашдик. Асосийси, дунёниг энг нуфузли мусиқа фестивалида Литванинг қадим анъаналари ва маданиятини барчага намойиш этдик.

Гурухимиз билан Ўзбекистонда ўтган кунларни тез-тез эслаймиз, соғинамиз. Қалбимизда ҳеч қачон тарқ этмайдиган ҳиссиётлар жўш уради. Самарқанддаги мўъжизавий Регистон майдонида қўшиқ куйлаш ҳар қандай санъаткор учун катта баҳт. Ватанингизга яна келиш имкони туғилса, жон деб сафарга отланардим. Кейинги ташрифимизда Ўзбекистон тарихи ва маданиятини янада чукурроқ ўрганишга ҳаракат қиласиз ва албатта дўстларимиз билан учрашамиз.

Темур АЪЗАМ тайёрлади



Biz bilmagan g'azallar

Алишер Навоий лирик меросининг асосий қисми-ни тўрт мустақил девондан иборат «Хазойин улмаоний» куллиёти ташкил этади. Куллиётнинг сўнгги таҳрири 1498 йилда улуғ шоирнинг ўзи томонидан амалга оширилган. Навоий даврида ва кейинчалик ҳам бу муazzам мажмуя «Чор девон» номи билан шуҳрат қозонгган. Навоий куллиёт устида олиб борган узоқ ва машақатли ижодий меҳнат якунидан кейин ҳам бадиий ижоддан сира тўхтамаган. «Чор девон»нинг XVI асрда кўчирилган нусхаларида ҳам 1498 йилдан кейин ёзилган ғазаллар учрамайди. Негаки, мажмуанинг ички тузилиши муаллиф томонидан ниҳоятда пухта ўйлангани ва тартиб берилгани учун кейинги давр хаттотлари унинг бирор бир жойига ўзгартириш киритиш номақбул бўлишини яхши англаганлар. Навоийнинг нурли қалами остида қоғозга тушган, бироқ яратилиш даврига кўра шоир вафотидан бир ёки икки йил аввал ёзилган ғазаллар тақдири бизни изланишга чорлайди. Демак, муайян ва маълум сабаблар билан куллиёт мундарижасига кирмаган «тарқоқ» ғазаллар ҳақида маълумот берувчи манбаларни аввало улуғ шоирнинг ўз меросидан излаш мақсадга мувофиқдир.

Маълумки, Навоийнинг «Мезон ул-авzon» номли рисоласи тўлиқ аruz илми назарияси муаммолари-га багишланган. Шоир аruz вазнининг маълум бир баҳри хусусида сўз очар экан, далил учун бир неча йирик шоирлар ижоди жумласида гоҳо ўз байтларидан ҳам намуна келтиради. Масалан, шоир туркӣ арузнинг «тавил» ва «басит» баҳрлари хусусида сўзлаб, намуна ўрнида ўзининг қўйидаги матлаъларини қайд этади. Даствор «тавил»нинг икки рукни тегишли икки байтни ёзади:

**Десам: оразу зулфинг ул ўтдур,
тутундур — бу,
Дер: ондин сенга куймак,
бу бирдур қаро қайгу.**

Кейингиси:

**Чехрадин бурқаъ очиб, ўтқа куйдурдуң мени,
Чун кул ўлди пайкарим, кўкка совурдуң мени.**

Шундан сўнг «басит» баҳрининг ҳам икки рукни мавжуд деб бирига:

**Ишқинг мени туну кун мажнуну
зор айламиш,
Кўнглумни зору ҳазин, жиссим
низор айламиш, —**

деган матлаъни асос қилиб кўрсатади. Тилга олин-

ган байтлар билан бошланадиган ғазалларнинг бирортаси ҳам машхур кулиёт таркибида учрамайди. Шундай экан, ғазалларнинг тугал варианти қаерда бўлиши мумкин, деган ҳақли савол туғилади. Ахир шоир уларни тамомига етган, бадиият ва ички шеър ўлчовлари жиҳатдан етук асарлар сифатида қайд этяпти-ку!

Шунга ўхшаш ҳолат Заҳириддин Муҳаммад Бобурнинг аruzга тегишли рисоласида ҳам кузатилади. Жумладан, «Рисолайи аруз»нинг «рамал» баҳрига тегишли саҳифаларида Бобур мисол сифатида Навоийнинг қирқ олти фазали матлаъсини тилга олади. Шулардан фақат биттаси, яъни:

**Кимники ёр айладинг бўлди
гирифторинг сенинг,
Рашқдин ваҳ дея олмасман:
худо ёринг сенинг, —**

деган сатрлар билан бошланадиган ғазал йирик тўплам таркибида учрамайди. Шунингдек, рисоланинг бошқа саҳифаларида ҳам Навоийга нисбат берилиб қайд этилган ўн уч байтнинг тугал варианти кулиётда мавжуд эмас.

Навоий қаламига мансуб навбатдаги ғазал мақтаъси билан биз шоирнинг яна бир кичик замондоши Ҳасанхўжа Нисорийнинг «Музаккири аҳбоб» тазкираси орқали танишамиз. Нисорий ёшлиқ чоғларида ҳазрат Навоий билан бир кеч тушида кўришганини фаҳр билан хотирлаб, сұхбат чоғида устознинг «бизнинг ашъоримииздан ҳам билурмусан» деган саволига жавоб сифатида «фақир аларнинг бу муборак мақтаъларин ўқудум» деб:

**Эй Навоий, сен киму меҳробу
масжид истамак,
Қайдаким, хўблар аёгин кўйса,
сен бошингни кўй, —**

деган сатрларни келтиради. Ушбу тугалланма байт билан кулиёт девонлари жисмидаги ғазаллар солиштирилса, бунинг ҳам тугал варианти мавжуд эмаслиги ойдинлашади.

XVI асрда яратилган Мирзо Муҳаммад Маҳдиҳоннинг «Санѓоҳ» деган лугатида ҳам Навоий ижодидан ўнлаб мисоллар келтирилди. Лекин Маҳдиҳон тилга олти матлаънинг тугал шакли «Чор девон» жисмида учрамайди.

Навоийнинг тури муносабат билан кулиёт таркибида кирмай қолган бир неча ғазаллари бизгacha қатор мухаммаслар орқали етиб келган. Бу жиҳатдан айниқса XIX аср шоирлари алоҳида маҳорат намойиш этишган. Жаҳон Отин Увайсий, Мирмаҳмуд Қорий, Роқим ва Юсуф Сарёмий меросидаги тахмисларнинг асосий қисмига замин бўлган ғазаллар кулиётда бор. Аммо уларнинг баъзи бир тахмисларига замин бўлган ғазаллар машҳур кулиётда кўзга ташланмайди. Сарёмий ижодидаги икки тахмис (бира «Дуторчи қизлар» айтадиган машҳур «Яли-яли» кўшиғига асос бўлган) нинг асоси девонларнинг бирортасида ҳам мавжуд эмас экан. Навоийнинг мажмууда бўлмаган:

**На янглиғ айлади тасвир оразинг наққош
Ки, наътинг айтғали айлар кўнгул
тил илила талош, —**

матлаъли ғазалга ҳам Қорий, ҳам Сарёмий ниҳоятда гўзал тахмис боғлаган экан. Демак замондош бўлган икки ижодкор бизга номаълум бир манбадан, эҳтимол битта баёздан фойдаланган бўлиб чиқади. Хуласа қилиш мумкинки, баъзи бир мумтоз шоирларимизнинг мухаммаслари орқали биз улуғ шоир кулиётига кирмаган ғазаллар билан яқиндан танишишимиз мумкин. Бироқ Навоийнинг ўзи «Мезон ул-авзон»да, Бобурнинг «Рисолайи аруз»ида ва Нисорийнинг «Музаккири аҳбоб» тазкирасида, шунингдек, Маҳдиҳоннинг «Санѓоҳ» лугатида тилга олинган бир неча ғазалларнинг тўлиқ шакли ва манбаси бизга ҳали ҳануз номаълум бўлиб келмоқда.

Яна бир мулоҳаза борки, устоз навоийшунослар бу борада эътироф этса арзидиган ишларни амалга оширганлар. Профессор Ҳамид Сулаймонов йирик тўпламга кирмаган ўттиздан ортиқ ғазалларни аниқлаб, 1960 йилда охирги — «Фавойид ул-кибар» девони таркибига илова сифатида киритган бўлса, профессор Фозила Сулаймонова бу рўйхатга яна бир неча намуналарни киритиб, 1995 йилда алоҳида «Айёми висол ўлди яна» номи билан чоп эттирган. Профессор Абдурашид Абдуғафуров эса бу мавзууда жiddий кузатишлар олиб бориб, шоирнинг кулиётга кирмаган асарларининг умумий ҳажмини алоҳида тўплам қиласа, катта бир китоб бўлишини, олимларимиз аниқлаган асарлар эса бизга номаълум асарларнинг учдан бир қисми эканлигини катта ишонч билан таъкидлайди.

Унутмаслик лозимки, устоз навоийшунослар кулиётга кирмаган ғазалларни яқдиллик билан 1498 йилдан кейин, яъни кулиёт устидаги фоят мashaқатли ижодий меҳнат якунинг етганидан сўнг ёзилган, чунки уларнинг кўпчилигида шоир қариллик ва хасталиқдан шикоят қиласи ва шу боис ҳам улар девонларга киритилмай қолган деб ҳисоблайдилар. Агар биз девонлар ва умуман кулиётнинг ички тизими ҳамда композицион тузилиши(«Бадоеъ ул-бидоя» дебочасида шоир девон тузишнинг ўзига хос принциплари ҳақида сўзлаганини эсга олайлик)га дикқат қиласақ, шоирнинг ўзи онгли равища, эҳтимол ўзга манбалар орқали ёзиб қолдиришни режа қилгани учун кулиётга киритмаган бўлиб чиқади. Чунки шоир «тарқоқ» ғазалларнинг ҳаммасида ҳам, юқорида кўрганимиздек, қариллик ва хасталиқдан шикоят қилавермайди. Улар орасида чақмоқдек чақнаб турган шундай ишқий сатрлар борки, бу айнан кекса Навоийнинг эмас, балки ошиқ Навоийнинг шахсий дард ва армонларининг поэтик талқинидек таассурот пайдо қиласи. Ҳар ҳолда шоир кулиётга лозим топганини киритган, лозим топмаганини эса онгли равища тушириб қолдирган. Чунки бу ҳол муazzзам мажмуулининг ички тузилишига путур етказиши мумкинлиги шоир томонидан жiddий инобатга олинган.

Абдураҳмон ПИРИМҚУЛОВ



Хар иили мамлакатимизда 27 июнь — Матбуот ва оммавий ахборот воситалари ходимлари куни сифатида кенг нишонланади. Ҳозирда Ўзбекистонда 1400 га яқин оммавий ахборот воситаси фаолият кўрсатмоқда. Шуни алоҳида қайд этиш керакки, ҳаётимизга анъанавий ахборот воситалари бўлмиш газета-журналлар, телевидение, интернет-телевидение, интернет-радио каби янги тизим, ахборот воситалари ҳам кириб келдики, уларсиз фаолиятизни асло тасаввур қилолмаймиз. Мұхтарам Президентимиз таъкидлаганидек, бугунги кунда «Оммавий ахборот воситалари, нашриёт ва матбаа корхоналари, матбуот тарқатувчи ташкilotларни кўллаб-куватлаш мақсадида қабул қилинган Президент қарорига биноан улар учун яратилган имтиёз ва преференциялар мазкур тузилмаларнинг мустақиллигини сўзда эмас, амалда таъминлашда қулай молиявий шароит туғдириб, ушбу соҳада меҳнат қилаётган мингминглаб ишчи ва ходимларнинг даромадини, моддий фаровонлигини ошириш билан бирга бошқа бир қатор тармоқлар ривожига ҳам катта ижобий таъсир кўрсатмоқда».

Байрам муносабати билан турли оммавий ахборот воситаларида фаолият кўрсатаётган устоз журналистларнинг бугунги кундаги соҳа ривожи, оммавий ахборот воситаларининг ҳаётимизда тутган ўрни билан боғлиқ мулоҳазалари ни эътиборингизга ҳавола қиласиз.

**Гулчехра УМАРОВА,
Ўзбекистонда хизмат кўрсатган
маданият ходими:**

— Хар бир ўтган кунимиз бизни тобора Ватанимиз мустақиллигининг 24 йиллиги нишонланадиган санага яқинлаштирум олади. Албатта, кўхна тарих учун бу бир шам ёниб ўчганчалик фурсат бўлиши мумкин. Лекин она Ватанимиз Ўзбекистон учун бекиёс ўзгаришлар, таърифга тил ожиз янгиланишлар даври бўлди. Нафақат пойтахтимиз Тошкент, балки вилоятларимизнинг барча худудларида амалга оширилган ва оширилаётган улкан бунёдкорлик ишлари, ҳамма соҳаларда кечаетган ислоҳотлар кўлами одамнинг ақлини шошириб кўяди. Айниқса, Президентимиз томонидан ёшларга берилаётган кенг имкониятлар, яратилаётган шарт-шароитлар ҳамда бунга жавобан улар турли соҳаларда жаҳон миқёсида қўлга кирита-

ётган ютуқлар ҳар биримизга фахр ва фурур бағишлади.

Ана шундай юксак миқёсдаги ишлар аҳамиятини, залворини ҳар бир ватандошимиз онгу шуурига етказиш, уларда ўз она юртидан фахрланиш хисларини жўш урдириш ва янги марраларга чорлашда олдинги сафларда бораётган матбуотчиларнинг вакили эканимдан хурсандман. Узоқ йиллардан бўён ўзбек миллий санъати тарғиботи билан шуғулланиб келаётганим учун шу йўналишда журналистларнинг иштироқи ва олдимида турган вазифаларга тўхтасам ўринли бўлади, деб ўйлайман.

Мустақиллик йилларида бошқа соҳаларда бўлгани каби, санъатнинг барча йўналишларида Президентимиз алоҳида эътибори туфайли катта ишлар амалга оширилди ва бу йўлдаги ишлар ҳамон давом этмоқда.

Шахсан мени санъатнинг опера, вокал ижочилиги, созандалиқ, миллий ва эстрада хонандалиги, тасвирий ва амалий санъат борасида ёшлар кўлга киритаётган дунё миқёсидаги ютуқлар ниҳоятда кувонтиради. Журналистлар, хусусан, санъатшунос журналистлар матбуотда бу ҳақда фахрланиб ёзмоқдалар, эшиттириш ва кўрсатувлар тайёрламоқдалар.

Бу яхши, албатта. Зеро, ҳар соҳада қўлга киритаётган ютуқларимизни юртимизнинг ҳар бир фуқароси қалбига сингдириш, уларда ўз ватани ва ватандошлиридан фахрланиш туйғусини шакллантириш бизнинг асосий вазифаларимиздан бири.

Айни чоғда олдимида ҳали улкан вазифалар турганини ҳам унумаслигимиз, асосий эътиборни соҳада учраб турган камчиликларни тугатишга қартишимиз лозим. Ёшларимиз маънавиятига бевосита таъсир кўрсатишга қодир бўлган санъат соҳасидаги айrim камчиликларни бартараф этишимиз зарур. Айтайлик, Президентимиз театр ва кино ижодкорлари олдига қўйган замонамиз қаҳрамонини саҳна ва экранларга олиб чиқиш борасида ҳали қувонарли натижалар кўп эмас. Вокал ижочилар, созандалар, мумтоз ашула ижочилари жаҳоннинг нуфузли саҳналарида катта ютуқларни қўлга киритаётганлари баробарида миллий эстрада йўналишида ҳамон матнга беэътиборлик, мусиқада кўчирмакашлик, ижрода пала-партишлик учраб турибди. Бундай ҳолатларни нафақат эстрадага кириб келаётган ёшлар, балки тажрибали хонандалар ижодида ҳам кузатиш мумкин.

Назаримда бу ўринда журналистларнинг ҳам айби бор. Чунки матбуотда, радио-телевидениенинг баъзи каналларида эстрада хонандалари билан тумтароқ сухбатлар, фалати интервьюлар берилмоқда. Улар-

ни ўқиган, кўрган ё эшитган одам ҳеч қандай маънавий озука олмайди.

Журналистлар тайёрлашда бир нарсага эътибор бериш керак, деб ўйлайман. Бу соҳага қалами бор, истеъоддли ёшлар танлаб олинади, яъни уларда ёзиш малакаси шаклланган бўлади. Лекин, нима учундир, уларнинг аксарияти бирор жиддий мақола ёзмасдан диплом олиб кетаверади. Назаримда, бу ҳақда ўйлаб кўриш керак.

Санъатшунос-журналистлар кўплаб етиширилаётганига қарамай, бугун театр, кино, мусиқа ва санъатнинг бошқа йўналишларида яхши профессионал мақолалар, сұхбатларга эҳтиёж катта. Бугун кўйилаётган спектакллар, суратга олинаётган фильмлар, қўшиқлар, тасвирий санъат асрлари профессионал таҳлил қилинган, камчиликлари рўйи рост кўрсатилган, ютуклари эътироф этилган мақолалар сув ва ҳаводек зарур. «Танқид — келажакнинг меваси» деб бежиз айтилмаган. Зоро, танқид бор жойда ўсиш, ривожланиш бўлади. Ёш истеъоддли санъатшунос журналистлар сафи кенгайишини, матбуотимиз саҳифаларида санъат ҳақида пишиқ-пухта мақолалар кўпайишини истардим.



Кутлибека РАҲИМБОЕВА, Ўзбекистонда хизмат кўрсатган маданият ходими:

- Журналистнинг бирламчи вазифаси нима?
- Одамларнинг ахборотга бўлган эҳтиёжини қондириш, уларни маълумотлардан хабардор қилиш, — деб жавоб беради кўпчилик.

Аслида бу жавобда ҳам хатолик йўқ бўлса керак-куя, лекин мен бу саволга:

— Қаламкашнинг бирламчи вазифаси юртга, табиатга, тинчликка, одамларга, умуман, ҳаётга, борлиқга муҳабbat уйғотиш, — деб жавоб берган бўлардим. Чунки севган қалб ҳимоя қиласи, авайлаб-асрайди, курашади. Биз инсониятда кўрмоқчи бўлган барча фазилатларнинг дояси — муҳабbat. Муҳаббатсиз юраклар кўрқинчли. Хиёнат ҳам, фафлат ҳам, лоқайдлик, меҳрсизлик — ҳаммаси муҳаббатсиз юракда ин қуради.

Оддийгина бир мисол: кўчамиз, маҳалламиз, шахару қишлоқларимизнинг чиройига соясолаётган, гулзорлар, ариқларга ташлаб кетилаётган чиқиндилар ҳақида ёзмаган журналист кам бўлса керак. Лекин кўпчилигимиз шу манзаранинг ўзини ёзамиз, кимни-дир тарбиясизлик, бефаросатлиқда айблаймиз.

Аслида гап муҳаббатда. Боламизни, онамизни яхши кўрамиз. Ўзимиз-ку икки дунёда уларга хунуклик берадиган нимadir чапламаймиз. Худди шун-

дай ҳовлимиз, уйимизни қиртишлаймиз. Битта барг тушса, битта супурамиз. Нега кўчага, маҳаллага ширинлик ўрови-ю сигарет қолдиги, автобус чиптасини бемалол ташлаймиз? Нега ўша ерни барчамиз ҳам онамиздай, фарзандимиздай, уйимиздай севмаймиз?!

Шукрки, ҳалқимиз дилида она заминимизга чексиз муҳабbat борлиги учун ҳам қувончлар, муваффақиятлар бор. Юртимиз тинч, ҳаётимиз фаровон, осмонимиз мусаффо. Лекин барибир муҳаббатга ҳаётимизда эҳтиёж катта. Журналист қандай мавзуни қаламга олса ҳам, ниятида муҳаббат бўлсин! Қаламимизда юртим деб яшаётган бедор юракларнинг зарблари доим сезилиб турсин!

Аҳрор АҲМЕДОВ, «Шарқ» нашриёт-матбаа компанияси бош муҳаррири:

— Соҳадошларимизнинг меҳнатларини ҳурмат қилган ҳолда, энг оғир, заҳматли, таъбир жоиз бўлса дикқинафас, кора меҳнат касб назаримизда ношириликдир. Битта қўлёзма нашриётнинг бу эшигидан кириб, у эшигидан тайёр китоб ҳолида чиқиб кетгунча 40 дан ортиқ жараёнлардан ўтади. Эвазига китобнинг энг охириги саҳифасида ноширларнинг исми-шарифи майда ҳарфлар билан тиркаб қўйилади, холос. Муҳими китоб кўрким, пишиқ-пухта, бекамуқуст, бехато, ранг-у расмлари тиник, бўёқлари яшнаб чиқкан бўлса бўлди. Ноширнинг баҳти, қувончи, мурод-муддаоси шу. «Яхши китоб чиқибди» деган гап унга мукофот. Ноширликнинг завқи, файзи ҳам мана шунда.

Хозир мамлакатимизда барча соҳалар қатори ноширилик-матбаачиликка жуда катта эътибор берилмоқда, кенг имкониятлар яратилмоқда. Мустақиллик-кача юртимизда атиги 9 та нашриёт бўлган бўлса, ҳозир уларнинг сони 100 дан ошиқ. Эътиборли жиҳати, уларнинг ярмидан кўпи хусусий нашриётлардир. Бу янги имкониятлар, рақобат, тараққиёт, ранг-баранглик дегани. Ҳамма гап мана шу имкониятлардан тўғри, масъулият билан, жуда катта салоҳият ва жонфидолик билан фойдаланишда. Тўғрисини айтганда, кейинги йилларда хом-хатала, савиясиз китоблар ҳақида турли даражадаги давраларда кўп гап бўлди. Мақолалар, кўрсатувлар бўлди. Бевосита таалуқли бўлмаса-да, баъзан соҳанг, касбинг, эътиқодинг, умр йўлинг шу бўлгандан кейин алам ҳам қиласи.

Хозир ўртача ҳар йили 2 ярим минг номда китоб чиқаяти. Агар уни мамлакатимиз аҳолиси сонига бўлсан, бир кишига нечта китоб тўғри келади? Аниқроғи, неча кишига бир китоб тўғри келади? Шу ҳолнинг ўзиёқ соҳамиз имкониятлари, истиқболлари кенглигидан далолат. Хозир етакчи нашриётларимиз дунё миқёсидаги китоб ярмаркаларида изчил қатнашиб келишмоқда. Ҳар йили Франкфуртда бўладиган энг нуғузли китоб намойишида совринли ўринларни олиб келишаётганинг ўзиёқ фикримизга исбот бўлади. Мана уч йилки май ойининг охирида «Республика китоб байрами» ўтказиб келинмоқда. Сентябрда эса «Болалар китоблари фестивали»ни ўюштириш ҳам анъанага айланди.

Муҳтарам Президентимизнинг «Матбуот ва оммавий ахборот воситаларининг



ҳаётимиздаги ўрни ва таъсири ортиб бориб, халқимиз ўртасида «Тўртинчи ҳокимиият» сифатида тобора катта ишонч ва ҳурмат қозониб бораётган экан, бунинг негизида аввалимбор журналистлар, кўп ҳолларда кўзга ташланмайдиган камтарин мұхаррирлар, ноширлар, матбаа соҳаси ва замонавий аҳборот коммуникация тармоқларининг минг-минглаб заҳматкаш ишчи-хизматчиларининг кундалик оғир ва сермашақ-қат меҳнати мұжассам» деган сўзларини биз доимо ёдда сақлаймиз. Бу эътибор бизга илҳом беради, айни пайтда масъулият ҳам юклайди.

**Хулкар ҲАМРОЕВА,
Филология фанлари номзоди:**

— Радиожурналистикага ҳавас болаликнинг илк қувончлари ва ҳайратлари билан қоришиб кетган. Тахминан тўрт-беш ёшларда бўлсак керак, раҳматли аям мен билан укам Ҳамзага ҳар куни шеър ёдлатардилар, кечки пайт ишдан қайтган отам уйимиздаги катта магнитофонга бизнинг овозимизни ёзиб олардилар... Булар СамДУни битирган, қишлоғимизнинг илк олий маълумотли зиёлилари бўлган, ҳавасманд, шоиртабиат ота-онамнинг кундалик машгулотлари эди. Унгача шеърни (ўзимиз ҳали шеър нималигини билмаймиз) ифодали ўқиши бўйича тарбиявий соат ўтиларди. Уйимизга меҳмон келганда оташу ёзувларни кўйиб берардилар.

Ўқувчилик йилларимда дугонам Зебинисо билан қишлоқ радиотармоғида ўзимиз тайёрлаган эшиттишларни олиб борардик. Дастурни асосан мен тузардим. Қишлоқдошларимиз бу «эшиттириш»ларни орзиқиб кутишарди. Йил охирида собиқ жамоа хўжалиги аъзолари қаторида бизга ҳам «иш ҳақи» бериларди. Бу радиожурналистикадаги мен олган илк қалам ҳақи эди...

Ўзбекистон Миллий университетида талабаларга дарс бериб юрган йилларимда тақдирим яна радио билан туташди. Ўзбекистон миллий телерадиокомпанияси «Ўзбекистон» радиоканалининг Маориф ва тарбия бош мұхарририятида ишлай бошладим. Биринчи марта икки соатлик «Ҳамроҳ» маърифий мусиқий эшиттириши билан эфирга чиққанман. Унинг ҳаяжонлари биринчи ёдлаган шеъримнинг қувончларидек ҳамон юрагимни тарқ этгани йўқ. Ҳозир ҳам студияда, микрофон олдида эшиттиришимни бошлар эканман, илк ҳаяжонлар юрагимнинг қайсиdir бўлакчасида гимирлаб қолади...

Ўзбекистон Қаҳрамони, мұхтарам устозим Озод Шарафиддинов биринчи тингловчим ва биринчи танқидчим эдилар. Таниқли сухандон Д. Зуннунов, профессор С. Содик, доцент С. Умировлар ҳар бир эшиттиришимизни тинглаб, албатта фикрларини

билдиришарди. Мен улар қаторида минглаб-миллионлаб тингловчиларимизнинг Фикр-мулоҳазаларини битта дарс сифатида қабул қиласдим, ҳар ой юртдошларимиздан кўплаб мактублар олардик.

Радиожурналистиканинг тезкорлиги, ҳозиржавоблиги, радиони етти ёшдан етмиш ёшгача бўлган юртдошларимиз учун очиқ ва эркин минбар эканлиги ишимиизга ҳамиша масъулият билан ёндашишга ундейди. Дастурларнинг эшитимли бўлиши баробарида тингловчини мушоҳадага ундаши, ўз оиласи ва она Ватани тақдирига ўзини даҳлдор деб билишига даъват этиши ўзининг самарасини бермоқда. Юртдошларимиз радиони биринчи навбатда «кун ҳамроҳ, тун ҳамроҳ» самимий дўсти, вақти келса маслаҳатчи, устоз деб билиши бизни ҳамиша руҳлантиради.

**Саодат ЎРМОНОВА,
Ўзбекистонда хизмат кўрсатган журналист:**

— 1988 йилда ўқиши тугатиб, телевидениега ишга келганман. Ўшанда мамлакатимизда республика миқёсидаги ягона «Ўзбекистон» телеканали бўларди. Бизга 10 дақиқалик лавҳа тайёрлаш учун атиги 15 дақиқалик плёнка бериларди. 45 дақиқалик кўрсатув учун 4 соат монтаж вақти ажратиларди. Шахсий архивимдаги эфирдан ёзиб олинган кўрсатувлар менга ўша пайтлардаги иш жараёнини ва қийинчиликларини эслатиб туради.

Кейин бир дона «Бетекам» камераси ишга тушди. Техника танқис бўлгани учун навбатда турардик. Ўша кунларни эсласам, ҳозирги вақтдаги имкониятларнинг қадрига етаман. Чунки, бугунги кунда ёшлар ишга келса, ҳаммаси мұхайё. Камера, монтаж хоналаридан истаганча фойдаланиш мумкин. Ижодкорлар меҳнатига берилётган рағбатлар одамни яна-яна ишлашга ундаётгандек бўлади.

Биз жойларда бўлганимизда ўзгаришлар ҳақида кўп гапиришади. Биз ҳам бундан тўлқинланиб, жўшиб-ёниб таърифлашга интиламиш. Ўйлайманки, узоққа бормасдан ён-атрофимизга қарасак, яна қанча янгиликлар, ютуқлар ва натижалар кўзга ташланади. Энг мұхими, булар ҳаммаси инсон манфаати, фаровонлиги учун хизмат қиладиган ўзгаришлар бўлиб, «Бу муқаддас Ватанда азиздир инсон!» деган шиорнинг ёрқин мисолидир. Биз буни билиб, ҳис этиб, меҳнатларимиз ва ҳаракатларимиз билан жавоб қайтаришга ўзимизни бурчли деб биламиш.



«Инсон қадри азиз, хотираси муқаддас». Бугунги кунда тез-тез тақрорланаётган бу ибора айни пайтда катта ташаббусларга ҳам айлануб кетяпти. Адабиёт, санъат, спорт, фан, ишлаб чиқариш соҳаларида фаолият кўрсатиб, ўз касбининг фидоийлари бўлган, халқимизнинг илм-фани, фаровонлигига бекиёс хиссаларини кўшган юртдошларимизни хотирлаш, уларнинг авлодларга қолдириган меросини ўрганиш йўлида самарали ишлар амалга оширилмоқда. Ушбу саҳифада ўзларининг дилбар шеърлари билан халқимизнинг юрагидан жой олган шоирлар Пўлат Мўмин, Зоҳиджон Обидов, Назарматнинг кўшиқларда яшаётган шеърларидан ва адабиётшунос олим Матёкуб Кўшжонов умрининг сўнгти ийларида ёзган битикларидан эътиборингизга ҳавола этдик.

Intizorlik daftar ochgan kechalar

Матёкуб Кўшжонов

ОДАМ ҚАДРИ

Одам қадри! Катта маъно бор бу иборада. Бутун инсоният тарихида неки хайрли иш бўлса, барчаси шу калимада мужасам ифодасини топади.

Одам туғилади, ўсиб улғаяди. Камол топиб, ҳаёт уммонига шўнгийди. Бу уммонда кимлар ва нималар йўқ дейсиз! Шу баҳр ичра у яхши-ёмон кунларни бошидан кечиради. Кўнгил ва кўнгилсиз ишлар гувоҳи бўлади. Хар хил одамларга дуч келади. Кўпроқ яхшилар учраса баҳти, улар сафига интилади. Кўпроқ ёмонларга дуч келса, ишининг қайтгани: ё ҳаётдан жабрланади, ё ўзи ҳам уларга эш бўлиб кетади.

Шу тарзда мен ҳам турли воқеаларга, ҳар хил одамларга рўпера келдим. Уларнинг бари мен учун сабоқ бўлди. Ёшлик пайтларимда кўпроқ қариндош-урур, ёр-дўст, тенгдошларим — оддий меҳнаткашлар мухитида вояга етдим. Бу элнинг барчаси — моҳир дехқону хунармандидан тортиб, девонасигача сабоқ ё ибрат бўлди мен учун. Уларга «Дагиши» номли эсдаликларимни бағишладим.

Иккинчи жаҳон уруши мени турли-туман миллат, турли хислатдаги одамлар билан учраштириди. Улар ичida кимлар йўқ эди! Бу мухит мен учун қисмат мактаби бўлди. Шулар ҳақида «Алам» номли уруш эсдаликларимда батафсил тўхтадим.

Бу инсонлардан ҳар бирининг ҳаёт тарзи, шахсий хислатлари, жамиятда тутган ўрнига ҳавас билан қарадим. Доим улардан нималарнидир ўрганишга уриндим, сабоқ изладим. Ўз навбатида, улар ҳам менга хайриҳоҳлик билдирилар, яхшиликларини аямадилар.

Талабалик чоғларимда Ўзбекистон Фанлар академиясининг президенти Қори Ниёзий тортинмай учрашиб, бемалол гаплашаверса бўладиган алломадек туюлди менга. Улуғ адиллар Ойбек, Абдулла Қаҳҳорлар билан фақат ижод юзасидан эмас, балки дуч келган шахсий муаммоларим борасида ҳам дардлашувим, мадад олишим мумкин бўлган сиймолар эди. Институт, университетлар эшигидан кириб, кўзим тушган профессорлар Фойиб Напасов, Воҳид Абдуллалар энг яқин кишиларим бўлиб қолиши...

Одил Ёкубов, Пиримқул Қодиров, Озод Шарафиддинов сингари сафдошларим билан эса адабиёт майдонига бирга кириб келганимиз. Табиийки, уларнинг ҳаёти ва ижоди ҳам мен учун катта мактаб бўлди. Менинг ҳаёт тажрибам, илмий излашишларим эса улар учун бефойда ўтмаган бўлса керак, деган хуш фикрдаман...

Пўлат МўМИН

ЭЙ, МУҲАББАТ...

Эй, муҳаббат, бунчалар фусункорсан,
Эй, муҳаббат, оромбаҳш, беғуборсан,
Эй, муҳаббат, гоҳида дилозорсан,
Эй, муҳаббат, қалбимда мудом борсан!
Муштоқдирман доимо меҳрингга ман,
Хар юракка туширган муҳрингга ман,
Лол қолганман кўрсатган сехрингга ман,
Эй, муҳаббат, ёки сен сехр гарсан!
Ўйламаган юракларни ўйлатасан,
Ўйнамаган юракларни ўйнатасан,
Йигламаган дилларни йиглатасан,
Эй, муҳаббат, ёки сен ҳукмдорсан!
Йўл кўясан баъзида хатога ҳам,
Баробарсан сен шоҳу гадога ҳам,
Не кулфатлар солмадинг Лайлого ҳам,
Эй, муҳаббат, ёки сен жафокорсан!
Истардим ман, дилларни куйдирмасанг,
Хижронларга асло йўл қўйдирмасанг,
Ошиқни ҳам жонидан тўйдирмасанг,
Эй, муҳаббат, малҳаму шифокорсан!
Эй, муҳаббат, Мўминга мададкорсан!

Зоҳиджон ОБИДОВ

КУЙЛА, ДИЛКАШ ДУТОРИМ

Куйла, дилкаш, садоқатли дуторим,
Ёзиб дилдан ёр ишқида хуморим.
Қалб садоси бўлиб янгра қўлимда,
Зарра қўймай бу кўнгилнинг губорин.
Ҳамдамим бўл, уйку қочган кечалар,
Интизорлик дафтар очган кечалар,
Ҳар пардада висол шомин эт яқин,
Кўмсатур ёр бирга юрган кўчалар.
Дардлашурман бошинг босиб кўксима,
Ёр келганда четда қолиб ўксима.
Ёр кетганда қўлга олиб ўртаниб,
Дилкашим бўл, нозланиб сен йўқ дема.

НАЗАРМАТ

РАЊНО

Табиат гуллари ранг танлаганда
Камалак чиройин сенда кўрганми?
Ошиқлар ёрига гул жамлаганда
Гўзаллик рамзи деб сендан сўрганми?
Наргиз бор, сапсар бор, гултоҳижуроз,
Намозшом гуллари — тун фариштаси.
О, Рањно нимасан, бўл менга ҳамроз,
Гулмисан, ё юрак, ё ишқ риштаси.



YOSHLAR MA'NAVİYATINI YUKSALTIRISHDA MUZEYLARNING TUTGAN O'RNI

Музейлар маълум бир халқнинг тарихи, давлатчилиги, табиати ҳамда миллий маданийатини тарғиб қилувчи муҳим масканлар ҳисобланади. Ана шу мақсадда республикамизда фаолият олиб бораётган нуфузли музейларимиз: Ўзбекистон тарихи давлат музейи, Темурйилар тарихи давлат музейи, шунингдек, Қатағон қурбонлари хотира музейи мутасадди ходимлари ҳамда бу ерга ташриф буюрган ўқитувчилар, талабалар ва ота-оналарга музейларнинг ёш авлод тарбиясидаги ўрни бўйича саволлар билан мурожаат қилдик. Кўйида улардан олган жавобларимизни Сиз журналхонларимиз эътиборига ҳавола этмоқдамиз.

**Тўлқин ҲАЙИТ,
Ўзбекистонда хизмат кўрсатган маданият ходими:**

— Темурйилар тарихи давлат музейида улуғ аждодларимиз — Амир Темур ва темурйилар даврининг моддий ва маданий ёдгорликларини ўрганиш, шу асосда ёшлар қалбида ўз аждодлари меросига нисбатан ифтихор туйғуларини шакллантириш, уларга муносаб ворислар сифатида улғайтириш мақсадида йирик лойиҳалар, турли халқаро илмий анжуманлар, эътиборли давра сухбатлари ўтказилиб келинмоқда. Шуни алоҳида таъкидлаб ўтиш керакки, ана шу тадбирлардаги энг яхши маъruzalар жамланиб, мажмуя ҳолида чоп этилмоқда ва ўқувчилар эътиборига ҳавола этилмоқда.

Мұхтарам Президентимизнинг «Музей — халқ тарихининг кўзгуси эканлигини назарда тутсак, у шу

халқнинг фарзандлари — келажак авлод қалбида фахр-ифтихор туйғусини ўйгота олиши керак. Бизнинг вазифамиз эса буюк тарихимизни мана шундай маърифий масканлар ёрдамида авлодларимизга тўлалигича етказиб беришдан иборат» деган гаплари ҳам ёшларимиз маънавиятини юксалтиришда музейларнинг ўрни нақадар бекиёс эканлигини кўрсатиб турибди.

Ўзбекистон Республикаси Вазирлар Маҳкамасининг «Давлат музейларининг болалар ва уларнинг ота-оналарига очиқлигини таъминлаш чоралари тўғрисида»ги қарорига мувофиқ Темурйилар тарихи давлат музейига ҳар ҳафтанинг сесанба ва жума

кунларида ёшларимиз учун белуп экспкурсиялар уюштирилаётгани ҳам ўз самарасини бермоқда. Ушбу даргоҳга бугунги кунгача 60000 дан зиёд болалар ва уларнинг ота-оналари ташриф буюриб, фарзандларини музей экспозицияси ва кўргазмалари билан таниширишлари қувонарли ҳолдир.

Жаннат ИСМОИЛОВА,

Ўзбекистон тарихи давлат музейи директори:

— Мустақилликка эришганимиздан кейин музейлар фаолияти тубдан ўзгарди. Унтилган ва унтилаётгандан тарихимизни қайта тикилашга имкон тужуди. Жумладан, буюк шахсларимизнинг номларини тикилашга эришдик. Салкам йигирма тўрт йил мобайнида республикамиздаги деярли барча музейлар тарихимизни тўлақонли ёритишга муваффақ бўлди. Ушбу музейлар қаторида Ўзбекистон тарихи давлат музейи ҳам ўзининг экспозициясида янги саҳифа ва бўлимларни очди ҳамда тарих саҳифаларини тиклаб, халқимизга, ёшларимизга тарғиб қилишини амалга ошириди.

Бизнинг музейимиз республикамизда энг қадимги даврлардан тортиб бугунги кунгача тарихий воқеаларни яхлит ёритувчи ягона музей ҳисобланади. Музейимизга ташриф буюрган киши ўзбек халқининг тарих саҳнасига чиққан давридан то бугунгача бўлган тарихини кўриб, таҳлил қилиб, баҳо бера олади.

Миллий тарихимиз нафақат республикамиз, балки бутун дунё учун ҳам ибратли. Чунки бизнинг ҳудудимиздан етишиб чиққан алломаларимизнинг илмий мероси ҳамиша дунё илмий жамоатчилигининг



дикқат марказида бўлиб келган. Самарқандда бўлиб ўтган «Ўрта асрлар Шарқ алломалари ва мутафаккирларининг тарихий мероси, унинг замонавий цивилизация ривожидаги роли ва аҳамияти» халқаро конференцияси ҳам бунга мисол бўла олади.

Музейимиз эшиклари, ёшларимиз учун очик. Сабаби музейимиз олий ва ўрта таълим муассасаларида ўқиётган талаба ва ўқувчиларимизга ўқитилаётган тарихга мос равишда ташкиллаштирилган. Улар ўкув юртларда олаётган назарий билимларнинг музейимизда далиллар билан амалий тасдигига гувоҳ бўлишади. Бу ҳол ёшларимизнинг Ватан тарихини билишга бўлган қизиқишини кучайтириш билан бирга, уларнинг дунёқарашини кенгайтиради ҳамда аждодларга бўлган хурматини янада ортиради.

Музейда ҳозирда 300 мингдан ортиқ экспонат сақланади. Ҳар бир давлатнинг юзи ҳисобланган музейлар ёшлар тарбиясида алоҳида аҳамиятга эга. Ҳозирда ёшларни музейга жалб қилиш борасида турли лойиҳаларни амалга ошироқдамиз. Тўрт ёшдан ўн тўрт ёшгача бўлган болаларнинг билим ва кўнижмаларини шакллантирувчи маҳсус бўлимлар очдик. Уларда талabalаримиз учун диплом ишларини музейга боғлиқ ҳолда олиб бориш ишларини йўлга кўйганимиз. 2-3 йилдан бери Камолиддин Беҳзод номидаги миллий рассомчилик ва дизайн институти талabalарининг тарихий мавзудаги ишлари — асарларини музей деворларида акс эттироқдамиз.

Шанба, якшанба кунлари ота-оналарни болалари билан музейга келишга ўргатдик. Бу бизнинг ютуғимиз бўлди. Мъълумки, ҳукуматимиз томонидан сесанба, жума кунлари музейга кириш белуп бўлиши жорий қилинди. Бу ҳам давлатимизнинг ёшларга бўлган эътиборининг янада бир далилидир.

Неъмат ХОЛМУРОДОВ, Жомбой туманидаги 22-умумий таълим мактаби тарих фани ўқитувчisi:

— Музейлар, минг-минг йиллик тарихимизнинг ўзига хос кўзгуси. Ҳеч ёдимдан чиқмайди, улуғ шоирларимиздан бири Самарқанддаги Регистон мажмуаси, Амир Темур мақбараси, Улуғбек расадхонаси ҳақида гапирап экан «Болам, бундай жойларга мунғайиб кирсанг, гердайиб чиқасан» деганди.

Дарҳақиқат, музейлар ёшларда ўтмиш тарихимиз, маданиятимиз, давлатчилигимиз, аждодларимиз дахоси тўғрисида маълумот берибина қолмай, улар кўнглида миллий фурур ва ифтихор туйгуларини шакллантиради. Улар каби улуғ мақсадлар билан яшашга ундаиди. Шу боис, биз доимо ўқувчиларимизни музейларга олиб борамиз. Музейларда дарслар ўтамиз. Бу ўзининг жуда катта самарасини беради. Мен ҳар бир ота-онага мурожаат қилгим келади: болаларингизни музейларга олиб боринг, шунда сиз улар кўзида ҳайратни, фурурни, ифтихорни кўрасиз. Музей — ўзига хос бир китоб. Уни ўқиган боладан ҳеч қачон ёмонлик чиқмайди. Ўқувчиларимизни, фарзандларимизни музейларга олиб бориш ҳар биримиз учун доимий анъанага айланишини жуда истардим.

Манзура ХАМОРОЕВА, шифокор:

— Фарзандларим билан дам олиш кунлари кўнгил-очар жойлар, кино ва концертларга кўп борар эдик. Бир куни телевизорда музейлар ҳақида кўрсатув бўлди. Болаларим шу музейга борайлик, дейишиди. Кайси музей экани эсларида йўқ. Якшанба куни таваккал қилиб Ўзбекистон тарихи давлат музейига олиб бордим. Уларни залдан-залга ҳайрат билан



ўтиб юришларини кўриб, ўзим ҳам қизиқиб кетдим. Катта бир тарихни икки соатда айланиб чикқандек бўлдик. Айниқса, мустақиллик даври тарихи бўлимига ўтгач, кўнглимиз ёришиб кетди. Болаларим музей ходимасини саволларга кўмиб ташлашди. Энг қизиги — улар музей зўр экану, биз кўрган музей бу эмас эди, деб янаги якшанба бошқа музейга борамиз деб туриб олиши. Шундай қилиб, шаҳардаги жуда кўп музейларни айландик. Ҳар гал янги-янги таассуротлар билан келсак-да, улар ўзлари телевизорда кўрган музейни сўрайверишади. Энг муҳими, музейларда юриб, фарзандларимнинг тарихимизга меҳри ортганини ҳис қилдим. Улар буюк аждодларимиз ҳақида тинмай сўрайдиган, ўзаро баҳслашдиган бўлиши. Уларнинг дунёқарashi ўзгарди. Ватан ҳақидаги тушунчаси бойиди. Мен ўша номаълум кўрсатув ходимларига миннатдорчилик билдиromoқчиман. Шу кўрсатув баҳона қанча маънавий дам олдик. Музейлар олами бизни маҳлиё қилди. Энди юртимизнинг бошқа тарихий шаҳарларига, у ердаги музейларга боришини мақсад қилдик. Бошқа отоналарга ҳам фарзандларини музейларга олиб боришни тавсия қиласман.

**Улуғбек ХУДОЙҚУЛОВ,
Тошкент шаҳридаги 307-иҳтинослаштирилган
умумтаълим мактаби ўқувчиси:**

— Мен дастлаб, саккиз ёшимда ота-онам билан Ўзбекистон тарихи давлат музейига борганман. Яқинда устозимиз Тожигул Абдуллаева ҳамда синфдошларим билан яна бир бор шу музейда бўлдик. Биз тарих дарсларидан ўрганган Ватанимизнинг ўтмишини бу ерда ҳайрат билан томоша қилдик. Устозларимиз Табиат музейига, Адабиёт музейига, Амалий санъат музейига олиб боришганида ҳам кўпкўп таассуротлар билан қайтамиз.

Менга Самарқанд шаҳридаги музейлар жуда ёқади. Регистон майдонидаги Улуғбек мадрасасида Алишер Навоий яшаган хўжра бор экан. Хўжра худди Навоий бирозга чиқкану, ҳозир қайтиб келадигандек таассусрот қолдирган. Самарқандаги тарихий жойларнинг ҳар бирини кўриб, тарихга кириб қолгандек бўлганимиз.

**Бахтиёр ҲАСАНОВ,
Қатағон курбонлари хотира музейи директори:**
— Ўзбекистон Фанлар Академияси тизимидағи Қатағон курбонлари хотира музейи Истиқлол даврида Президентимиз ташаббуси билан ташкил этил-

ган. Бу ерда нафакат тарихий экспонатлар, шу билан бирга, тегишли илмий ишлар ҳам намойиш этилади.

Музейга ташриф буюрган ёшу кексалар бино ичida ўрнатилган аҳборот базаларига кириб, қатағон курбонлари ҳақида муҳим маълумотларни олиш имкониятига эга. Ҳужжатли фильмлар, мультимедиалар, шунингдек, қатағон даври билан боғлиқ воеа-ҳодисаларга гувоҳ бўлганларнинг хотира қайдлари ва кўрсатмалари кўргазма залларимиздан жой олган. Бу, албатта, ёшларимизнинг ўтмиш тарихимизни билишларида жуда катта рол ўйнайди. Негаки, музейимизга ташриф буюрадиганларнинг кўпчилигини ёшлар ташкил этади. Яъни бир йилда 60-70 мингга яқин ёшлар музей залларида бўлиб, етарлича маълумотларга эга бўлишиади.

Музейимизнинг учинчи залида мустақилликка эришганимиздан кейин миллий тарихимиз, қадриятларимиз, урф-одат ва дину диёнатимизнинг тикланиши ҳамда қатағон курбонлари хотирасининг абадийлаштирилиши йўлида олиб борилган хайрли ишлар мажмуалари намойиш этилади. Шунингдек, бугунги кунда спорт ва санъат соҳаларида эришаётган ютукларимиз ушбу зал экспозицияларидан кенг ўрин олганини кўрамиз. Ёшларимиз бу ерда ўтмишдан сабок чиқариб, мустақиллик нақадар буюк неъмат эканлигини, келажакда уларни улкан ишлар кутиб турганини англашади.

**Гулбаҳор САРИМСОҚОВА,
Тошкент вилояти, Зангигота тумани 47-умумтаълим мактаби ўқитувчиси:**

— Музейга ташриф буюрар эканмиз, экспонатларни кўриб, тарихга саир қилгандек бўлдик. Бу ерда экспурсаводларнинг маълумотларини тинглаб ёшларимиз Ватан озодлиги, мустақиллик йўлида шаҳид бўлган ота-боболаримиз, юртдошларимиз ҳақида тўла маълумотга эга бўлиши. Учинчи бўлим, яъни Мустақиллик даври кўргазмалари ҳам ўқувчи ёшларимизни бефарқ қолдирмади. Улар бугунги кунда мамлакатимизда жуда катта ўзгаришлар олиб борилаётганига гувоҳ бўлиш билан бирга ўзлари билган ва таниган шахслар қаторида спорт ва санъат намояндлари суратларини кўриб, ўзларида яна бир бор миллий ифтихор туйдилар.

Шермурод СУБҲОН тайёрлади





МЕНР ВА HURMATNING *go'zal ifodasi*

«Ўтган кунлар» кинофильмидаги Кумуш Отабек-нинг қўлига сув қўйиши лавҳаларини кўз олдингизга келтиринг-а! Жуда ҳам чиройли, ўша манзара-дан илиқ ҳарорат, меҳру баҳтиёрлик уфуриб турганга ўхшайди, менимча. Агар фильм қаҳрамонларининг шу лаҳзалардаги ҳолати, кайфиятни кузатиб, «Кумуш сув қўиди, Отабек қўлини ювди», деб хулоса чиқарсан, қашшоқ қалбнинг кўзи юмуқ, қалта ўйлайдиган томошабинига айланамиз. Ақлу муҳаббат кўзи билан кузатсангиз, обдаста билан чилопчин миллатимизнинг ўзаро ҳурмат-эъзози, уйига кириб келган ҳар қандай одамга эҳтиромини ифодасидир.

Ёшлигимиздан ҳамма хонадонларда обдаста билан чилопчин(дастшўй) бўлиши оддий ҳолат. Ҳали-ҳануз кўз олдимда туради: уйимизнинг олдидағи айвон сарҳадига икки қатор пишиқ гишт урилганди. Унинг чеккароғидаги алоҳида жойда ҳар доим чилопчин билан обдаста турарди. Онам бу буюмларни ишлатиб бўлишимиз билан яна ўрнига қўйишимизни талаб қилас, кимдир эшикдан кириб келса, ахтариб юрмай, дарров ўша жойдан олиб қўлига сув қўйишимизни тайинларди. Қадимдан ҳар бир ўзбек хонадонининг энг зарур буюмлари қаторида бўлган обдаста ва унга қўшилиб чилопчин қачон пайдо бўлганини айтишга менда билим етарли эмасу, лекин улар ҳаётий эҳтиёж туфайли олдин соддагина қўринишда ясалгани, бора-бора шаклу шамойили ихчам, кулай, чиройли бўлиб боргани тайин гап. Балки, тарихимизнинг олис ўтган кунларидан бирида бобою момоларимиздан бири бу идишларни бетоб ёки кексайиб куч-кувватдан қолган ота-онасининг олдига олиб кириб юз-қўлларини ювгандир. Ёки кексалар, меҳмонлар ҳовлисининг бир чеккасида оқкан сув ёқасига бориб юришларини истамаган зийрак, меҳрибон инсон шундай усулни қўллагандир... Эҳтимол, бир доно бека кун бўйи ишлаб, оиласи учун топиб-тутиб келган турмуш йўлдошини иззатлаб елкасида сочигу қўлида сув билан кутиб олгандир... Турмуш эҳтиёжлари билан боғлиқ равишда бундай тахминларни яна кўплаб келтириш мумкин, уларни инкор қилиб бўлмайди. Ҳаётий, керакли, муҳими, яхши ниятли кишилардан бундай чиройли ташабbusлар чиқиши табиий. Фақат бизнинг миллатимизга хос бўлган бу одат шу тариқа келиб чиқкан ва элга манзур бўлиб чиройли қадриятларимиз қаторига қўшилган бўлса, ажабмас.

Лекин кейинги пайтларда жуда кўп хонадонларда обдаста билан чилопчинлар ишлатилмайдиган ёки ноёб буюмлар қаторидан жой оладиган ёки умуман эсдан чиқариладиган бўлди, шу билан боғлиқ равишда ёшларнинг кексалар ва хонадонга кириб келган меҳмонларнинг қўлига сув қўйиб, сочиқ тутиши ҳам камёб ҳодисага айланиб бормоқда. Бунинг сабаби ҳам бор: деярли ҳамма ҳовлию уйларда сув оқиб туради. Айниқса, шаҳарларнинг кўп қаватли хонадонлари эшигидан киришингиз билан иссифу совуқ сув оқиб турадиган ҳаммом рўпарангизда. Бир қадам жойга кириб кўл ювиб чиқиш қийинми? Масалага бундай ёндашув миллий урф-одатларимизнинг

маънавий-аҳлоқий, эстетик жиҳатларини ҳис этмасликдан келиб чиқади, менимча.

Пири бадавлат боболаримиз, кайвони момоларимиз ҳар доим келинлари, фарзандларига: «Меҳмонни дарвозадан кириб келиши билан хурсанд қилинглар. Унинг ташрифидан қувонганингиз юз-кўзингиз, сўзларингиз, ҳаракатларингиздан билинсин. Шунда у уйингиздан кетгунича хурсанд, яхши кайфиятда бўлади. Агар дарвозадан кириб келганда малол олганингизни сезса, кейин дастурхонни дунёнинг нозу неъматларига тўлдириб ташласангиз ҳам фойдаси йўқ, меҳмон ўзини ноқулай ҳис қилаверади», — деб таъкидлашаркан. Қай бири сизни соғиниб, қай бири ота-онасининг қадрдони бўлганингиз учун қадрлаб ёки эҳтиёж туфайли останангизга қадам қўйган меҳмонга меҳрингиз, ҳурматингиз, келганидан хурсанд бўлганингизнинг бир ифодаси унинг қўлига сув қўйиш бўлса ҳам, ажабмас. Сув билан нафақат қўлини тоза бўлишига, балки кўнглидаги ғуборнинг ҳам ювилишига сабабчи бўласиз. Обдаста ва чилопчин ёрдамида бу иш пишиқ-пухта бажарилади, чунки қўлни ювиб тушган сув ерга сочилиб кишининг кийим-бошига сачрамайди. Қўлларида одбастаю чилопчин, елкасида оппоқ сочиқ билан ўзбекона лиbosларда қай бири ним табассумда, яна бошқаси офтобдек чараклаб, қай бири ҳаёдан юзлари ловуллаб отаси, онаси, қайнонаю қайнотаси, кўёви, меҳмон ёки ширинтой болаларнинг қўлларига ҳурмат-эҳтиром билан сув қуяётган қизлар, келинлар, бекалар, ўсмир йигитларни кўз олдингизга келтиринг. Худди шу лаҳзаларда кўнгил кўнгилга боғланади, юзларда миннатдорчилик балқииди, чин дилдан ният ва дуолар қилинади, гиналар бўлса унутилади. Ота-онасию меҳмонларнинг қўлига сув қўйишига одатланган қиз келин бўлиб тушган жойида бу иши билан муҳаббат қозонади, бошқаларнинг пойабзалини тартибга солишга оғринмайди, каттаю кичикнинг ўрнини, иззатини билади. Қизларнинг сепига атай бу буюмларнинг олиниши келин ўз хобхонасида юз-қўлини ювиб, чиройли бўлиб ҳовлига чиқсан, деган ниятда қилинади. Ҳовлига юз ювиб, кейин чиқиш хонадондагиларга нисбатан ҳурмат белгисидир. Момоларимизнинг ишларида ҳикмат кўп.

Яратгувчининг бемисл неъмати — меҳр-муҳаббат, ўзаро эҳтиром, самимиятга ҳар лаҳза ташнамиз. Қалбларни улуғлайдиган маънавий бойликларни асраш, қадрлаш ва авлодларга етказиш — ўзбек деган ном дунёда азизу эътибори бўлишига ҳисса қўшиш. Зоро, қалбларга экилган меҳр ниҳолларининг меваси икки дунёмизга татирилдири.

**Мұхтарама УЛУФОВА,
Ўзбекистонда хизмат кўрсатган
маданият ходими**






*Ўзбекистон Республикаси Вазирлар Маҳкамасининг
2010 йил 29 декабрдаги «2011-2015 йилларда Маданият
ва истироҳат боғларининг моддий-техник базасини
мустаҳкамлаштириш чора-тадбирлари Дастуруни
тасдиқлаш тўғрисида»ги 322-сонли қарори ижроси
юзасидан мамлакатимизда амалга оширилаётган
шапар тўғрисида*







EZGULIKKA BAXSHIDA UMR

Устоз, таниқли элшунос олим Билол Аминов ҳақида сўз кетгандага беихтиёр тилингизга «Мехржон бобо» ёки «Хикмат бобо» деган сўзлар келади. Кўнгли эзгулик ва яхшиликларга, меҳрга тўлиқ фидойи олимга бу ном ярашади. Эзгу анъана ва қадриятларимизни тиклаш, асрар, ривожлантириш борасида Билол Аминовнинг ўз ўрни ва хизматлари бор.

Бугун Билол ота гарчи 80 ёшни қоралаб қолган бўлса-да, ҳассага суюнган ҳолда ҳам ўшларга ҳикмат улашишдан чарчамайди, аксинча жажгини, энди тили чиқиб гапиришни бошлиган болажонлар улуғлар ҳикматидан ёдлаб беришганда, завқи ичига сифмай, — «Баракалла, баракалла», — дея нафақа пулидан олиб қўйган шириналликларни уларга улашиб, болаларни янада бийрон сўзлашига кўмаклашиб келадилар.

Пойтахтимиздаги Олмазор тумани, Мирзо Голиб маҳалласида яшовчи камтар, камсукум Билол отани каттаю кичик, ўшлар, болалар бирдай яхши кўриб хурмат қилишади.

Дастлаб «Этнография» фанини ўзлаштирган Билол ота 1988 йили «Этнография оламига саёҳат» номли китобини нашр эттириди. Бу китоб орқали ушбу йўналишга хос жиҳатларни, турфа одат ва анъаналарни ниҳоятда қизиқарли тарзда очиб берди.

Олимнинг иккинчи китоби «Кулгимиз оламни тутсин» деб номланди. Бу китоб ҳам тез орада ўз

ўқувчиларини топди. Бу асар ҳалқимизнинг кулгисеварлиги, кулгининг сир-асрорлари ҳақида маълумот беради.

Таниқли журналист Тўлқин Расулов билан 1993 йили чоп эттириган «Аждодларимиз нидоси» китоби ҳам катта аҳамиятга эга. Бу китобда ҳаёт гултохи бўлган инсон улуғланади, ўлим ва ҳаёт ҳақида сўз юритилиб, марҳумлар билан боғлиқ урф-одатларимиз,

чи Искандар Раҳмон билан 2012 йили «Собит қадам» деб номланган ҳарбий аскарлар учун қўлланма ҳам чоп эттириди.

Элшунос олим 2008 йили «Бозор одобларидан бир шингил», «Хотира ёлқини», «Шарқона бозор фазилатлари», «Қатра дур-нур — Заковат ором машқ ўйинларига эслатма» каби китобларида улуғ алломаларнинг ҳикматлари орқали ибратли маслаҳатлар беради.

Шу муборак ёшда ҳам Билол Аминов ўсиб келаётган ўшларни она Ватанимизга муносиб фарзандлар қилиб тарбиялашдек хайрли ишга ўз ҳиссасини кўшиб келмоқда.

Ўз замонасининг етук инсонлари — Яхё Фуломов, Обид Содиков, Ҳамид Зиёев кабилар билан суҳбатда бўлган Билол ота ҳозир 80 ёшни қарши олмоқда. Элшунос олим ўшларга ҳикмат улашишдан чарчамайди. Отахоннинг қўлида ҳамиша китоб.

— Менинг қалбим элимнинг қалбига туташ, ҳар биримиз элдан ибрат оламиз, элнинг удум ва урф-одатларидан кўп нарса ўрганишимиз керак. Айниқса, ўшлар ҳаётига ҳалқимиз турмуш тарзида қадрланувчи, соғ миллий характердаги урф-одат, таомил ва тартиб-қоидаларни сингидирсак, улар тарбиясида гоҳо кузатилаётган салбий жиҳатлардан халос бўлардик. Элнинг маънавий бойлиги ўшларимизга тортиқ бўлсин, — дейди Билол Аминов.

Шожалол ШОҚОСИМОВ



миллий қадриятларимиз тўғрисида сўз юритилади.

1996 йили олимнинг «Ватан — юрақдаги жавоҳир» номли навбатдаги китоби ўқувчилар эътиборига ҳавола этилди. Мактаб ўқувчиларига мўлжалланган қўлланмада муаллиф ўшларда она-Ватан туйғусини шакллантириш, ота-бобалар мероси, тарихимизда ёрқин из қолдирган сиймолар тўғрисида маълумотлар берган.

Билол Аминов шунингдек ёзув-

Ўзбек оиласида ўғил фарзанд дунёга келса, полвон бўлсин, деб ният қилишади. Кичикроқ ёшдаги болаларни «полвон» деб эркалатиб чакиришади. Полвонлик шунинг учун ҳам спортдан кўра халқнинг қадриятига кўпроқ тортади. Шу сабаб ҳалқ орасидан чиққан полвонлар тезда тилга тушган. Таникли полвон Турсунали Муҳаммад билан ўзбек полвонлик мактаби анъаналари ҳақида сұхбатлашдик.

— **Полвонлик тарихи ҳақида гапириб берсангиз?**

— Ҳусайн Воиз Кошифийнинг «Футувватнома султоний» номли китобининг бир боби полвонлик санъатига бағишлиланган. Унда полвон қандай бўлиши керак, нималарга эътибор қаратиши зарур, ҳаммаси ёзиб кўйилган. Полвон одам ҳеч қачон ўзидан кучсизларни камситиши керак эмас. Аксинча, ожизларга ёрдам бериши, керак бўлса уларни ҳимоя қилиши зарур. Европада рицарлик унвони бор. Агар тарихини ўргансак, моҳиятнинг полвонларимизга хос асрий анъаналарга жуда яқинлиги ни кўрамиз. Ўз навбатида Шарк кўп соҳаларда Европага қанчалик таъсир қилганини унутмаслик керак. Полвонликнинг туб моҳиятида мардлик ва олийжаноблик ётади.

Кураш полвонлари ўзаро беллашгандага ғалабага интилади. Ва кимдир мағлуб бўлади. Мағлуб курашчи хафа бўлади, қайсиdir маънода обрўси тўкилади. Бизнинг пол-

— Полвон бўлишнинг асосида тинимсиз жисмоний машқ, спорт билан шуғулланиш ётади. Матонат билан машқ қилган одам ҳақиқий полвон бўлиб етишади. Лекин Аллоҳ томонидан юқтирилмаган бўлса, бари бефойда. Ўзида иштиёқ, муҳаббат бўлмаса мажбурлаб ҳеч нарса қилдириб бўлмайди. Мен фарзандларим, набираларимни полвонлик билан шуғулланасан, деб мажбурламаганман. Улар намойиш қилаётган томошаларимизни ўз кўзи билан кўрган, қалбида муҳаббат уйғонган. Агар сулла боши ўз ҳаракатлари билан авлодларига намуна бўла олса, унинг фарзанд ва набиралари ўша ҳунарни давом эттиради.

Фарзандларим ҳақида гапирадиган бўлсам, уч ўғлим, икки қизим бор. Катта набиралар Сардорбек полвонлик баҳсларида кўп карра Ўзбекистон чемпиони бўлди. Ўн бешдан ошиқ ўғил, қиз набиралариминг ҳаммаси полвонлик касбини танлади. Айни пайтда тўртинчи авлодим бўлмиш эварамни ҳам даврага олиб чиқяпман. У даврада ўзини эркин хис қиляпти. Фарзандларим ва набираларим касбимни давом эттираётганидан бағоят ҳурсандман.

Байрамларда ўғилларим, невараларим билан бирга томошаларда қатнашиб турман, саҳнага чиқиб тош кўтараман. Даврада невараларим ўйнаб тургандан кейин улар билан бирга тош ўйнагим келади-да. Курашчи одам, кураш



ALPOMISHLAR YURTI BU DIYOR

вонлик санъатимида кимнидир ерга уриш, обрўсими тўкиш деган нарса бўлмайди. Биз ўзимизнинг бор маҳоратимизни кўрсатишга ҳаракат қиласми.

Полвон одам тинимсиз машқ қилиши зарур. Машақатларни енгиг ўтгандан кейингина ҳақиқий полвон бўлади. Эсимда, ўн икки ўшимда Шоҳимардонга дам олгани боргандик. У ерда Лочингбек полвоннинг томошаларини кўриб, у кишидан мени ўзига шогирд қилиб олишини сўраганман. Менга яхшилаб разм соглан полвон «Сендан полвон чиқмайди, жуда семиз экансан», деди. Шундан кейин бир йил сойдаги тошларни кўтариб, тинимсиз машқ қилиб, келаси йил яна олдига бордим. Лочин полвон мендаги иштиёқни кўриб шогирдликка олишга рози бўлди. Шундан кейин росмана полвонлик ҳаётим бошланди.

— **Халқимизнинг буюк полвонлари ҳақида икки оғиз...**

— Полвонлик ҳақида гапирап эканмиз, аввало Паҳлавон Маҳмуди эслаймиз, у кишини ўшларга намуна қилиб кўрсатамиз. Яқинроқ давр ҳақида гапирадиган бўлсак, кўёноклик Тўланбой Курбоновни алоҳида таъкидлаган бўлардим. У киши ўтган йили 85 ёшда оламдан ўтди. Бундан ташқари тошкентлик Аҳмад полвон, самарқандлик Жума полвон, андижонлик Али полвон, ўзимизнинг устозим Лочин полвонлар ўзига хос мактаб яратса олган. Мен Жума полвоннинг чиқишиларини кўра олмаганман. Колган полвонларни кўриш насиб қилган.

— **Турсунали полвоннинг ҳунарини бугун фарзандлари, набиралари давом эттирмоқда. Улар полвонликни ўзи танладими ёки ўзингиз шунга ўйналтиридингизми?**

томуша қиласа, қони қайнаб тургандек, полвон даврада бошқа одамнинг тош ўйнатиб турганини кўрса, юраги ҳаприқиб туради. Мен ҳам чиқиб, бир-икки тош кўтариб кўяман. Бу олқиши олиш ёки ўзимни кўз-кўз қилиш учун эмас, шунчаки, хуморимни босиш учун.

— **Полвонликнинг ўзига хос сир-асрорлари ҳақида гапириб берсангиз?**

— Ота-она фарзандни дунёга келтиради. Устоз эса унга ҳунар ўргатади. Халқимизда «Устоз отадан улуғ» деган гап бекорга айтилмаган. Бу нақлни ўзгартириб «Устоз отадек улуғ» деб кўллай бошлашиди. Бироқ менга қолса отадек улуғ эмас, отадан улуғ дегим келади. Боиси устоз ўзининг ҳунарини энг нозик сир-асрорларини ҳам шогирдига ўргатади. Унга бор меҳрини бағишлидай.

Ҳамма соҳаларда бўлгани каби, полвонликнинг ҳам ўзига яраша меҳнати бор. Аввало устоз кўриш керак, унинг айтганларини сидқидилдан бажариш зарур. Менга шогирд тушишини истаб жуда кўп болалар келган. Уларнинг 10 тадан биттаси, нари борса иккитаси полвон бўла олган. Машғулотлардаги машақатларга чидай олмай қайтиб кетганлар жуда кўп. Полвон ижодий сафарларда тобланади. Сафар машақатлари одамни чархлайди. Совуқда қолган, машина бузилиб, йўлда қолиб кетган кунларимиз ҳам бўлди. Шундай бўлса-да, полвонлик касбини танлаганимдан ҳурсандман. Томуша пайтидаги одамларнинг олқиши, отахон-онахонларнинг дуолари, ҳавас қилиб тўйларга айтиши, «Ўғлим сиздек полвон бўлсин!» деб ният қилишини кўриб, бошимиз осмонга ётади.

Темур АЪЗАМ сұхбатлашди



Vatan – she'rlarimning eng go'zal satri

**Сайдхон ҲАФИЗОВ,
Фарғона вилояти
Марғилон шаҳри**



ЭНГ ГЎЗАЛ САТРИМ

Бу Ватанда менинг кулгим жаранги,
Илк бор тупроғига босган изим бор.
Отамнинг қалбидаги кўз очган тилақ,
Ардоклаб Она деб айтган сўзим бор.

Хар қатра тупроғин олиб кафтимга,
Лабим босиб турсам қонганимдир ишқ.
Кипригин остида асрраган нигоҳ,
Ватан деб, Ватан деб ёнганимдир ишқ.

Аста одимлайман истиқбол сари,
Кафтида қўтариб кўкларга тутар.
Рұҳимга жо айлаб буюк мақсадни,
Эрта яна мени Ватаним кутар.

Туйгуларим тутсам аллалаган хуш,
Олтин бешигимнинг ифори, атри.
Қалбим ардоғида юлдузли осмон,
Ватан — шеърларимнинг энг гўзал сатри.

**Зулхумор ОРИФЖОНОВА,
Андижон вилояти
Марҳамат тумани**



* * *

Кўчаларда чироқлар ёник,
Аммо туннинг ваҳми хонамда.
Кўёшимни соғинганимни
Хатто айтолмадим онамга.

Хар кунгидек шовқинмас ҳаёт,
Чигирткалар куйламас нега?
Йўллардаги ёруғ ёғдулар,
Яна сизни эслатар менга.

Кўкка боқиб турибман ногоҳ,
Кўзларимда юлдузлар расми.
Юрагимда ёнаётган олов,
Сизмасми...

**Аслиддин МУСТАФОЕВ,
Жиззах вилояти
Фориш тумани**



АРАЗ

Тун. Кенг шаҳар.
Кўёш минг зарра.
Бир парда мен томон силкир қўлини.
«Келгин ва ойнадан ичкарига боқ,
Куритгин юзидан ёшлар қўлини».
Зинадан ўрлайман...
Учинчи қават...
Жазира маҳалла ёздан қовжирап йўлак.
Эшик қаршисида турибман, мана.
Уни чертмоқликка бетламас юрак.
Ниҳоят, тиллашди бармоқ ва эшик...
Унинг «кўзчаси»дан
Сездим кўзингни,
«Кетинг!» деди эшик...
Ортга қайтдим хуш.
Ахир, эшитгандим яна сўзингни.
Менга кифоя шу, менга баҳттир шу,
Яна май симиридим ишқ кўзасидан.
Сезяпман ортимдан боқиб турибсан,
Умидим қолган уй деразасидан.





Икромжон АСЛИЙ,
Андижон шаҳри



ИЛТИЖО

Хеч яширма дилбарим, кўнглингни оч,
Кўнгли тоза лобарим, кўнглингни оч.

Муддаойинг нелигин билмоқчиман,
Ишқ әлига сарварим, кўнглингни оч.

Йўл очай то бахтимиз қўрғонига,
Нури ноёб ҳулкарим, кўнглингни оч.

Кўнглим олдинг сеҳр этиб боқсан маҳал,
Кўнгли сирли дафтарим, кўнглингни оч.

Хеч уялма, боғда танҳо иккимиз,
Бебаҳо дур-гавҳарим, кўнглингни оч.

Бу ҳаётим қасрин очдинг, воажаб,
Нозаниним, камтарим, кўнглингни оч.

Сенга Икромжон ахир бегонамас,
Эй мурувватпарварим, кўнглингни оч.

Илҳом ШЕРАЛИЕВ,
Қашқадарё вилояти
Чироқчи тумани



КОРАКЎЗ

Бори ғамларингни елкамга илдим,
Изминингда изғидим, истаб битта сўз.
Кўнглим-ку тош эди, ўзим ёш эдим,
Улғайиб боряпман тағин, Қоракўз.

Мудом талпинганим — изларинг каби,
Кўксимни кертгувчи сўзларинг каби.
Қошинг-у кокилинг, кўзларинг каби
Қорайиб боряпман тағин, Қоракўз.

Сарғайдим, ситилди сабри хазоним,
Орзудан кетмадинг, бир дам, армоним.
Кўл чўздим, етмадим сенга, Осмоним,
Кичрайиб боряпман тағин, Қоракўз.

Келмассан... юракнинг тўниши тайин,
Йиғласам, юлдузлар сўниши тайин.
Дунёга нимадир бўлиши тайин —
Мўнгайиб боряпман тағин, Қоракўз.

Наима АБДУРАҲМОНОВА,
Тошкент вилояти
Паркент тумани



ИБРАТ

Фарзанд деган қуёши билан,
Умри ўтди, сезмади момом.
Садоқат-у бардоши билан,
Бу дунёни безади момом.

Тортган эди кўплар қатори,
Уруш деган сўзнинг заҳрини.
Қайтди бир кун ярим жон ёри
АЗобларга бериб бағрини.

Кўп ўтмайин, бир этак бола,
Етим қолди, момом тул қолди.
Яримта дил, яримта юрак,
Боғбони йўқ сара гул қолди.

Саккиз қўрғон, саккизта қалқон,
Тикладилар саккиз бошпана.
Ором нима билмаган бу жон,
Шукр қилиб яшади яна.

Синовларни енгиг мардона,
Бардош ила ўтдилар момом.
Заҳматларин роҳатдай билиб,
Муродига етдилар момом...



Farishtali yurt

Nikoya



Бир от арава сигарли сўқмоқ йўл Зебунисо энамнинг ҳовлисига олиб боради. Ёнфоқ ёғочидан ясалган бир табақали эшик, мююлишдаги ҳовуз, тарвақайлаб ўсган бақатерак, кекса қайрагоч кун бўйи энамнинг ҳовлиси ва ҳовузга меҳр билан соя ташлайди. Доимо озода, сувлар сепилиб тургувчи бу сўқмоқ йўлни ким, қачон, супуриб-сидириб қўйишини ҳеч кўрмаганман. Сабабини сўрасам, "Фаришталар супириб, сув сепиб кетишгандир-да", дерди энам. Яланг оёқ юрсам, майнин кум зарралари танамга роҳат бағишлиарди. Таътил бўлди дегунча энамнинг бағрига, оддий, лекин жуда фариштали уйига ошиқардим. Шаҳардаги уйимиз кенг ва ёруғ, турли замонавий мебель ва жиҳозлар билан тўла бўлса-да назаримда қандайдир жўн, ҳиссиздай эди.

Зебунисо энамнинг парилар, фаришталар ҳақидаги афсоналари, эртаклари жуда кўп. Энамнинг айтишича, фаришта-парилар фақат кўнглида яхшилик унган, энг пок инсонлар, ахил ва файзли хонадонлар, обод ва халқи яхшиликни шиор билган маъмур юртларни йўқлаб борар экан.

— Эна, энг покиза, беғубор кишилар, обод юртлар қаерда?

Энам кулиб жавоб беради:

— Ўз фарзандларини меҳр бериб алқаётган, адаб бериб камолга етказаётган, эл-улуси одил подшоларини дуо қилиб яшаётган масканлар-да.

— Фаришталар қаерда яшайди?

— Энг мусаффо, тинч жойларда. Улар ой нурига ҳамоҳанг тунда сув ёқалайди, ўйнаб ҳордик олишади. Қалби пок, яхшиликка эш одамларгини уларни хис қиласи, кўра олади.

— Фаришталар одамлардан қўрқишишмайдими?

— Фаришталар ёмон одамларга яқинлашмайди, ёмонлик уя қурган, разиллик илдиз отган жойлардан бош олиб кетишади, уларни чўчитиб юбормаслик керак. Кўрқитган одамнинг юзидан фаришта арийди.

— Сиз кўрганмисиз?

— Кўрганман.

— Кўрқмаганмисиз?

— Йўқ.

— Сизга нима деган?

— Тила тилагингни, — дейишган.

— Нимани тилагансиз?

— Юртимиз тинчлиги, элимиз, элпарварлари-

миз омонлиги, осмонимиз мусаффолиги, сен-дек набираларимнинг соғ-саломат улгайишни сўраганман.

— Бошқа ҳеч нима сўрамаганмисиз?
— Бундан ортиқ яна нимаям сўрардим! Бандаси учун муҳими шу-да.

— Сўраган нарсаларни берадими?
— Беради.
— Мен бўлганимда жуда кўп нарсаларни сўрардим.

— Сўрайвер болам, сўраганларинг ижобат бўлсин, илоҳим. Энам шу сўзларни айтиб мийи-фида бироз кулиб қўйди. Мен уларнинг чиндан ҳам фаришталар билан суҳбат қилган, қилмаганини билолмай қолдим. Лекин бир нарсани билардимки, энам доимо яхши ният билан дуо қилишни канда қилмасди.

Энамнинг тутумига ҳайрон бўлиб, уйқу ахтарган хиёл юмуқ кўзларига термуламан. Ахир фаришталар нима тиласа, ижобат қилаётган бир пайтда нега ўзи учун ҳеч нарса сўрамади экан, дея ўйга толиб уларнинг ажиндор юзлари, меҳр балқиб турган кўзларига термуламан.

— Одамларга, парранда-ю даррандаларга озор бермасдан, яхши қўшничилик қилган, авлод-аждодлари руҳини шод этгандарга ҳам фаришталар кўринади, — дея оҳиста елкамга қоқади. Унинг пинжига суриламан, кўзимга уйқу илинади. Ҳар оқшом шу алпозда ухлаб, фаришта, париларни кўриш илинжи билан тонгни қарши оламан...

Йиллар ўтди. Энди бироз улгайдим. Энам эса тобора қартайиб, кекса тут дараҳтидек юзларини турли чизиклар ажинлар қоплаб, гўё шоҳлари эгилиб борарди. Уй юмушларига ёрдамлашаман. Сув олиб келиш, экинлар тагини юмшатиш, мол-кўйларни сугориш, ўтлоққа ҳайдаш ишлари менинг зиммамда эди.

Зебунисо энам юртнинг тўкин-сочинлиги, фаровонлигини тилаб тинимсиз дуо қилиб, алқайди. Ҳар оқшом уйқуга кетганида ҳовли четидаги ҳовуз бўйига чиқаман. Қишлоққа аллақачон сув қувурлар, тортилиб хонадонларга сув келтирилган бўлса-да одамлар ҳовузни эъзозлашади. Унинг сувини бошқача кўришади. Улкан тоғ ўркачларидаги муз ва қорларнинг эришидан ҳосил бўлган катта сой ўзани орқали қишлоқ оралаб ўтувчи бу сув доим муздек, ўз ҳолатини йўқотмайди. Унинг бир ирмоғи ҳовузга келиб қуюлади, қум зарралари тиниб янада тоза, тиниқ ҳолга келади. Ҳовуз атрофига тол, қайрафоч, бақатераклар экилган. Уларнинг катта томирлари атрофга панжа урган, тарвақайлаб ўсган шоҳлар ҳовуз сатҳини кун бўйи қуёш тифидан асрайди. Ҳовузнинг тўрт томонида сув олиш учун маҳсус пайманчаклар қилинган. Унда ёш болалар ҳам сув олишга, ичишга қийналмайди.

Оқшом чўкканида ҳовуз сувлари янада мавж-

ланиб, тиниқлашиб кетади. Кўкда балқиган ой унга нигоҳ ташлаб ҳовуз сатҳини ёритади. Оқшом эпкини сув юзини аста силаб-сийпалайди, сув бетига тушган япроқларни бир четга тортқилайди.

... Ана шундай сокин кунларнинг бири эди. Сувга келувчиларнинг оёғи тинди. Осмонда ой тўлибди. Бирам ёруғ, бирам ёруғ. Тун худди кундуздек ёришиб кетганди. Атроф жим-жит. Аста ҳовуз сатҳига келдим ва ҳайрат, ҳаяжон билан унга термулиб қолдим. Сув юзида соchlари қумушдек товланган ой юзли парилар, фаришталар сайр қилиб кезинарди... Қўрқиб дараҳт панасига беркиндим. Оёқ-қўлларим мадорсиз, ҳаракатлана олмай титрарди. Назаримда, ни-мадир мени сеҳрлаб кўйгандек эди, сўз айтишга тилим лол...

Улар мени пайқашмади, сув сатҳида ўйнаб, узоқ сайр қилишди. Ой ёғдуси уларга мисоли нарвон эди. Кимдир пастга тушса, бошқа бири тепага кўтарилади. Эгниларидағи ҳарир либослар қанот мисол учиб-қўнишлари, бир-бирларини тортқилаб ўйнашларига ёрдам берарди. Ҳаммаси чиройли, тенгсиз лобар эди. Ялпиз ўтлар билан бурканган ҳовуз бўйини ундан-да ёқимли муаттар мушку-анбарлар бўйи тутиб кетди. Мен ажиб манзара, ёқимли ифордан маст эдим...

Тонг ёришиб хўрозлар қичқира бошлади, кўрганларим туш ёки ўнгимда рўй берганми, англаб етолмасдим. Атрофда ҳеч ким йўқ. Бақатерак япроқлари шитирлаб, аста тин олди. Сирли кулги садолари ҳануз қулоқларим остида жаранглаб аста-секин узоқлашиб борарди. Нигоҳимни сувга қададим. Ҳовуз суви янада тиниқлашиб, мусаффо бўлиб қолганини ҳис этиб ўзгача ҳаяжон билан ортга қайтдим.

Йўлаклар озода, сувлар сепилган. Оҳиста Зебунисо энам ётган ҳужрага бўйландим ва ҳайрат, ҳаяжонда лол қолдим. Тунда димогларимга инган муаттар, мусаффо, ёқимли анбар шу хонанинг ичкарисидан келарди. Энам эгнидаги кўйлакнинг ҳарир гуллари, ҳовуз бўйидаги фаришта — парилар эгнидаги нафис матолар гулларига жуда-жуда ўхшар, товланиб, жилваланиб кўзимни қамаштиради. Ҳужра ичи фаришта — париларга тўла эди. Деразадан тўлин ой ёғдуси мисоли оқ поёндоздай энам ётган жойга тушиб турарди. Фаришталар куршовида ётган энам ширин уйкуда эди. Мен уларни чўчитиб юбормаслик илинжида аста ортга қайтдим, бориб сўридаги тўшакка ёнбошладим, бутун борлиқни оппоқ қилиб ёритиб турган ойнинг сеҳрли таровати, ундан таралаётган қумуш нурларни томоша қилиб ётдим. Аста-секин улар жимиirlаб саноқсиз фаришталарга айланди. Қишлоғимиз, юртимиз осмонида оқ лайлаклардек учиб юрган фаришталар тобора кўпайиб борарди...

Халқимиз азал-азалдан бўш вақтни, тўй, маросим ва ҳар хил удумларни ўзига хос тарзда ўтказиб келган. Бундай удумларимиз халқимиз орасида турли номлар, атамалар билан аталади. Тўй-ҳашам, байрам, сайил ёки оиласвий удумлар ҳам шулар жумласига киради. Улардан бири «Ололмайсан» Жиззах тумани ва Жиззах шаҳрида кенг тарқалган бўлиб, ҳозирги кунда ҳам никоҳ тўйларида, базм тугагандан кейин келинни гўшангага киритиш олдидан, иккала қуда томон фаол аёллари иштирокида ўтказилади. Бу удумда иккала томоннинг вакиллари маҳаллада, қариндош-уруглар ўртасида ўзига хос обрў-эътиборга эга бўлган аёллардан ташкил топиши лозим.

«Ololmaysan»

Куёв ва келин томон аёллари 5-10 та бўлишиб, бир-бирларига қараган ҳолатда икки томонда икки қатор турган ҳолатда ўзига хос айтишувдан бошланиди. «Ололмайсан» удумининг бошланиш қисмida келин томон қатори ортида келин бошига махсус рўймол ўраган ҳолда турди, куёв томоннинг ортида эса куёв бўлмайди. Куёв шу пайтда қўшни хонада ёки уйдан ташқарида бўлиши мумкин. Томонлар чамаси 3-4 метр оралиқда бир бирларига қараб, турган ҳолда маросимни бошлайдилар.

Куёв томон:

Ҳой қудалар, қудажонлар,
Келинглар, бир айтишайлик.
Қизиқ, қизиқ сўзлар айтиб,
Келинглар, бир кулишайлик.

Киз томон:

Ҳой қудалар, қудажонлар,
Араванинг тагига сепдим кепак,
Келин боланинг кийгани бари ипак.

Куёв томон:

Ҳой қудалар, қудажонлар,
Куёв бола томини толдан ёпган,
Шундай сулув келинни қайдан топган?

Киз томон:

Ҳой қудалар, қудажонлар,
Куёвни бой дегандингиз, бойи қани,
Самоварда қайнаб турган чойи қани?

Куёв томон:

Ҳой қудалар, қудажонлар,
Сув бўлса ҳам ичинглар чой ўрнида,
Той бўлса ҳам мининглар от ўрнида.

Киз томон:

Ҳой қудалар, қудажонлар,
Араванинг тагидан сичқон қочди,
Нимча майиз тополмай куёв қочди.

Куёв томон:

Ҳой қудалар, қудажонлар,
Қочди, қочди деманглар қочгани йўқ,
Куёв ҳали ҳамёнини очгани йўқ.

Киз томон:

Ҳой қудалар, қудажонлар,
Тахта-тахта кўприқдек тахти бўлсин,
Пайғамбарнинг қизидек баҳти бўлсин.

Куёв томон:

Ҳой қудалар, қудажонлар,
Чори бобом чорбогидан оширайлик,
Келин болани куёвига топширайлик.

Киз томон:

Ҳой қудалар, қудажонлар,
Биздан сизга ким керак?

Куёв томон:

Ўзи гўзал, соchlари узун, қошлари камон, жаҳонда тенги йўқ бизнинг келинимиз керак.

Киз томон:

Хо-о, келинингизни ололмайсиз



Куёв томон: Ололамиз.

Қиз томон: Ололмайсиз.

Куёв томон: Ололамиз, ололамиз.

Қиз томон: Ололмайсиз оҳ-ҳо, ололмайсиз ҳо!

Куёв томон: Ололамиз оҳ-ҳо, ололамиз-о!

Қиз томон: Ололмайсиз оҳ-ҳо, ололмайсиз ҳо!

Куёв томон: Ололамиз оҳ-ҳо, ололамиз-о!

Қиз томон:

Ололмайсиз, ололмайсиз, ололмайсиз ҳо!

Куёв томон: Ололамиз, ололамиз, ололамиз-ҳо.

Айтишув шу жойга келганда, қиз томон ўз жойида турраб, бир хил оҳангда қарсак чалади, шу алфозда куёв томон жўр бўлиб, ўз қарсакларига мос ҳолда енгил ўйин ҳаракатлари билан қиз томонга юришни бошлади. Шу пайтда қиз томон аёллари қаторни жипслаштириб, куёв томон аёлларини ортларидаги келинга ўтказмаслик учун ҳаракат қиласидар. Куёв томон аёллари ўзларини қиз томоннинг аёлларига урадилар. Келинга ўта олмагач, яна тезлиқда жойига қайтишади.

Қиз томон: Х-ў-ў, ололмадингиз.

Куёв томон: Ололамиз, ололамиз, ололамиз-ҳо.



Қиз томон: Ололмайсиз, ололмайсиз, ололмайсиз ҳо.

Куёв томон: Ололамиз, ололамиз, ололамиз-ҳо.

Қиз томон: Ололмайсиз, ололмайсиз, ололмайсиз ҳо.

Куёв томон: Ололамиз, ололамиз, ололамиз-ҳо.

Қиз томон эса яна ўз қаторларини жипслаштириб, жонли деворга айланади. Куёв томондан бораётган аёллар шу жонли деворни ёриб ўтиб, келиннинг бошидаги рўмолни олишга ҳаракат қиласиди. Удум куёв томон келиннинг бошидаги рўмолни олмагунча тахминан 4-5 марта такрорланади. Шу тариқа удум давом этар экан, куёв томондан келиннинг рўмолини олган аёл рўмолни баралла кўтариб бор овозда «Олдик» дейди. Шундан кейин кайвони томонидан куёвчи чакирилади. Күёвнинг янгаларидан бири куёвни чопони билан бошини ёпган ҳолда етаклаб келади. Шундан кейингина куёв билан келиннинг чимилдиққа киришига рухсат этилади.

Бу удумнинг ўзига хос томонлари шундан иборатки, келин ва куёв томон янгаларининг сўзга чечанлиги, ҳаракатчанлиги каби жиҳатлари ўзига хос тарзда синалади. Удум нафақат келин-куёвнинг, балки янгаларнинг ҳам тўйга маънан тайёрлигини талаб қиласиди. «Ололмайсан» удуми эса қадимдан бу масалага аждодларимиз томонидан жиддий қаралганини далиллайди.

Рахматулла САРИМСОҚОВ,
Абдулла Қодирий номидаги Жizzах давлат
педагогика институти доценти

Форобий мусиқани инсонда ахлоқий фазилатларни шакллантирувчи, юксак дид ва гўзаллик туйгуларини уйғотувчи ва ҳатто инсон сиҳат-саломатлигига ҳам ижобий таъсир кўрсатувчи восита деб бежиз таърифламаган. Улуғ аллома ҳаёти билан боғлиқ ушбу ривоятда мусиқанинг сехрли таъсири ҳақида сўз юритилади.

Musiga sehri

Ривоятларга кўра, дарвешона кийинган бир одам Ҳалаб шаҳри кўчаларида ҳаммани ҳайратга солувчи қуйлар чалиб юрганини эшитган ҳукмдор уни ҳузурига келтиришларини буоради. Мулозимлар кайф-сафо қилиб ўтирган ҳукмдор ҳузурига дарвешни олиб кирадилар. Ҳукмдор унга шундай дейди:

— Айтишларича, мусиқа борасида сенга тенг келадиган созандা йўқ эмиш, агар шу гап тўғри бўлса, шундай мусиқа чалгинки, биз ҳо-ҳолаб кулиб юборайлик, куйдан таналаримиз ҳам ларзага келсин.

— Хўп бўлади, — деб дарвеш мусиқа чалиб, ҳаммани кулдиради.

— Энди, — дейди ҳукмдор, ўзини кулгидан зўрға тўхтатиб, — сен бизларни йиғлатиб юборадиган мусиқа чалиб бер!

— Буйруғингиз мен учун вожиб, — деб Форобий шундай мунгли мусиқа чаладики, ўтирганларнинг барчаси йиғлашга тушади. Ҳукмдор, кўзларини артиб, яна дарвешга юзланиб дейди:

— Офарин! Энди қўлингдан келса, мусиқа чалиб, бизларни ухлаттил, бироз ором олайлик!

Дарвеш бошқа бир мўъжазгина мусиқа асборини қўлига олиб, шундай майнин, нафис товушда мусиқа чаладики, ўтирганларнинг барчаси ўйқуга кетади. Дарвеш бир варак қоғозга қуидагиларни ёзиб, саройдан чиқиб кетади: «Сизларни кулдириб, йиғлатиб, кейин ухлаттиб, мусиқа чалган дарвеш аслида Форобий эди».

Уйқудан чўчиб уйғонган ҳукмдор вақағдаги ёзувга кўзи тушиб, дарҳол уни топиб келтиришларини буоради. Лекин мулозимлар қанчалик қидирмасинлар, уни топа олишмайди. Чунки бу вақтда Форобий шаҳардан чиқиб кетишга ултурган эди.



Сиз уларни танийсиз. Кўпчилигимиз уларни бахши-шоирлар, ўланчилар, асқиячи ва қизиқчилар, дорбозлар кўрик-танловларида, фольклор фестиваларию халқ сайиллари, байрамларни ташкил этиш билан боғлиқ иш жараёнларида куйиб-пишиб юрганига гувоҳ бўлганмиз. Ҳа, Ўзбекистонда хизмат кўрсатган маданият ходими Ўткир Тоҳиров миллий, маънавий қадриятларимизни тиклаш ва ривожлантириш билан боғлиқ маданий-маърифий тадбирларни ташкил этиш бўйича энг малакали мутахассисларимиздан бири ҳисобланади.

UMR MAZMUNI

Унинг кўп йиллик самарали фаолиятига назар ташлар экансиз, кўз ўнгингизда халқ бадиий ижодини тарғиб этишни умр мазмуни деб билган камтарин, самимий, бағрикенг ва ўз ишига ўта масъулияти инсон қиёфаси гавдаланади. Зукко боболаримиз «Эл-юрга муҳаббат, ватанга садоқат она алласи орқали гўдак қалбига жо бўлади», — деган ҳақ гапни айтишган. Зеро, Ўткир Тоҳировнинг маданият соҳасига қизиқиши ҳам, бизнингча, у туғилиб ўсган, вояга етган оиласидаги муҳит, айниқса, во-лидаи муҳтарамаси Манзура Каримовадек зиёли, маърифатли инсон тарбияси билан бевосита боғлиқдир. Чунки онаси пойтахтимиздаги Эски шаҳар маданият уйида фаолият юритган. Уни болалигидан санъатга, адабиётга ошно қилиб вояга етказган. Тაъbir жоиз бўлса, маданиятга қизиқиш унга она сути, меҳри билан ўтган.

Чиндан-да, қаҳрамонимизнинг ҳаёт йўли ва ижодий фаолиятига назар ташласангиз, унинг қалбидаги миллий маданиятимизга, айниқса, халқ бадиий ижодига бўлган улкан муҳаббат жо бўлганлигини кўрасиз. Бугунги кунда фольклор санъатининг фидойи тарғиботчиси, маданий-маърифий тадбирлар ташкилотчиси сифатида элга танилган Ўткир Тоҳиров ўтган йиллар давомида самарали меҳнат йўлини босиб ўтди.

Олтмишинчи йиллар бошида Тошкентдаги ҳозирги Алишер Навоий номидаги Ўзбекистон Миллий боғида фаолият юритган кезлари унинг ташкилотчилик иқтидори ва ташабbusкорлиги туфайли ушбу боғ ўзига хос маданият ва санъат масканига айланди. Боғда оммавий-маданий тадбирларни ташкил этиш ва шу билан бирга, халқимизнинг қадимий байрам-сайилларини тиклаб, аҳолининг кенг қатламлари орасида тарғиб этиш бўйича самарали ишлар амалга оширилди. У «Гул сайли», «Сув сайли», «Хосил байрами», «Табассум сайли», «Мумтоз қўшиқлар на-воси» каби тадбирларда ташкилотчи ва режиссёр сифатида ўз маҳоратини намойиш этди. Ўша даврда боғнинг «Кураш» майдони анъанавий халқ цирк санъати усталарининг томошалари, асқиячи ва қизиқчиларнинг ичакузди ҳангомалари, дарбоз, қўғирчоқбоз ва масхарабозларнинг кўрик-танловлари билан ҳамиша банд бўларди. Ҳафтанинг дам олиши кунлари эса халқимизнинг севимли санъаткорлари, таниқли хонанда ва созандалар, шунингдек, бадиий ҳаваскорлик жамоалари қатнашчилари иштироқида



концертлар ташкил қилинишига ҳам Ўткир Тоҳиров бош-кош бўлар эди.

1972 йилда малакали режиссёр сифатида ҳозирги Абдулла Қодирий номидаги Маданият ва истироҳат боғи раҳбари сифатида иш бошлади. Ҳамиша ўз вазифасини сидқидилдан бажаришга одатланган Ўткир Тоҳиров боғнинг янада кўркам ва гўзал бўлиши йўлида фидокорона меҳнат қилди. Унинг сайъ-ҳаракатлари ва ташабbusи билан ташкил этилган «Барҳаёт анъаналар», «Табассум» — боғ меҳмони, «Асқия кечалари», «Тўйларимиз хақида ўйларимиз» каби тадбирлар бокса ташриф буюрган дам олувчиларда катта таассурот қолдириди. Боғда янги чойхона ташкил этилди ва унда ҳар ҳафтанинг дам олиш кунлари доимий равишда эл ардоғидаги машҳур санъаткорлар билан учрашувлар, таниқли шоир ва адиллар иштироқидаги адабий кечалар, йирик олимларнинг давра сұхбатлари, асқия ва қизиқчиларнинг чиқишлиари ўтказиладиган бўлди. Шу тариқа, ушбу боғ обод ва серфайз гўшага айланди.

Ўткир Тоҳиров ўтган йиллар давомида қаерда ишламасин, ҳамиша вақтнинг қадрини билиш ва унинг ҳар бир дақиқасини эзгу ишга бахшида этишдек улуғвор мақсаддага амал қилиб яшади.

Мустақиллик йилларида халқ ижодиётини тиклаш, ривожлантиришга катта эътибор берилганлиги натижасида турли кўрик-танловлар, фольклор байрам-сайиллари, халқ санъати фестиваллари ва шу каби маданий-маърифий тадбирларнинг кўлами фоятда кенгайди. Бахши-шоирлар, оқинлар ва жировлар, асқиячи ва қизиқчилар, ўланчилар, лапарчилар, алла ижроҷилари, қўғирчоқбозлар, дарбозлар ва халқ цирк санъати усталари, тўй маросим қўшиқлари ижроҷилари, фольклор-этнографик жамоалари қатнашчилари, ҳаваскорлик театри ижроҷилари, фольклор жамоалари, катта ашула ижроҷилари ҳамда болалар фольклор жамоаларининг «Кўхна замин оҳанглари» номли Республика телевестивали, шунингдек, «Энг яхши маданият ва истироҳат боғи», «Энг намунали маданият уйи» кўрик-танловлари мамлакатимизнинг маданий-маънавий тараққиётида муҳим ўрин тутадиган тадбирлар даражасига кўтарилди.

Унинг ташабbusи билан Халқ ижодиёти ва маданий-маърифий ишлар илмий-методик маркази хузурида мамлакатимизнинг таниқли фольклоршунос

олимлари, устоз санъаткорлар ва соҳа мутахассисларидан иборат «Фольклор кенгаши» ташкил этилди. Кенгаш томонидан ҳалқ бадиий ижодиётини ривожлантириш билан боғлиқ долзарб масалаларга «Ҳалқ ижодиёти ва давр», «Мустақиллик: маънавият ва миллий қадриятлар муаммоси», «Хозирги давр баҳшичилик санъати», «Миллий истиқлол гояси ва фольклор санъати», «Фольклор санъати ва унинг маданий-маънавий тараққиётда тутган ўрни», «Фольклор-этнографик ансамбларнинг томоша дастурларида миллий либосларнинг ўрни», «Ўзбек фольклорини ўрганишнинг янгича тамоиллари» каби долзарб мавзуларда қатор илмий-амалий анжуманлар ўтказилди.

Ўзбекистон Республикаси Маданият ва спорт ишлари вазирлиги Ҳалқ ижодиёти ва маданий-маърифий ишлар илмий-методик маркази ва қатор ташкилотлар ҳамкорлигига 1996-2006 йиллар мобайнида иш олиб борган «Остонаси тиллодан» фольклор экспедицияси ҳам ўтқир Тоҳировнинг ташаббуси билан ташкил этилган эди. У киши мазкур илмий экспедицияни самарали ўтказишда бош-қош бўлибгина қолмасдан, унда бевосита иштирок этиб, тарихий илдизлари бир неча юз йилликлар билан бўйлашадиган қадимий қўшиқларнинг тўпланиши ҳамда ўзбек фольклорининг худудий ўзига хослиги ва жанр жиҳатда ранг-баранглигини ўзида мужассам этган чечанлар, ўланчилар, лапарчилар, аскиячилар, маросим



қўшиқлари ижрочилари репертуаридаги ноёб асарларнинг ёзиб олинишига катта ҳисса қўшди.

«Мехнат қилган — элда азиз» дейдилар. Дарҳакиқат, ўз умрининг эллик беш йилдан ортиқроқ даврини маданий-маънавий қадриятларимизни тикилаш ва тарғиб қилишдек эзгу ишга бағишлиған фидойи инсон ўтқир Тоҳировнинг кўп йиллик самарали меҳнатлари ҳам истиқлол йилларидағина ўзининг ҳақиқий муносиб баҳосини олди. Мустақиллик туфайли у кишининг фольклор санъати анъаналарини тараққий эттириш борасида амалга оширган фаолияти қадрланиб, 1992 йилда «Ўзбекистонда хизмат кўрсатган маданият ходими» фахрий увони, 2006 йилда «Мехнат шуҳрати» ордени билан тақдирланди.

Ўтқир Тоҳиров ҳозирда Fafur Fулом номидаги маданият ва истироҳат боғида ёшларга санъат ва маданият соҳасидаги билим ва кўникмаларини улашиб келмоқда. Бу соҳада, биз ёшлар, улардан кўплаб маълумотлар олиб келаётганимиздан беҳад шодмиз!

**Одинахон ХОЛИҚОВА,
Тошкент шаҳри, Fafur Fулом номидаги
маданият ва истироҳат боғи ходими**



Турсун АЛИ

ҲАЯЖОН ТИЛИ

Шеър тушунладиган фалсафа эмас, ҳис этиладиган мўъжизадир.

* * *

Ўз сўзим ортидан кетавердим, бора-бора ўзлигимга етдим, ниҳоят.

* * *

Мен унинг шеърларини жимгина тингладим, жимгина хайрлашдим...

* * *

Шеъриятнинг ҳамма ҳам тушунавермайдиган ўз тили бор.

* * *

Ҳақиқий шоирлар асрлар ва асарлар тўлғогида тўлғана-тўлғана туғиладилар.

* * *

Жанг эмас, балки ижодий маҳорат ўқувчини ҳайрат кенгликларига етаклади.

* * *

Асл шеър — навқирон кўнгилнинг бокира туйғулари, ёниқ эҳтиросидан яралади. Тажриба шеъриятга теранлик, фалсафа бағишлидай.

* * *

Ёзаётганимда сўз изламайман. Сўзниңг ўзи қалбимнинг энг чуқур еридан отилиб чиқади, кейин симга кўнгган қалдирғочлардай қозоуз узра тизилади — парвозга шай...





Osmon kiprigiga ilinib durdaiy

* * *

Йиллардан қолгани бўлди хотира,
Армонга айланган тошлари оғир.
Бир замонлар ўзим бўлсам ботир-а,
Бугун йиллар ўртаб сим-симлар бафир.

Тириклик яхши-да анжир болидай,
Омонлик кунларнинг меҳри нафаси.
Аммо йиллар оқиб дарё солидай,
Торлик қилас экан юрак қафаси.

Қизғалдоқ шамолда ўйнаганидай,
Баҳоринг шабада сингари эсиб,
Кўзингда шодлигинг қайнаганидай,
Ёшлатар экан-да қайғулар тўзиб.

Дараҳтлар сингари ўсдинг кўк сари,
Очилиб гул-чаман чиройларидан.
Чиройлар ҳам қарив бораракан бари,
Хазонлар оқизиб Сир-сойларидан.

Йиллар олиб кетди десам борини —
Ишқим, муҳаббатим, наҳрларимни —
Бошимга сочганча оппоқ қорини,
Яна ҳам яралаб бағирларимни.

Йўқ, ҳали ўчмаган ўту чўғларим,
Умрга етмайин то шум қадами —
Тўкилиб қолсами бору йўқларим,
Дилимни куйдириб қўяр алами.

* * *

Нур дебон сочингда оқ кўрдим,
Қорлар ичидан тоқ кўрдим,
Оқ кўриб,
қўнглингни чоф кўрдим,
Чиройли бўлибсан тағин ҳам.

Бу дединг ҳилолнинг оқ доғи,
Топганим меҳрнинг нақ боғи,
Эъзознинг баҳорги чақмоги,
Чиройли бўлибсан тағин ҳам.

Ўриклар гуллари тўкилиб,
Бошингга қўнибди, ўх, келиб,
Ва лекин бағримни чўғ қилиб,
Чиройли бўлибсан тағин ҳам.

ЯНА АНОР

Гулларинг бўлди гулим,
Чиройли ҳамда сўлим.
Ишиб севги дардларин,
Ёниб қолди-да кўнглим.

Чимчилаган тонг десам,
Томчилаган бонг десам,
Қамчилаган жон десам,
Қониб қолди-да кўнглим.

Сиқиб олдим ўчларим,
Қон бўлиб-да ичларим,
Силамай ёр соchlарин,
Синиб қолди-да кўнглим.

* * *


Оlam гул ҳидига айланди тўлиқ,
Нафасим анбарлар уфуриб чоғи.
Ўрик шоҳларида бодроқлар бўлиқ,
Ойнинг шуъласига чўмилиб боғим.

Сени-да кутгани йўлингга чиқиб,
Айланиб қолдим-да нурланиб шундай.
Ўт олган бағримга меҳрлар йигиб,
Қоп-қора сочингга сочгани тундай.

Сен эса сувларга тушингни айтиб,
Оқизоқ айлаб-да хаёлларингни —
Баҳордан кузакка бордингми қайтиб,
Кўзингга яшириб дунёларингни.

Менинг ҳам ўйларим юлдуз бўлгани,
Осмон кипригига илиниб дурдай —
Тўкилиб кетгани — кундуз кулгани,
Кел энди, кучогим тўлдириб хурдай.

Оlam гул ҳидига айланди тўлиқ,
Нафасим анбарлар уфуриб чоғи.
Ўрик шоҳларида бодроқлар бўлиқ,
Ойнинг шуъласига чўмилиб боғим.





Ey shamol, tog 'larga olib ket meni

* * *

Ҳансирайди юлдуз, ҳансирайди ой,
Вуждимда кунлар борар ҳансираб.
Кўзларимга тўлар мунгнинг сояси
Негадир тикилар уфқ қонсираб...

Гоҳ гуллаган боғлар юзимга боқиб,
«Қариб қолибсан» деб қилар киноя.
Аммо менинг руҳим нур дарёсидан
Энтикиб-энтикиб тинглар ҳикоя.

Ортимга бокаман, ширин бир ҳислар
Кўксимга чирмашиб қилар фалаён.
Олдинда райхондек хушбўйдир ҳаёт,
Бармоғим учига кўнади осмон.

Йўқ, йўқ, қариганим йўқ, дейман, ахир,
Юрагимда булбул куйлаган баёт.
Вафодор, меҳрибон маҳбуба каби
Елкамга бошини қўяди ҳаёт.

Тонгги шабнамлардай шаффоф ҳаёлим
Ишқнинг оҳангига тушаман йўлга.
Само юлдузларин, агар хоҳласам,
Олмадайнин узиб оламан қўлга.

Абдуғаний кўнгли қўёш билан дўст,
Ҳансираган кунлар, кетингиз нари.
Томиримда уйғоқ муҳаббат ҳаққи —
Мен ҳам қаримайман қўёш сингари.

* * *

Эй шамол, тоғларга олиб кет мени,
Булоқлар бўйида ҳаёл сурай жим.
Тошдай оғирлашиб борар кун сайин,
Менинг кенгликларга бўлган соғинчим.

Охулар кўзидан сув ичсин кўнглим,
Чўққилар орзуси дилни этсин маст.
Ҳайқирай бағримнинг қўшиғи билан,
Осмонни кўтарай бошим узра даст.

Эй шамол, тоғларга олиб кет мени,
Лолалар қалбидан тинглайн эртак.
Негадир чарчадим, бўғилдим, толдим,
Ташландиқ боф каби ҳувиллар юрак.

Мени ошиқ қилган, дёвона қилган,
Тийгу бегонага ўхшайди бугун.
Фалак даричасин қачондир чертган,
Орзу афсонага ўхшайди бугун.

Эй шамол, тоғларга олиб кет мени,
Билмайман, кўнглимда қандайдир сурон.
Етакла, етакла, токи жонимда,
Энтикиб уйғонсин яшил ҳаяжон.

Олиб кет, кенгликлар завқи жонимда,
Баландроқ ёқайин ишқнинг шаъмини.
Ҳаёт жамолига, умид тонгига,
Яна ошиқ этай Абдуғанийни.

ЗУЛФИЯХОНИМГА

«Ҳаёт китобини аста вараклаб»,
Мусаффо тонгларнинг түйдим ифорин.
Сабр ва вафонинг муnis сабоси —
Дилдан ювиб кетди йиллар губорин.

Аёл қалбидаги буюк соғинчни —
Шеърлар китобидан ўқииди осмон.
Ўрик дараҳтининг томирларига,
Югурга бошлайди ажиг ҳаяжон.

Дунёда шоишу шоира кўпdir
Балки довруқ солган шавкату шони.
Аммо ягонадир меҳру вафода —
Ўзбекнинг бетимсол Зулфияхони.

Халқ дарди, шодлиги кўнглида эди,
Миллат туйгусидан эди туйгуси.
Ватаннинг ҳар чечак, ҳар майсасида,
Жаранглаб турарди буюк орзузи.

Шеърлари қатидан дарё тўлкини,
Эшитилиб туради руҳимга гўё.
Энтикиб шивирлар ўрик гуллари
Ахир дарё дилдан қолади дарё.

Улуғ шоирасин ёд этиб бугун,
Назмига гул қўяр Ўзбекистоним.
Дилларга жилмайиб кириб келади,
Баҳорни етаклаб Зулфияхоним.



«Men jilg'aman, daryo bo'lib toshgim keladi...»

Ҳар бир инсоннинг камол топиши, маънавий юксалишида мусиқанинг бекиёс ўрни борлиги инобатга олинган ҳолда юртимида ушбу соҳанинг ривожига катта эътибор қаратилмоқда. Президентимиз ташаббуси билан мамлакатимизнинг энг чекка худудларида ҳам замонавий мусиқа ва санъат мактаблари бунёд этилгани бир томондан ёшларимизнинг мусиқий дидини ошириша муҳим ўрин туваётган бўлса, бошқа тарафдан миллий мусиқий маданиятимиз тараққиётида алоҳида аҳамият касб этмоқда. Халқаро миқёсда ўтказилаётган турли нуфузли танловларда мамлакатимиз вакилларининг хорижлик мусиқа шинавандаларини лол қолдираётгани ҳам бу борадаги саъиҳаракатлар нақадар тўғри ва самарали эканидан далолат беради. Ана шундай ёшларни — юртимизнинг мусиқий маркази саналган Ўзбекистон давлат консерваторияси талабаларини сухбатга чорладик.

**Барно ИСМАТУЛЛАЕВА,
2014 йил «Competizione dell' Opera» халқаро танловининг Гран-При соҳибаси:**

— Юртимида санъатга, хусусан, мусиқага катта эътибор бериладиганини шундан ҳам билса бўладики, дунёда кўлами жиҳатидан энг йирик саналган опера бўйича халқаро танловлар ўтказилияпти, энг муҳими, ҳеч кимдан қолишмайдиган опера хонандаларимиз бор. Биргина, 2014 йил пойтахтимизда ўтказилган «Competizione dell' Opera» итальян операси ижорчиларининг XIV халқаро танловини олайлик. Ўшанда хорижлик мутахассислар ўзбек опера санъати мактабига жуда юқори баҳо беришди. Албатта, ўзбекистонлик ёш санъаткорлар ҳақидаги эътирофлар ҳаммамизни қувонтирди, айни пайтда зиммамида улкан масъулият борлигини эслатиб кўйди. Дунё саҳнасига чиққанда, фаҳрли ўринларни кўлга киритган онлар Ўзбекистон вакили, Ватанимнинг юзи бўлиб борганим энг баҳтли лаҳзаларимга айланади.



**Рўзихон НУРМАТОВА,
«Ниҳол» мукофоти
совриндори:**

— Миллий мақомларимизни эшитиб ўсанман. Уларга мөхрим бошқача. Ўзбекистон халқ артисти Замира Суюновага ҳавас қиласдим, шукрки, ҳозир улар менинг устозим. Уларнинг барча билгандарини ўрганиб олгим келади. Ўрганим сари, яна мен



билмаган нималар бор экан, деган хаёлга бораверман. Тадбирларда, хорижлик меҳмонлар келган давраларда куйлаганимизда улар бизнинг мусиқани жон қулоғи билан тинглаётганини кўрсам, чиндан ҳам мақомнинг сехри барчани бирдек торта олиш кучига эга эканига амин бўламан. Санъат фақат ўқиблизланишда эмас. Унга муҳаббатли бўлмаган одам бу сехрли оламнинг сир-синоатларини ҳеч қачон билиб ололмайди. Шунинг учун бу йўналишда устозшогирдлик анъанаси ўрганувчиларга катта мактаб вазифасини бажаради. Зоро, Ўзбекистон давлат консерваториясининг талабалари кўнглида шоирнинг «Мен жилгаман, дарё бўлиб тошгим келади...» деган сатрлари жаранглаётгандек. Насиб қисса келгусида миллий мақомларимизни ўрганиб, устозларим кўмагидаги бу борадаги маҳоратимни ошириб, миллий санъатимизни ривожлантиришга ўз ҳиссамни кўшаман.

**Мирсаид УБАЙДУЛЛАЕВ,
Европа ҷолғучилар кубо-
гининг Гран-При соҳиби:**

— Ҳар бир сознинг ўз сехри бор. Уларни тингласангиз, мусиқа орқали ҷолғучининг нима демоқчилигини билиб оласиз. Миллий созларимиз оҳанги дилга яқинлиги билан мени қизиқтирган. Фижжак торлари орқали шўх мусиқалар ҳам дардли оҳанглар ҳам тингловчилар қалбига чуқур кириб боради. Устозларимдан ўрганиб, халқаро танловларда ғолиб бўлдим. Шу жараёнларда дунё мусиқа шинавандаларининг миллий ҷолгуларимизга нақадар катта қизиқиш билан қараганларини кўриб ич-ичимдан қувондим. Келажакда ўзимнинг мусиқий жамоамни тузишни, ўзбек мусиқа ҷолгулари ва мусиқасини дунёга танитишни ният қилганман.





Зумрад САФАРОВА, Руминия давлатида ўтказилган «Pro piano Romania» халқаро танловининг ғолиби:

— Созларга яхшилаб қулоқ солсангиз, худди бизга ўхшаб гапираётганини илгайсиз. Масалан, фортепианода энг нозик туйгуларни ҳам бекаму кўст ифодалаш мумкин. Бу ҳақиқий мўъжиза-да. Аввалига ота-онамнинг қизиқтириши билан шу йўналишни танлаган эдим, кейинчалик ўзим

ҳам қизиқиб қолдим. Халқаро танловларда фахрли ўринларни ёгаллаган пайтимда кўз олдимга ота-онам, устозларим, беминнат ёрдам берган инсонлар кела-ди. Мен ҳам мусиқа сирларини чуқур ўрганиб, келажакда мусиқа мактабида ишлашни ният қиляпман. Ёш иқтидорларни кашф этишга, миллий санъатимиз, маданиятимиз баланд чўққиларга кўтарилишига ҳиссам қўшилса, менга кўмаклашган инсонлар олдидағи қарзимни бир қадар узган бўлардим.




Фахриддин ТУРАНОВ, 2014 йил «Romansiada» халқаро танловининг

II ўрин соҳиби:

— Куйлаётганимда яқинларим, устозларим, бутун Ўзбекистонимиз кўз олдимга кела-ди ва бу менга куч беради. Овозим баритон. Олдин баланд ноталарга чиқа олмас-дим. Устозларимнинг ёрдамида, ўқиб-изланишлар натижасида ҳозир bemalol куйла-

япман. Опера шундай санъатки, қанча кўп меҳнат қилсанг, тинимсиз излансанг, бирор натижага эришасан, имкониятларинг очилади, агар бу мунтазамлик бузилса, уринишларинг зое кетиши ҳеч тап эмас... Устозимиз Эгамберди Турсунов бунга ўхшаш маслаҳатларни кўп беради. Ҳар гал халқаро танловларга чиққанимда ўзбекистонликларнинг хорижлик тенгдош санъаткорлардан кам эмаслигига ишонч ҳосил қилиб, хурсанд бўлиб кетаман, уйга янада кўпроқ ишлаш иштиёқи билан қайтаман.



Сайёда НОРЖИГИТОВА, 2014 йил Қозогистонда ўтказилган халқаро танлов катнашчиси:

— Мусиқага болалигимдан қизиқардим, лекин унинг моҳи-ятини, сехрини ўқишга кирганимдан сўнг чуқурроқ англа-дим. Ўқиш жараённда халқимизнинг севимли санъаткори Ўзбекистон халқ артисти Муяссар Раззоқованинг этагидан тутдим. Устозим саҳна маданиятидан ҳам овоз имкониятларидан тўғри фойдалана олиш, атрофдагилар билан қандай муносабатда бўлиш борасида ҳам эринмай сабоқ беради. Муяссар опа айтганига ҳаёт-да ўзи ҳам тўлиқ амал қиласидиган инсон. Шунинг учун

худди устозимдек ўзбек мусиқа санъатини дунёга та-нитишни энг зўр мақсадим деб биламан. Албатта, бунга эришиш учун тинмай ўқиш, изланиш керак.



Дилафрӯз АШУРОВА, Испанияда ўтказилган «Palma de Mallorca» халқаро танловининг

II ўрин соҳибаси:

— Саккиз ёшлигимда Ита-лияда ўтказилган халқаро танловда учинчи ўринни олган-дим. Шунда келажакка ишон-чим мустаҳкам бўлди. Амери-када «Устоз-шогирд» анъана-си асосида ўтказилган таъ-лим жараёнларида қатнаш-дим.

Бу менга билдирилган навбатдаги ишонч эди. У ерда мусиқий қизиқишиларни солишитирғанман. Америкаликлар кўпроқ жазга қизиқса, бизда клас-сикага интилиш кучли. Мураккаб ҷолгуларни ҳам осонлик билан чалишимиз уларни ҳайратлантирган. Ҳозир Англиянинг Винзер шаҳрида ўтказиладиган халқаро танловга тайёрланяпмиз. Бу танлов бирин-чи марта ўтказилияпти. Биринчи танловдаёқ ўз бай-роғимизни баланд кўтаришни мақсад қилганимиз.



Санобар АБДУГАФФОРОВА, Парижда ўтказилган «Nikolay Rubinshteyn» халқаро танловининг

II ўрин соҳибаси:

— Мусиқа орқали дунё қе-зиш, Ватанимиз шарафини кўкка кўтариш, энг нуғузли танловларда ғолиб бўлиш туй-ғуси доим мени иход қилишга ундаиди. Халқаро танловлардан янги foялар билан қайтаман. Парижда ўтказилган халқаро танловда иккинчи ўринни олганимда меҳнат қилган одамнинг албатта мақсадига эришишига яна бир бор ишондим.



Шерзод НАЗАРОВ:

— Ёшлигимдан «Аббос» гурӯхининг муҳлиси эдим, куйларини қайта-қайта тинг-лайверардим. Кейинчалик устозларим Аббос Қосимов ва Раҳматилла Самадовнинг вақтини ҳам, меҳрини ҳам аямай сабоқ беришгани ту-файли доиранинг ҳар бир зарбини юрак зарбига қиёс қилишини ўргандим. Келажак-да устозлар анъаналарига содик қолиб, доиранинг са-доларини дунёнинг турли бурчакларида янгратиб, ўзбек миллий созлари ва куйларини тараннум этмоқчиман.

Нилуфар ҲАЙИТОВА тайёрлади

Фотима зинадан шошиб тушди, атрофида ўтлар ўсib ётган йўлакда тўхтаб рўмolini бофлади ва ўзини жиддий қиёфага солди. Унинг беш дақиқа илгариғи қувноқлигидан асар ҳам қолмаган эди.

Бино айвонида клуб мудири Вано Абакелия кўринди:

— Фотима, бир дақиқага қарагин.

Аёл худди жиноят устида кўлга тушгандек қотиб қолди. Бир муддат безовта бўлиб ҳушёр тортган охудек жим турди. Кейин орқасига қараб юра бошлади, лекин зинадан кўтарилими.

Пастда туриб ҳазин овоз билан сўради:

— Нима, Вано?

— Сўраш эсимдан чиқибди, бу ҳақда эринг биладими?

— Билади.

— Нима деяпти?

— Нима дейиши керак?

— Худо ҳаққи, мени нокулай аҳволга солиб қўйма! Унинг қанақа рашкчи, қизиқон эканлигини ўзинг яхши биласан-ку.

— Нима, ундан кўрқасанми?

— Гап қўрқишидамас, — деди клуб мудири овозига жиддий тус бериб. — Асоссиз шубҳаланиб, хафа бўлмасин деяпманда. Айтайлик, менинг рафиқамни концертда чиқиши, масалан, менга ёқмаслиги мумкин, ўзинг биласан, ҳар кимнинг ўз таъби бор.

— Бундан хавотир олма. Бошида у қаршилик кўрсатди. Кўзининг паҳтасини чиқариб бақирди. Мен ҳам ўз сўзимдаги турниб олдим, кейин бироз ён босди.

— Демак, эртага саккизда. Келишганимиздек.

— Хўп.

— Болаларингни ким билан қолдирасан?

Клуб мудирининг сўзларидан эзмалик ёки атайлаб ҷўзиҳиҳо билиниб турарди. Бўлмаса, Фотима Вақадзенинг болаларига ким қарашининг нима алоқаси бор.

— Қайнонам олиб қолади. Майли, бир маротаба бўлса ҳам набиралари билан ўтириб турсин. Мен тўққиз йил уйдан кўчага чиқмадим.

— Кичкина неча ёшда?

— Ҳали ёшига тўлганий йўк.

— Буни қара-я, ҳали кичкина экан, — клуб мудири жиддий тортиди.

— Соат еттида эмизиб ухлатаман. Катталари тўполон қилиб уйғотиб юборишмаса бўлди.

— Ҳали эмизасанми?

— Бўлмаса-чи, катталарини уч ўшгача ажратолмаганман. Умуман тинкамни қуритиб ташлашарди. Қайнонамнинг гапига қараганда уларнинг насли шунақа эмиш.

— Хўп майли, эртагача, — Вано Абакелия эшикка йўналди.

— Ҳайр.

— Ростини айтсанам, Шаликонинг рухсат берганига ҳам учналик ишонмаяпман.

— Нималар деяпсан! Ахир унинг рухсатисиз концертда чиқишига ботина олармидим.

Вано Абакелия яна бирпас туриб қолди.

— Мана, сен болаларимни қайнонамда қолдирман, деяпсан, нима у концертга келишни хоҳламайдими?

— Эй Худойим-еъ, гапингни қара. Қайнатом вафот этганига йигирма йил бўлибдики, ҳалигача мотам кийими ни ечмаган. Факат қора кийиниб юради.

— Демак, келишдик, эртагача!

Фотима Вақадзэ клуб мудирининг шунчаки бекорчиликдан эзмаланиб вайсаганини тушунди. У кўчага чиқиб, текис йўлка бўйлаб мағрур, озгина ўзига бино қўйгансизмон қиёфада кетиб борарди. Ўзига қадалган нигоҳларга

ARMON

Иво МИХИЛС



эътибор бермас, келишган қоматини кўз-кўз қилаётгандек қадам ташларди.

«Балки аҳмоклик қилаётгандирман, — ўйларди у. — Ахир одамлар уйида шунча чурвақаси турганда концертда чиқишига бало борми, демайдими. Ахир тўртта болани онасиман. Иғвогарларнинг гийбатидан худо асрасин, ишқилиб. Кимдир Шаликонинг жигига тегиб қўйиши мумкин. Шундоқ ҳам қизиқон одам. Ана унда кўрасан, ҳаётинг ҳаёт бўлмай қолиши мумкин». Фотима ўзи билан ўзи бу борада кўп баҳслашиб мулоҳаза қилди. Концертда чиқиши таклифини кўп маротаба рад этмоқчи бўлди. Лекин қалбининг тубидаги санъатга бўлган мұхаббат бунга йўл қўймади. Бу санъатга хизмат қилиш ва муваффақиятга эришишининг жозибадор истагими ёки худо берган истеъдоднинг ички ҳайқириғими ўзи ҳам билмасди. У оналик баҳти билангина эмас, балки ўзининг эҳтиросли кўшиқлари билан қалб сўзларини изҳор қилишини истарди...

Фотима тўққиз йил аввал маданият билим юртини таомомлади. Ўша йили турмушга чиқди. Унинг ҳаммага ёқадиган худо берган овози, ўз ижро услуги ва санъатда ўзига хос йўли бор эди. Билим юрти ўқитувчиларининг Фотимадан умидлари катта эди. У ўзини баъзан тушида эстрадага мос узун кийимда опера гурухининг ижрочилари даврасида кўрарди. Мурлан Микушадзе уни гитара чалишга ўргатди ва шаҳарда тантаналарга бағишилаб ўтказиладиган кечаларда муваффақиятли чиқишилар қила бошлади.

Фотимани ҳамма биларди. Унинг зўр истеъдоди билан биргаликда саҳнада ўзини оғир-вазмин тутишига ва бекиёс гўзаллигига ҳавас билан қарашарди. Фотиманинг тўсатдан турмушга чиқиши одамларга кутилмаган ходиса сифатида таъсири қилди. У ҳақда ҳар хил гап-сўзлар, гийбатлар кўпайиб, ҳар ким бу холни ўзича талқин қиласди. Кимдир уни ўйирлаб кетишган ва бир жойга қамаб қўйиб ҳеч қаёққа чиқаришмаяпти деса, бошқа бирор дугонаси бир жойга алдаб обориб қиморбозларга топширган, деган совуқ миш-мишларни айтарди. Лекин бир нарса аниқ эди. У одамларнинг меҳрини қозониб бўлган, Кутаиси ўзининг ноёб жавоҳирини йўқотишини истамасди. Охири кимдир Фотима ўзининг ихтиёри билан Окрибилик Шалико Вақадзега турмушга чиқибди, санъатни ташлабди, ўғил кўрибди, ҳозир оиласи билан овора эмиш, деган гапни топиб келди. Бу ҳақиқат эди. Фотима ўзининг ижодий йўналишининг бунчалик тез барҳам топишини ҳаёлига ҳам келтирмаган эди. Унинг қаттиқўл эри тўйдан кейин учнчи куниёқ: концертларсиз ҳам кунимиз ўтади, ҳар хил филармонияларга тоқатим йўк, уйда менга филармония хонандаси эмас, хотин керак. Бу концертларга бормаймиз, дегани эмас. Энди сенинг концертинг уй, оила, бола-чақа, гап тамом, вассалом, — деди.

Фотима ҳеч нарса қила олмади. У истеъдоди ҳавога

совурилиб кетаётганига ачинар, чин дилдан қайғурарди. Лекин ичидагини ташига чикармасди. Она бўлгандан кейин оналик меҳри, масъулияти олдида бу истаклар аста сўна бошлади. Йиллар ўтди. Деворда осиғлиқ гитарага эътибор ҳам бермай кўйди.

Тўқиз йил тўқиз кундай ўтиб кетди, Фотима Вацадзелар оиласига тўртта ўғил туғиб берди. Тўртта ҳаёт, тўртта кувонч. Шу ўтган тўқиз йил Фотиманинг ҳаётидаги энг гўзал онлар бўлди. Унинг учун бир-биридан ширин, жондан азиз фарзандлари худди кичик фариштадардек эди. Уларнинг тили чиқаётгандаги биринчи сўзлари, биринчи атак-чечаклари, онасига талпинган қўлчалари — буларнинг ҳаммаси Фотимага тақдирнинг инъоми бўлиб, болалари учун ҳамма нарсага тайёр эди.

Мана, бир неча кундирки, уни ғалати туйғулар қамраб олган. Тинчини йўқотди. Яна саҳналарда қўшиқ айтгиси келди, олқишлиарни соғинди. «Агар бир умр уйда ўтирадиган бўлсан истеъдоднинг, дипломнинг менга нима кераги бор» деб ўйларди. У қаердадир Лолита Торреснинг ҳам тўртта ўғли борлигини, лекин у санъатни ташламаганлигини ўқиб қолган эди. «Нега мунча баҳтсиз бўлмасам, бир маротаба саҳнада қўшиқ айтсан нима қилибди? Ахир мен биронта ёмон иш қилмаяпман-ку. Балки истеъдодимни тириклай ерга кўмаётгандирман. Бунга нима ҳаққим бор?».

Фотима шу масалада эри билан келишолмай қолди, лекин барibir кўндириди. Эртага шаҳар марказидаги маданият саройида катта концерт берилади. Узоқ танаф-фусдан сўнг, ҳалқ Фотиманинг овозини яна эшигади. Унинг хоҳишига кўра, Вано Абакелия дастурга — «Цицинатели», «Лўли романси» ва «Аве Мария» қўшиклиарини кириди.

* * *

Концерт авжига чиқкан маҳали эди. Мамаладзенинг пантомимоларидан ҳалқ жунбушга келди, қарсаклар зарбидан гўёки том қулақ тушай деди. Ҳатто бу пантомимони (бошқа қизиқчилар ижросида) кўп мароталаб кўрган бўлишига қарамай Фотима ҳам роса кулди. У парда орқасидан аста «партер»га қаради. Шалико учинчи қаторда ўтирадарди. Фотимага тишини тишига кўйиб жаҳлини зўрга босиб ўтиргандек туюлди. Кулмайди ҳам, қарсак ҳам чалмайди.

«Нима ҳам қила оламан, жоним Шалико, ахир тўқиз йилда бир маротаба инжиқлигимни кўтарсанг кўтарибсанда. Озгина чида. Мен сенга тўртта жонимиздан азиз бўлган фарзандларимизни катта қилиб бераяпман. Сен менга ҳамма нарсадан азизсан, мен бутун борлиғим билан сеникиман-ку. Нега мунча қовоғингни солиб олдинг? Хавотирланма, сени ҳеч қачон шарманда қилмайман. Тушунгин, мен санъат учун туғилганман. Худо берган истеъодни ерга кўмиш, ахир бу катта гуноҳ-ку! Онда-сонда, йилига бир-икки маротаба шунақа концертларда чиқиб турсам бўлди. Озгина таскин топаман, жонгинам. Илтимос, қовоғингни солма. Озгина кулгин, ўтинаман?».

Эндиғи навбатда Деисадзе ва Кавтарадзелар «Картул» рақсига тушадилар, ундан кейин Важа Алхазашвили «Бакури»ни ўқииди, менинг навбатим келиб қолди.

Ия гитарага нима бўлди? Фотима уни йўлакка олиб чиқиб созлай бошлади, учинчи сими панд бераётган эди. Гитаранинг сими боғланган «қулоғ»и занглаған, симни яхши ушламаётганилиги билиниб турарди. «Наҳотки, энди ҳалқка манзур бўла оладиган даражада куйлай олмасам? Йўқ, амалайман. Ахир уларнинг «Аве Мария» ва «Лўли романси»ни биринчи эшитишлари эмас-ку. Бу ерга ҳақиқий санъатни севадиган одамлар йигилган, ахир. Майли, қўлдан келганича уриниб кўраман, қарсак чалмалар ҳам розиман...

Қўшиқ айтаётганимда кимdir хуштак чалиб юборса-чи?

Ана даҳшат!.. Ким ҳам ботина оларди. Жуда бўлмаганда Шаликодан чўчиб ҳам чалмайди.

Важа саҳнага чиқиб бир йўталиб олди-да таъсирчан, баланд овоз билан: «Эй Элизбар, назар сол, нималар бўляяпти ҳозир Эгода» дейиши билан залнинг бир чеккасидан бехосдан чақалоқнинг йигиси эшитилиб қолди. Сўз устаси жим бўлди, қақалоқ йигиси одамларнинг кулгисига сабаб бўлган эди.

Фотима парда орқасидан секин мўралаб қаради. Гварамадзеларнинг чақалоги экан. Лайлонинг қайнонаси жаҳл билан лабини қимтиб, чақалоқни амаллаб тинчлантиришга ҳаракат қилар, лекин концертни ташлаб кетиш нияти йўқлиги аниқ эди.

«Қанақа одамлар булар, ахир концертга ҳам чақалоқни кўтариб келадими», — хаёлидан ўтказди Фотима.

Важа шеърнинг бир бандини айтиб улгурмаган ҳам эдики, чақалоқ яна бигифлашини бошлади. Сўз устаси яна жимиб қолди. Парда орқасига жаҳл билан тикилди. Унинг бошловчига қаршида: залда тартиб ўрнатиб кўйгин, бўлмаса ҳозир зални ташлаб чиқиб кетаман, ўша лўттибоз раққосаларингу бачкана масҳарабозларинг билан қолаверасан, деган мазмун бор эди.

Фотима ўзининг номини эшитиши билан танасидан чумоли ўрмалагандай бўлди. У юраги билан ҳозир нимадир рўй беришини ҳис қилди. Қараса, Обакелия унга ялингансимон қараб туриди.

— Фотима, кутқар. Ёрдам бер!

— Саҳнага чиқмайми?

— Навбатингни озгина ортга сурман. Кўряпсанми? Ҳаммасининг расвоси чиқяпти. Сени Бабаликашвилининг спорт этюдлари чиқишидан кейин эълон қиласман.

— Майли, шундоқ бўлгани дуруст...

Фотима коридор орқали югуриб залга чиқди. Лайлонинг қайнонаси кўлидан чақалоқни олиб унинг ёнига ўтириди. Рўмолини пана қилиб, чақалоққа кўкрагини берди. Ҳеч қанақа овунтиришлар кор қилмаган кичкина Гварамадзе бирпастда жим бўлиб қолди.

«Жамоат тартибини бузувчи кичкина безори» тинчили. Концерт давом этди.

Фотима икки маротаба уни кўкрагидан ажратмоқчи бўлди, лекин чақалоқ яна бигифлай бошлади. «Наҳотки бугун бирон маротаба ҳам эмизмаган бўлса» хаёлидан ўтиди Фотиманинг. Одамлар яна норози қиёфада Фотимага тикилдилар.

«Бунча шўрпешона бўлмасам...»

Бабакашвили оғир полvon тошлар билан ўйин кўрсатиб бўлганида Фотимани ҳаяжон босди. «Ҳозир мени чақиришади, гитарани қаерга кўйдим». У чақалоқни эҳтиётлик билан кўкрагидан секин ажратди. Эндиғина ўрнидан туришга ҷоғланган эди, кучга тўлган Гварамадзеларнинг авлоди яна ҳамма ёқни бошига кўтарди.

— Фотима, қаёқча кетаяпсан, болани овут, савобли иш қил, — орқасидан кимнингдир норози чақириғи эшитилди.

...Концерт охирлаб қолган эди. Залда мириқиб маънавий завқ олаётган томошабинлар орасида паришон ҳолда бир аёл ўтиради. Фотима Гварамадзеларнинг ўжар чақалогини меҳр билан кўкрагига босаркан, дастрўмоли билан кўз ёшларини артарди.

Кўз ёшлари эса қўйилиб келарди...

**Ҳамидулло ИСМАТ
таржимаси**



BOLALARNING QALBAN ULG'AYISHIGA HISSA QO'SHAYOTGAN MUQADDAS DARGOH

Республика болалар кутубхонаси бугунги кунда болаларимизнинг энг севимли масканларидан бирига айланди. Ҳар жиҳатдан қулагай ва шинам. Кичкинторлардан тортиб, катталарнинг эътиборини тортадиган китоб захираси мавжуд. Кутубхона йилига 13 мингдан зиёд китобхонларга хизмат кўрсатади. Интернет тармоғида ўзининг www.kitob.uz, www.taqvim.uz расмий сайтларига эга.

— Кутубхона Фондида 200 мингдан зиёд адабиётлар ва 100 дан ортиқ бошқа нашрлар мавжуд, — дейди Республика болалар кутубхонаси директори Дониёр Ўролов. — Болалар ёшига мос бадиий адабиётлар, илмий-оммабоп нашрлар, ижтимоий-сиёсий китблар, Ўзбекистонда нашр қилинган болалар ҳамда катталар учун газета ва журнallар, энциклопедия ҳамда лугатлар бор бўлиб, китбларнинг электрон варианти ҳам яратилган. Мақсадимиз фарзандларимизнинг маънавий оламини бойитиш, уларни ўқишига жалб қилиш. Бу йўлда турли тадбирлар ташкил этапмиз. Фаол китобхонларнинг талабларидан келиб чиқиб, ёзувчилар, шоирлар, адабиётшунослар, санъаткорлар билан учрашувлар, онлайн мулоқотлар ташкил этапмиз.

Айни пайтда кутубхона сайтида китобхонлар учун «Ўзбек адабиёти», «Электрон адабиётлар», «Жаҳон адабиёти», «Ривоятлар», «Эртаклар», «Биласизми?», «Лойиҳалар», «Матбуот хизмати» ва кўплаб бошқа саҳифалар фаолият юритяпти. Электрон китблар рўйхати тузилгани фойдаланувчиларга янада куляйлик яратмоқда.

Эндилиқда ҳар бир китобхон уйида ўтириб kitob.uz сайтидан ўзига керакли бўлган китобини топиб ўқиш имкониятига эга. Шунингдек, сайтнинг рус тилидаги саҳифаси ҳам мавжуд. Шу кунларда сайтнинг «Нодир китблар» саҳифасини тайёрлаш бўйича амалий ишлар бажариляпти. Ўйламизки, kitob.uz ўзбек китобхонларининг севимли сайтларидан бирига айланди.

Кутубхонага кириб келар экансиз, бола бўлиб қолгингиз, афсона ва эртакларнинг сеҳрли оламини ўз тасаввурингизда забт этгингиз келади. Чунки бу ерда эртакнамо бир мухит яратилганки, бир марта келган бола яна ва яна китоб ўқиши учун бу даргоҳга келгиси келаверади.

Ходимлар ҳар бир боланинг истагидан келиб чиқиб, унга керакли китобни топиб беради. Биринчи келганлар шароитлар билан таниширилиб, аъзоликка қабул қилинади. Кутубхона ходимлари бу жараён ҳам болалар учун унтутилмас воқеа бўлиб қолиши учун ҳаракат қилишади.

Агар болалар ўқитувчиси ёки ота-онаси билан ташrif буюрса, «Оилавий ўқиши шўъбаси» хизматидан

Китоб инсоният томонидан қилинган кашфиётлар орасида энг буогидир. Шунинг учун ҳам китоб доимо муқаддас билиб, эъзозланади. Биз бирор кунимизни китобсиз, ундан баҳрамандликсиз тасаввур қилолмаймиз. Китоблар оиласда алоҳида жавонларга тартиб билан тахлаб асралса, жамиятда бу вазифани кутубхоналар бажаради. Кутубхоналар чин маънода одамларга билим берувчи маънавий ҳазина ҳисобланади. Айнан уларнинг борлиги туфайлигини қадимги кўлёзмалар, босма китблар, тарихий шахслар ҳақидаги манбалар бизгача етиб келган.

фойдаланиб туради. Бу бўлим имкониятларидан кутубхона яқинидаги «Оқибат», «Ёшлик», «Мустақиллик» каби маҳаллалар аҳолиси, уй бекалари, нафақадагилар кенг фойдаланиб келмоқда. Шўъба янги келган китблар ва кутубхона фондидағи энг яхши адабиётларни мунтазам равишда китобхонларга тартиб этиб келмоқда.

Академик лицей ва касб-хунар коллежи ўқувчилари учун илмий ва бошқа соҳаларга оид адабиётлар бор. Улар ўз билим ва малакаларини оширишлари учун бу ердаги ўқув зали доимо хизматга шай.



Санъатга оид адабиётлардан ташқари маънавият ва маърифатга таалуқли китблар ҳам мавжуд. Бўлимга доимий равишида «Ўзбекистон адабиёти ва санъати» газетаси, «Театр», «Санъат», «Саодат», «Гулистон», «Веселые нотки», «Юный художник» каби журнallар келиб туради. Бўлим асосан Тошкент шаҳридан мактаблар, Успенский номли Республика ихтисослашган мусиқа академик лицейи ўқувчиларига ва Камолиддин Беҳзод номли Миллий рассомчилик ва дизайн институти талабаларига хизмат кўрсатади.

Хайрия жамғармалари, турли нодавлат ташкилотлар ва ҳомийлар томонидан ҳам китблар олиниб, китоб фонди бойитилмоқда.

Республика болалар кутубхонасига келган бола қалбан улгайиб чиқади. Энди у ўртоқларига ҳам китоб ва мутолаа завқи ҳақида сўзлаб бериши турган гап. Фарзандларингизни дунёқараши, тасаввур доираси кенг, маънавий билимларга бой бўлиб улгайшини хоҳласангиз, албатта, уни мурғак чоғидан китобга ошино этинг. Зоро, китоб билан дўстлашган бола кун келиб ҳар жиҳатдан баркамол бўлиб вояга етади. Таълим жараёнида олган билимлари кутубхоналарда янада мустаҳкамланади.



Madaniyat xabarlari

«ЙИЛНИНГ ЭНГ ЯХШИ САҲНА АСАРИ» ҚЎРИК-ТАНЛОВИ

Маданият ва спорт ишлари вазирлиги тасарру-фидаги маданият ва санъат коллежлари ўкувчила-рининг ижодий изланишларини қўллаб-қувватлаш мақсадида илк бор «Йилнинг энг яхши саҳна асари» Республика қўрик-танлови ўтказилди.

Тантанали очилиш маросимида Маданият ва спорт ишлари вазири Б.Ахмедов мазкур танлов ўкувчилар ва таълим муассасалари ўртасида ижодий рақобат ва ўзаро фикр алмашинувини ривожлантириш, замонамиз қаҳрамонларини яратиш, ёш ижодкорлар онгига миллий истиқлолғоясини сингдириш, маданиятимиз ҳамда саҳна санъатимизга бўлган хурмат-эътиборни кучайтиришини таъкидлади.

Қўрик-танловнинг худудий босқичлари май ойининг биринчи ўн кунлигига Қорақалпогистон Республикаси, вилоятлар ҳамда Тошкент шаҳридаги маданият ва санъат коллежларида ўтказилди. Унда актёрлик ва режиссёrlик йўналиши бўйича таҳсил олаётган гуруҳлар ўз саҳна асари билан иштирок этди.

БАҲШИЛАР ЮРТНИ КУЙЛАЙДИ

Навоий вилояти Хатирчи туманида «Кексаларни эъзозлаш йили» Давлат дастури доирасида Пўлкан баҳши хотирасига бағишлиланган «Баҳшилар юртни куйлади» деб номланган фестивал ташкил этилди.

Тадбирда Ўзбекистон халқ баҳшилари Абдуназар Поёнов, Очил Чоршанбиев, Маҳмудмурод Ражабов, уларнинг издошлари Зулхумор Шерназарова, Мамарасул Эшимов, Исмоилхон Анваровлар иштирок этди. Халқ сайиллари, кураш мусобақалари, қўчкор ва хўроз уриштириш каби ўйинлар тадбирга бўлган қизиқишини янада ошириди.

Фестивалда «Энг яхши достон ижрочиси», «Энг яхши ўлан-лапар ижрочиси», «Энг яхши ҳажвий шеър», «Энг гўзал сурат», «Энг яхши ўйин кўрсатган жамоа» каби номинациялар бўйича ғолиблар аниқланиб, ташкилотчilar томонидан тақдирланди.

ДИЛГА ТУТАШ ОҲАНГЛАР

Маданият ва спорт ишлари вазирлиги томонидан Ўзбек Миллий академик драма театрида икки босқичда ўтказилган «Онам айтган аллалар» Республика фестивалининг ғолиб ва совриндорларини тантанали тақдирлаш маросими ҳамда концерт ташкил этилди.

Миллий қадриятларимизни асрар-авайлаш, халқ

оғзаки ижодининг дурданаси бўлган алла жанрини аҳоли, айниқса ўсиб келаётган ёш авлод ўртасида кенг тарғиб қилиш мақсадида ўтказилган фестивалнинг худудий босқичларида иштирок этган 268 нафар ижрочилар урф-одатлар, анъаналар ва қадриятларни ўзида акс эттирган ҳолда театрлаштирилган саҳна кўринишлари ҳамда «Алла» кўшикларини миллий чолғу асбоблари жўрлигida ижро этдилар.

Худудий босқичларда муваффақиятли иштирок этиб, ғолибликни кўлга киритган 60 нафар иштирокчи Республика босқичида беллашди. Фестивал якунига кўра ғолиблар турли номинациялар бўйича тақдирланди.

ЭНГ ЯХШИ МУЗЕЙ ВА МУЗЕЙ ХОДИМЛАРИ ТАҚДИРЛАНДИ

Ўзбек Миллий академик драма театрида Маданият ва спорт ишлари вазирлиги, «Ўзбекмузей» жамғармаси, Касаба уюшмалари Федерацияси Кенгаши, Ўзбекистон Фанлар академияси ҳамкорлигига музейшунослик соҳасида ютуққа эришган соҳа вакилларини қўллаб-қувватлаш мақсадида ташкил этилган «Музей — халқ тарихининг кўзгуси» қўрик-танлови ғолибларини тақдирлаш маросими ўтказилди.

Мазкур танловга Республикаизда фаолият юритаётган музейлардан 50 дан зиёд ҳужжатлар тақдим этилди. Қўрик-танловнинг талаби доирасида тақдим этилган ҳужжатлар Ҳакамлар ҳайъати томонидан ўрганиб чиқилиб, энг муносиблари турли номинациялар бўйича тақдирланди.

САНЪАТНИНГ «ҲАЁТ ОҲАНГИ»

Хивалик рассом-ҳайкалтарош 74 ёшли Шавкат Усмонов ўзбек ҳайкалтарошлик санъати ривожига муносиб ҳисса кўшиб келмоқда.

Унинг Амир Темур, Жалолиддин Мангуберди, Мирзо Улуғбек, Алишер Навоий, Абулғози Баҳодирхон, Паҳлавон Маҳмуд сингари тарихий ва буюк сиймолар гавдаланган ўнлаб асарлари ўзининг бетакорлиги билан ажralиб туради.



Урганч Суратлар галереясида «Кексаларни эъзозлаш йили» ва Халқаро музейлар куни муносабати билан очилган «Ҳаёт оҳангি» номли ҳайкалтарошлик асарлари кўзгазмаси Ўзбекистон Бадиий академияси бадиий ижодкорлар уюшмаси аъзоси, таникли рассом-ҳайкалтарош Шавкат Усмоновнинг серқирра ижодкорлигини яна бир бора тасдиқлади.

Дилфузा ҚАРШИБОЕВА

ДИККАТ, ТАНЛОВ!

«Гулистон» журнали барча
фотожурналист, фоторассом
ва ҳаваскор сураткашлар учун
«Обод манзиллар»
фототанловини эълон қиласди.
Энг сара фотоасарлар журнал
саҳифаларида ёритилиб, йил
охирида ғолиб эълон қилинади ва
тахририятнинг маҳсус совғаси
топширилади.

Ушбу саҳифада фоторассом
Азамат ФАЙЗУЛЛАЕВ ижодидан
намуналар ёритилмоқда.







күнсіштаяуең

Нурилло ОСТОН



ЭЙ ГУЛ

Иккимизга эй гул, күшку равоқ бўлса,
Хилватнишин май-у тансиқ томоқ бўлса.

Чучмомалар кулиб ўпса кўзларингдан,
Кизғалдоқлар чехранг узра ёноқ бўлса.

Сархуш ўлсам мушки анбар бўйларингдан,
Бошимизда юлдузлардан чироқ бўлса.

Сийпаб ўтса соchlарингни сарин эпкин,
Бизга алёр айтган майса, қиёқ бўлса.

Булбул хониши янглиғ юрак куйлаб,
Қўлингдан ичгали майгун дудоқ бўлса.

Ишқи оташ жавҳаридин ташна кўнгил,
Таранг тортилган ёй, пайкон садоқ бўлса.

Шу байтни битди-ю Ҳижрат толди ўйга,
Қочар қайга хотин қўйган тузоқ бўлса.

ШИРИН

Эй пари, ки рўзи субҳда безабон йўргонг ширин,
Қай бирини мақтайун, хўрда-ю шўрбонг ширин.

Луччаки шафттолутек бағримни ошён айлағил,
Кўш кабутарни учғали қўймағон тўрбонг ширин.

Жонима хуш ёққали ахтари шаблар келодур,
Ки хобимни ташналаб мудрагон кўрпонг ширин.

Белингға дастим хумор, кел сани эмди нозлатай,
Десаму аччиғ боқиб нозталаб зардонг ширин.

Ман дуруғ гапни десам, ёғсин бошимға чалпаки,
Қош-кўзунгни аврагон сим-сиёҳ сурмонг ширин.

Қашлабон соғу сўлим, боз васлингға тўйсам ҳоло,
Чақса-да озор бериб, ваҳ бачағар бургонг ширин.

ҲАЖВИЙ ФАЗАЛЛАР

ТУШ

Юзинг ой-у дудоқ фунча, сочинг занжир,
Қадди наврастангда ифор сочар жамбил.

Имо қилдинг, ҳимо қилдинг, адo қилдинг,
Ўзим ҳайрон, кўзим гирён, юрак қандил.

Уруш кўрғон суворийдек жазм қилдим,
Манам силсилаи даврон, бироқ банд дил.

Булбулингман, санга банди бўлдим, э гул,
Оёқ-бошдин висолингга жами тадбил.

Валек гулмиҳда банддурман, тушовдурман,
Ажаб ишқнинг пайровидин вужуд тандир.

Бўлурми шунчалар қаттол, қаро бул туш,
Қаро терға тушубдирман зилу-замбил.

Калимамни бадастурлаб, хобни қувсам,
Боши болишимда хушҳол ётар кампир.

РАҚАМЛАНСА

Етиб дийдор, дўсту улфат тугал бир жойға жамланса,
Қора қўчкор қўйруғидин девзира ошға дамланса.

Хуморлашса аҳли турбат, кутиб турса дутор навбат,
Лутфи хандон ичра сухбат, жонон пиёла айланса.

Навозиш айласанг ҳўплаб, газакни боссанг уҳ-уҳлаб,
Жиззага нўш пиёз жуфтлаб томоқ жиз-бизга таъмланса.

Ўчақбошда гўлаҳ бўлсанг, ўтин ёрсанг, бўлак қилсанг,
Сабилдан сал газак қилсанг, мўйлабинг уни намланса.

Эсга олсанг хуш лаҳзани, ҳамда ширин туш, ларзани,
Ўшал қаламқош, фамзани, бир париваш санамланса.

Атри баҳор елиб тошса, сатри ашъор тўлиб-тошса,
Аҳли дўст-ёр кулиб тошса, шакаргуфтор баҳамланса.

Жаҳон ташвишидин айро, замон лаш-лушидин айро,
Ёмоннинг нишидан айро, турфа олам қадамланса.

Демиш Ҳижрат ўшал дамда, фанолик умри бир жанда,
Лабингдин тушмасин ханда, шу хуш фурсат рақамланса.

Mikrofonning sarguzashtlari

Бугунги кунда ҳаётимиздаги техник воситалар орасида микрофон ҳам катта ўринни эгаллаб турибди. Бошқача айтганда, турмушимиизга чукур сингиб кетди десак, хато қилмаган бўламиз. Микрофон ижро этилаётган куй қўшиқларни фақатгина қофозга эмас, балки овоз ёзиш қурилмаларига ҳам кўчириш имконини яратди. У овоз ёзиш жараёнида асосий қисмлардан бирини эгаллади.

XIX асрнинг охирларида ихтиро қилинган микрофон инсоният тарихида амалга ошириб келинган улкан ютукларга яна бир мўъжизани қўшди. Ҳаммаси 1877 йили америкалик олим Томас Эдисоннинг ялтироқ қофоз билан ўралган валикка товуш ёзувчи фонографни улашидан бошланди. Овоз ёзуви ихтирочиси бу қилган кашфиётини келажакда турли соҳаларда кенг қўлланишини, маданият жабҳасида етакчи воситалардан бирига айланишини тасаввур қилганмикин? Нима бўлганда ҳам мана шу ихтиродан бошлаб овоз ёзуви тарихига пойдевор қўйилди.

Дастлаб кашф этилган микрофон Эдисоннинг кўмирли микрофони бўлиб бу хилдаги ускунани ихтиро қилганлигини мустақил равишда 1878 йилда Г.Махальский ва 1883 йилда П.М.Голубинский эълон қилган. Мазкур ускунанинг функцияси овоз кучайтиргичлар ёрдамида овозни кенгроқ даврага ёки масофага етказиш эди. Йилдан-йилга микрофонларнинг турлари, янги имкониятлари пайдо бўлиши унга бўлган талабни янада ошириб юборди. Ҳозирда энг кўп тарқалган микрофон динамик ва конденсаторли овоз кучайтиргичлардир. Дастлабки динамик микрофон 1924 йилда немис олимлари Э.Гелаҳ ва В.Шотки томонидан ихтиро қилинган лентали типдаги электродинамик микрофон бўлади. 1931 йилда эса америкалик олимлар Э.Венте ва А.Терас катушкали динамик микрофонни яратди. Унинг афзаллиги чиқиши қаршилиги аввалги турдаги микрофондан каттароқ эканлигига бўлди. Бу хилдаги микрофонлар сезувчанлик даражаси пастроқ бўлса-да, ҳозирги кунда ҳам айрим овоз ёзиш студияларидаги фойдаланилмоқда. Динамик микрофонларда ўзининг бошқа сифатлари билан конденсаторли микрофонга нисбатан электрик хусусиятлари билан афзал бўлганлиги туфайли ҳар хил тадбир ва ёзувларда кўпроқ ишлатилади.

1916 йилда америкалик олим Э.Венте томонидан конденсаторли микрофон кашф этилди. Конденсаторли (сигимли) микрофонлар асосан катта ва кичик овоз ёзиш студияларда қўлланилади. Бу микрофоннинг динамик микрофонлардан фарқи кўшимча (фантом) 48 вольт кучланишда ишлаши, ҳаво боси-

мининг юқори сезувчанлиги, чолғу ёки овоз частоталарини танламаслиги сабаб ихтисослашган студияларда кенг миқёсда ишлатилиб келинмоқда.

Афсуски, ҳар бир нарсанинг факат фойда томони бўлибгина қолмай, ўзига яраша муаммоли жиҳатлари ҳам мавжуд. Биз биламизки, овоз кучайтиргичлар товушни бир неча баравар баландроқ қилиб берувчи хусусиятга эга. Табиийки, овоз баландлигининг меъёрдан ошиб кетиши тингловчининг эшитиш қобилиятига, қолаверса, руҳиятига таъсир кўрсатади. Хулосалардан маълум бўлишича, овознинг меъёрдан ошиб кетиши турли аномал ҳолатларни, ҳатто салбий оқибатларни келтириб чиқариши мумкин.

Шундай экан ҳаётимизга ўзига хос қуайлик воситаси бўлиб кириб келган микрофондан тўғри фойдалана билиш ниҳоятда муҳимдир. Таассуфки, сўнгги йилларда микрофоннинг салбий таъсирини ҳар қадамда учратиш мумкин. Биринчиси — ижтимоий ҳаётимиз билан боғлиқ бўлиб, барчамиз тез-тез гувоҳи бўлиб турганимиздек, турли оиласий тадбирлардаги микрофонларнинг қўлланишидир. Бу борада меъёрдан ошиш ҳолатлари кўп кузатилади. Яъни маросимга йиғилган кишилар овоз кучайтиргичлар таъсиридан бир-бирлари билан деярли сұхбатлаша олмайдилар. Сўнгги пайтларда тадбир ўтказиладиган бинонинг акустикаси хисобга олинмаган ҳолда керакли ҳажмдан бир неча баробар баландроқ кучланиш қўлланилмоқда.

Иккинчи муҳим жиҳат, овоз ёзиш студияларидаги улкан техник имкониятлардан фойдаланиб, ижрочиликда ҳаваскорликка йўл очиб берилаётганилигидир. Санъатдан йирок, мусиқий таълим ва тасаввурга эга бўлмаган турли нўноқ ижрочилар овозларига компьютер эфектлари орқали безак берган ҳолда қўшиқ ёзиб, хонандалик даъво қилишмоқда. Бундай ҳаваскорлар сони кундан кунга ошиб бораркан, уларни телекранда кўришга, радио тўлқинларида эшитишга мажбур бўляпмиз. Бу эса санъатни тириклик манбаига айлантириб қўймоқда.

Шу тариқа XIX асрда техник восита сифатида кашф этилган микрофон қуайлик келтириш билан бир қаторда айрим нокуайликларни ҳам юзага чиқармоқда. Замонавий техник имкониятлардан санъатимиз ва маданиятимиз тараққиёти йўлида тўғри ва самарали фойдаланиш, сунестемолчиликка йўл қўймаслик ҳар бир онгли инсоннинг бурчи ҳам бўлиши лозим.

**Муҳаммаджон РЎЗИМАТОВ,
Ўзбекистон давлат санъат ва
маданият институти магистранти**

Биз фарзандларимизни келажакка тайёрлар эканмиз, бунда ҳамма нарса, ҳатто, энг нозик жиҳатлар ҳам эътиборда бўлмоғи лозим. Уларни тўғри кийинтириш ҳам тарбиянинг бир кўриниши. Чунки болалар тақлид қилишга мойил ва эътиборли бўлади. Шуларни ҳисобга олсак, болалар киядиган либослар ҳам маълум маънода тарбиявий аҳамиятга эга эканлигини англаймиз. Шу хусусда бир неча саволлар билан Тошкент тўқимачилик ва енгил саноат институти ўқитувчиси, доцент Умида Мўминовага мурожаат қилдик.

— **Болалар кийимида модага риоя қилиш шартми?**

— Менимча болалар кийимида модага тўлиғича риоя қилиш шарт эмас. Чунки болалар учун қулайлик биринчи навбатда. Улар ҳаво ўтказувчан табиий матолардан бўлиши, боланинг эркин ҳаракат қилишига тўсқинлик қилмаслиги лозим. Бироқ болалар кийими бутунлай модадан ҳоли бўлиши ҳам мақсадга мувофиқ эмас. Чунки болалар ҳам жамият ичida улгаяди ва шу сабабли улар ҳам ўз-ўзидан катталар каби замонга ҳамоҳанг тарзда кийинишни хоҳлайдилар.

— **Кийимлардаги рангларнинг болалар руҳиятига таъсири борми?**

— Кийимдаги ранглар уларнинг руҳияти ва кайфиятига ўз таъсирини ўтказади. Уларнинг психологияси жуда нозик ва таъсиричандир. Болаларга кийим танланаётганда эҳтиёткорлик ва дид билан ёндашиш зарур. Чунки қора, қизил, оловранг ва ўта ёркин ранглар болакайнинг руҳиятига салбий таъсири кўрсатиши мумкин. Кийимдаги ранглар мутаносиблигига ҳам алоҳида эътибор бериш керак. Рангларнинг ўйғунлашмагани болада инжик ва қўрс кайфият ҳосил бўлишига олиб келиши мумкин.

— **Ҳозир дўқонлардаги кийимларда турли ёзувлар, расмлар бор. Уларниenglаб, англамай болаларга олиб берамиш. Шу хусусда фикрларингизни билдирисангиз?**

— Болалар кийимдаги турли ранг ҳамда ёзувлар уларнинг аҳлоқи ва тарбиясига таъсири этади. Шу сабабли ҳар қандай ёзув ва расмлар ҳам бола кийимига тўғри кела-вермайди. Масалан ҳозирда «Мен дадамни яхши кўраман», «Мен ойимни яхши кўраман» ёзувлар туширилган кийимлар урфда. Бу сўзлар кўпинча инглиз, рус тилларида берилса ҳам болалар ундаги маънони катталар ёрдамида уқиб олишади. Бундай сўзлар болада оиласа мұхаббат, меҳр-оқибат туйғуларини шакланишига ёрдам беради.

Бироқ ҳар хил хунук суратлар, белгилар, мантиқсиз сўзлар болани дидсизлантиришдан ташқари тарбиясига ҳам ёмон таъсир қилиши эҳтимоли катта. Мен четдан кириб келаётган тажовузкор суратлар, ўзга юртларнинг байроқлари, курол-яроқлар тасвирланган кийимларни дўконларимизда, бозорларимизда сотилишига мутлақо қаршиман. Фарзандларимиз миллий ва умуминсоний қадриятлар асосида тарбия топиши учун бу жуда муҳим. Қанчалик ярашиб турган бўлмасин, онгли равиша бундай кийимларни болаларга кийдирмаслик тарафдориман. Шунга оммавий тарзда эриша олсак, талаб камайган кийимни њеч ким четдан олиб кирмайди.

— **Замонавийлик ва миллийлик мувозанати болалар либосларида акс этиши учун тавсияларингиз билан ўртоқлашсангиз?**

— Ўзбек миллий матоларидан тикилган замонавий либослар жуда ҳам гўзал, байрамона кўринишга эга. Бундай кийимларга ҳозирги кунда талаб юқори. Уларнинг туслари ва товланиши болаларни ўзига жалб қилади ҳамда кайфиятини кўтаради. Уларни тантана ва маросимлар учун кўпроқ ишлатаётган бўлсак ҳам кундалик кийишга мослаштирилган, замонавий кўринишлари ҳам бор. Бу, аввало болажонларимизнинг ўзларини қувонтирса, атрофдагиларга ҳам хуш кайфият улашади.

— **Болаларни тўғри ва қулай кийинтиришда нималарга амал қилиш керак?**

— Таъкидлаб ўтганимиздек, болага табиий матолардан тикилган кийимлар кийдириш керак. Бизнинг минтақамиз пахта, ипак ва жун сингари табиий маҳсулотларга бой замин. Шунинг учун болажонларга ўзимизда ишлаб чиқарилган кийимларни кўпроқ тавсия қиласман. Шундай кийимларнинг бели бўғиб қўймаслиги, ўта тор бўлиб қолмаслиги, безаклари ботмаслиги муҳим. Айниқса, оёқ кийим танлаш ҳам муҳим аҳамиятга эга. Тагчарми пишик, ишлатиладиган маҳсулотларнинг табиий эканлиги, оёқ эркин ҳаракат қиласидан пойабзал танлаш жуда муҳим. Баъзида ота-оналар чироклари ёнадиган, юрганда овоз чиқаридиган оёқ кийимларини фарзандларига кийдириб завқланишиди. Аввало унинг зарари хусусида ўйлаб кўриш керак. Тагчарми юмшоқ оёқ кийими оёқнинг таг қисми нотўғри ривожланишига олиб келади. Ҳозир республикамизнинг барча худудларида болалар ортопедик оёқ кийимлари тайёрлайдиган жойлар бор. Мутахассис тавсиясига кўра исталган шаклдаги оёқ кийимлари тикириш мумкин. Бош кийимлари хусусида ҳам шу каби тавсияларимиз бор. Қишида иссик, ёзда олди айвонли бош кийимларни танлаш, бошни, кулоқларни сиқиб қўймаслиги мақсадга мувофиқ. Кийим болани эмас, бола кийимни безаб турмоги керак.

**Нигина ФУЛОМОВА
сұхбатлашды**

BOLALAR LIBOSLARI:
MILLIYLIK VA ZAMONAVIYLIK

Sahna ortidagi hangomalar

Марям ИХТИЁРОВА,
Ўзбекистон халқ артисти

ОММАВИЙ САҲНАДАГИ «ҚОВУН»

«Тоҳир Зуҳра» спектакли кўйилган пайтлар оммавий саҳнада чиқиб юрардик. Туйнук тепасида жарчи турарди. «Хон Бобохон Қоработир томон юриш қилди» деб жар солади. Шунда одамлар «Вой душман юриш қилаётган экан», деб қайғуга тушади. Ролни Анвар Юсупов ижро этган. Чўқи соқоли бор эди, гапиргандга соқоли бориб-келиб фалати бўлиб кетарди. Халқ йиглаляти, эзиляпти. Мен бўлсан «соқолини қаранглар» деб қийқириб кулиб юбордим. Шу пайт бошимга тўсатдан бир мушт тушди. Қарасам Наримон aka парда чеккасида туриб менга муштини ўқталиб турган экан.

УНУТИЛГАН РОЛ

Ёшимиз катта бўлиб қолганда ўйнаган бир спектаклини миз бор. Номи «Фариштали аёл» бўлиб, 1980-1985 йилларда кўйилган. Бир аёл илмий ишлар билан банд, анчайин катта китоблар ёзиб юради. Жудаям хаёлот дунёсига берилиб кетади.

Орада мен касал бўлиб, театрга анча вақт келолмай қолдим. Бирор ойлар ўтиб ишга келдим. Ўша спектаклга тайёрланиш учун грим хонамиизда ўтирибмиз. Шеригим билан гапга берилиб кетибмиз. Мен саҳнага чиқишим олдидан мусиқа чалинади. Ўшанга эътибор бермай қолибман. Ёрдамчи режиссиёр ёш йигит, югуриб келиб эшикни тақиллатиб «Марям опа чиқадиган жойингиз келди, чиқмайсизми, мусиқа ўтиб кетяпти» деб қолди. «Вой-дод» деб гримхонадан югуриб коридорга чиқдим. Саҳнага қайси эшикдан чиқиларди, шу пайтда умуман эслолмадим. Мусиқа эса ўтиб кетяпти. Атрофдагиларга «ўзи нима спектакл бугун» десам, «вой чиқинг, «Фариштали аёл» югуринг, бу ёқдан чиқинг» деб кўрсатвориши. Саҳнанинг орқа тарафида парда орқасида ишлатилмайдиган ўрта эшик бўларди, ўша эшикдан югуриб кирдим-да, ролга киришиб кетдим...

ТЕККАН «ҚАРҒИШ»

Устозимиз Раззоқ Ҳамроев Туроб Тўланинг «Қари қиз» деган асарини кўяётганди. Саҳнада репитиция қиласмиз. Ўга омонат эшик кўйилган. Гўё шу эшикдан кириб чиқамиз. Опа-сингилларни ўйнаётган Наима Пўлатова, мен ва Фарофат Раҳматовалар репитиция қиласмиз. Наима опага дублёр бўлиб ўйнайдиган бошқа актриса келиб нуқул «домла, нимага мени репитицияга чиқармаяпсиз? Қачон мен репитиция қиласман» деб инжилик қиласарди. Раззоқ ака «дамингни олиб тур қизим, эртага сен билан репитиция қиласман» деса жаҳл қилиб «илоё спектаклинг йиқилсин (қабул қилинмасин маъносида)» деб чиқиб кетди. Репитиция давом этди. Раззоқ Ҳамроев домламиз саҳнада «қизим сен мана бу эшикдан чиқасан, мана бу ердан ишлаб мана бу ерда туриб, мана бунақа дейсан» деб тушунираётса эшик ағнаб кетиб, домламизнинг пешсанасига тегди. Озгина қон чиқди. Қонни кўриб домла ўзини ташлаб юборди.

Хусан Шарипов ҳалиги актрисани ёнига чиқиб «Хе, ба-шаранг қурсин, сен домла йиқилсин деб кетгандинг. Мана, домла йиқилди. Саҳнага тез ёрдам чақирилди,



хозир кўрасан кунингни», деди. У актриса эса «иби, мен ўлай, иби мен ўлай, мен домла йиқилсин демовдим, спектакл йиқилсин дегандим», дедиую йиглаб юборди. Кейин кечирим сўраганди.

СОДДА БЎЛМАЙ ҚОЛАЙ

80-йиллар охири эди. Турк ёзувчиси Рашод Нури Гунтекиннинг бир асари кўйилган. Ўнда Одила хола ролини ўйнайман. Янги кўйилаётган кунлари эди. Метродада ишга келяпман. Кеч қолмай деб уйдан вақтли чиқардим. Газета олдим, ёнида кичкина ҳамён турибди. Алламбало тутмачаси бор, яп-янги. Кимдир газета олган бўлса, қолиб кетган деб ўйладим. Сал наридаги автомат телефон ёнида иккита рус йигит турибди. Мен ҳамённи олиб «кто то оставил», дедим. Анави йигитлар эшитмадими, унчалик эътибор бермади. Метродаги навбатчи аёлга бераман деб турганимда метро келиб қолди. Бирдан спектаклга кечикаётганим эсимга тушиб жон ҳолатда ўзимни поездга урдим, охирги вагонга зўрга илашдим. «Қайтища навбатчига ташлаб кетарман» деган ўй билан сал хотиржам бўлдим.

Қаҳрамоним ижарага одам кўядиган, пулга ўч кампир. Ҳаммага ҳасад қиласмиз, ҳар қандай одамдан пул шилай деб турадиган кўзи оч. Пардозимни қилиб, кийимларимни ҳам кийиб бўлдим. Саҳнага чиқишга 5-6 минут қолганди. Гримхонада ўзимдан бошқа ҳеч ким йўқ. Ҳалиги ҳамённи очиб кўрайчи, ичиди нима бор экан, деб очганимни биламан, бир нарса банғиллаб, ҳамма ёк тутун бўлиб кетди. «Вой-дод, вой-дод, вой-дод» деб югуриб коридорга чиқдим. Деворга суюндим, оёқ қўлим даф-даф титрайди. Ўша атрофда бўлғанлар югуриб келди. «Нима бўлди, нима гап ўзи» деганларга, «бомба, бомба портлади» дейман. Қошимни устигаям, бурнимни устигаям қизил нарсалар ёпишиб қолганди.

Кейин билсам у порошок экан. Ўғриларни тутиш учун кўйилган бўлиб, ҳалиги йигитлар унга қараб туришар экан. Кийимимни алшмаштириш имкони йўқ, саҳнага ҳам ўша ахволда чиқдим. Уст-бошларим, ҳамма ёғим бўёқ-порошок бўлиб кетди. Саҳнада Ҳусан aka билан диологимиз бор эди. Ҳусан aka гап бошлиди: «Ҳа Одила кампир, ҳамён топиб олибсиз деб эшитдим, неча пул чиқди ичидан?» Саҳнада кулгудан зўрга ўзимни тутиб турдим. Эртасига «Табассум» эшиттиришини тайёрлагани радиога келдим. Наби Раҳимов киришим билан: «Ҳа Марям, Бешёғочда кеча бомба портлатибсан», деб қолди. Соддалигим туфайли мана шунақа вазиятларга ҳам тушганман.

ҚЎР ҲАССАСИНИ БИР МАРТА ЙЎҚОТАДИ

Театримиз Тошкент давлат иқтисодиёт университети ёнида жойлашган. Ёз кунлари эди. Имтиҳон пайтлари абуториентларнинг ота-оналари келишадио, театримизни олдиаги йўлакдан узунасига университетга етгунча ерда қўлларида сумкалари борми, бошқа тугунлари борми, ўтиришади. Бир куни ишга келаётсан катта сумка ерда турибди, эгаси йўқ. У ёққа қарадим, бу ёққа қарадим, ҳеч қанақа одам йўқ. Вилоятлардан келадиган одамларнинг сумкаси эканлиги кўриниб турибди. Нони бордир, бошқа кийим-кечаги бордир. «Йўқ, бунга тегмайман, қўр ҳассасини бир марта йўқотади», деб театрга кириб кетдим.

Ikir-fikrlar

* * *
Сенда итликнинг барча белгилари бор.
Вафодорликдан бошқа.

(Бошлиқнинг ходимга айтгани)

* * *
Хозирги айрим қизлар орасида Кришиану
Роналдуга ўхшайдиганлари жуда кўп. Бир ўзи
нақ бештасини алдаб кетиши мумкин.

(Ёлғончи қизлардан азият
чеккан йигитнинг дил ноласи)

* * *
Гараж эшигини кўрмай қолиб, машинани пачок
қиласидиган аёллар эрининг кўйлагидаги бегона
соч толасини беш метр наридан кўради...

(Ишга кўзи кўкариб
келган эркак сўзи)

* * *
Йўқ-йўқ, гапиришда давом этавер. Мен ўзи
шунақаман, жуда ҳам қизиқиб эшитаётганимда
эснаб-эснаб кўяман.

(Зерикарли сухбатдош шаънига
айтилган «мақтов»)

* * *
Мен инглиз тилини ўрганишни бошламоқчи,
спорт залига қатнамоқчи, кутубхонага аъзо
бўлмоқчи эдим. Кейин ижтимоий тармокларда
рўйхатдан ўтдим...

(Уч йилдан бери ўқишига киролмаётган
йигитнинг ҳасрати)

Musahhih daftariidan

Дўстим, сиз менинг суюнган соя(қоя)мсиз.
Ҳофиз ака, қўшиғингизни сал текин (**секин**) куй-
ланг, илтимос.

Ресторанда маза қилиб совук (**товук**) едик.

Кўёшнинг иссиқ кафти (**тафти**) Козимнинг елка-
сини кўйдира бошлади.

Сени шунчалар севаманки, бир умр тароғимда
(қароғимда) асрайман.

ДИЛКАШ

Мактублар

Кичкинагинадан «Түлистан» журналини оиласиз
билил севиб ўқишимиз. Ҳозир ҳам журнал қўйилгага төккан
кун долалини қайтиб келгандек хифсанq бўламиш. Ўзим
ўқиб бўлган, мактабдаги касббошларни ҳам ишинаман.
Шу тифайли мактабда ҳам «Түлистан»нинг янги сонини
интиқиб кўтадиган бўлшиди. Журналдаги барча
мақолаларни, ағабий асафларни қизиқиб ўқиб чиқамиз.
Мана, яна янги сонини олдиқ. Биз шебрларни севиб
ўқиийдиган бир қатбор шоирапарнинг ижодида
нашуналарни журнал саҳифаларида кўриб, хифсанq бўлдиқ.
«Галерея» саҳифасидаги рассомлар ҳакиқати маддијотлар
ва ҷарнинг асафларини расм ғарсларида кўргазма
тарзида фойдаландик.

Үйда фағандлашимга, мактабда ўқувчиларимга,
«Болалар саҳифаси»даги эртак ва шебрларни ўқиб
дерди. Журнал менинг энг яқин сирдошимга
айланганида маниннишан..

Зўҳро БАРОТОВА,
Бўхоро шаҳридан 33-сон үзумий
ўрта-таддим мактаби ўқитувчиси

Ассалому алайкум, «Түлистан» журнали
тахифирият! Мен севимли журналишизининг
ҳар бир сонини кўйишай ўқиб бораман.
Менга, айниқса, охириги сонлардаги
ўзгағашлар, рангли саҳифалар жуда манзур
бўлди. Журналдан юртимиз маданияти ва
сандағига доир янгилеклар, бўғинги куннинг
иљор ёшлиари ҳакиқати макралаларни ўқиб
хифсанq бўлди. Ёшлиғимизнинг яратилган
имкониятлардан үнчими фойдаланиб, ғунё
билин бўйлашаётгани, дошқа йенгашошларига
ҳам ўрнак бўлди. Журнал саҳифаларида
ёшлиғининг шебрлари, насрый асафлари ва
жаҳон ағабиётидан таржималар ҳам
ўқишни истардик. Кафрдан журналинг
кейинги сонларини ҳам сочинид кўтиб
корамиш.

Махбуба ТИЛАЕВА,
Марғонон шаҳри

ЎТГАН СОНДАГИ «АРДОКЛИ ШОИРА» МУАММОНОМАСИННИГ ЖАВОБЛАРИ:

Калит сўзлар: 1. «Саодат». 2. «Мушоира». 3. Пари-
зод. 4. «Ҳаёт вараклари». 5. «Ўғлим ...». 6. Ойбек.
7. Бахорга, зальфорон. 8. Кимхоб, Янги. 9. Ҳожиева.

Шеър: «...Қоронғу тунларда оловли сўзни,
Кимки машъал қилса толе унга ёр.

Бахтил аёлман деб атабсиз ўзни,
Сиздай шоири бор ҳалқ ҳам сиздай баҳтиёр».
«Шоира Зулфия опамизга» Абдулла Орипов
Шакл атрофида: Жаваҳарлал Неру. «Нилуфар».
«Кирилл ва Мефодий»



«ЎЗБЕКИСТОН ТАСВИРИЙ САНЪАТИ» ЧАЙНВОРДИ

1. Рассомликда жонсиз предметларни тасвирлаш жанри. 2. Манзараи рассом, рангтасвир устаси, Ўзбекистон халқ рассоми. 3. Дераза, эшикка рангли шиша парчаларини териб нақш, тасвир ишлаш санъати. 4. Сайқалланган сиртнинг товланиши. 5. Бир неча япроқли мойчечаксимон, тасаввурда бахт-икбол рамзи тариқасида қўлланиладиган нақш элементи. 6. Сайқал бериш ашёси. 7. Металл буюнга тасвир ишлаш санъати. 8. Иморат айланасига тишига ўхтатиб ишланган меъморий безак. 9. Мисгарликда офтоба каби идишларнинг қопқоғи билан дастасини бирлаштирувчи биронздан қўйилган афсонавий күш ёки жониворлар тасвири. 10. Тасвирий санъатда рангларнинг уйғунлик касб этиши. 11. Нақшнинг маълум бир шаклда тақрорланувчи қисми. 12. Рассомнинг асосий иш куроли. 13. Кўлёзма китобларнинг мукова ва саҳифаларига олтин ёки кумуш суви билан ҳал берувчи уста. 14. «Иккинчи Моний» номини олган фахрий унвоннага сазовор бўйлан буюк миниатюрачи мусаввир, музахъиблар етакчиси. 15. Қадимий тасвирий санъат намуналари топилган милоддан аввалги II аср охири-I аср бошлирига мансуб, Чуст маданиятининг энг йирик ёдгорлиги, тураржой харобаси. 16. Рассомнинг ўз қўли билан ишлаган ўз тасвири. 17. Бирор нарсанинг чизма шакли. 18. Бинонинг олд томонидаги, пештоқ ва устунлар билан безатилган қисми. 19. Графитли расм чизиш қуроли. 20. Рассомлик санъати тури. 21. Безак нақшни кўйма ҳолда ясаш мосламаси. 22. Девор, шифтнинг атрофи ҳояши билан ўралиб, бўртма суратлар билан безатилган

қисми. 23. Геометрик шакллар билан ўсимлиқ ёки жониборлар тасвирларини ритмик тартибда қўшиб, уйғулаштириб ишланган безак. 24. Тасвирий санъатда чайқалиб турган сувга ўхшаш чизма. 25. Энг мукаммаллашган етук нақш тасвири. 26. Нақшнинг намуна сифатида танлаб олинган тури донаси. 27. Алишер Навоий асарлари қаҳрамонларини мўйқаламда гавдалантирган Ўзбекистон ҳалқ рассоми.

«НОДИР АСАРЛАР» МУАММОНОМАСИ Калит сўзлар:

- «Алишер Навоий» портрети муаллифи, Ўзбекистон халқ рассоми. — 7, 8, 2, 3, 6, 14.
- Абдулла Қодирий асарларига қаламтасвирда суратлар чизган муаллиф, Ўзбекистон халқ рассоми — 5, 3, 10, 11, 8, 6, 14.
- Мусаввирнинг асосий ифода ва тасвир воситаси — 10, 6, 7, 16.
- Уста Ширин номи билан машҳур ганч ўймакори, меъмор, Ўзбекистон Республикаси санъат арбоби — 5, 4, 10, 12, 15, 12, 14.
- Бирор нарсанинг чизма шакли — 13, 8, 1, 14, 3, 10.
- Бўёқ модда — 5, 12, 9.

Шакл атрофидаги рақамларда ифодаланган муаммономани калит сўзлари жавоблари асосида ҳал этинг. Бунда улардан илк ўзбек аёл рассоми Шамсирий Ҳасанова иходига мансуб тўртта портрет асарлар номини билиб оласиз.

Фозилжон ОРИПОВ тузди



Бахтиёр Тўраевнинг ижодини кузата туриб, нурни илгай олган, ҳар бир ҳолатдан ўзгача ҳикмат қидирган рассомни қашф этамиз. Унинг асарлари ўтмишдан ривоятлар, тарихдан ҳикоятлар сўзлайди. Уларни тинглаган сари тинглагинг, ўзинг учун янги оламларни қашф этгинг келади. Фалсафий ва ботиний маънолар суратлардаги ҳар бир деталга сингдирилганки, уларни кузатган сари моҳияти очилаверади.

У сўнгги ўн йил давомида Ўзбек миллий академик драма театрида «Соҳибқирон», «Ал-Фарғоний», «Чўлпон», «Чимилдиқ», «Машраб», «Қатагон», «Абулфайзхон», «Ёрқиной», «Муҳаббат сultonи», «Ноёб нусха», «Бир кошона сирлари», «Ҳаёт эшик ортида», «Усмон Носир», «Пирин коинот» каби элликдан ортиқ спектакллар яратилишида рассом-декоратор сифатида фаол қатнашиди.

